



SEGURANSA LOKÁL NO REZILIÉNSIA IHA DILI, TIMOR-LESTE

Damian Grenfell & Bronwyn Winch

SEGURANSA LOKÁL NO REZILIÉNSIA IHA DILI, TIMOR-LESTE

Damian Grenfell & Bronwyn Winch

Dezembu 2014

Seguransa Lokál no Reziliénsia iha Dili, Timor-Leste

Autór Relatoriu: Damian Grenfell & Bronwyn Winch

Publika husi: Fundasaun Ázia

Fotografia: Conor Ashleigh (Fundasaun Ázia) & Carmenesa Moniz Noronha Soares (pajina 7)

Tradutór: José Tomás Alves

© Copyright 2014: Fundasaun Ázia no The Centre for Global Research

ISBN: 978-0-9871531-9-7

Agradesimentu

Ami agradese membru comunidade sira iha Dili ne'ebé fó ona sira-nia tempu hodi partisipa iha levantamentu ida-ne'e. Ami halo dívida ba Carmenesa Moniz Noronha Soares ne'ebé lidera ekipa peskiza nian iha fatin tolu iha Dili, no ba funsionáriu kontratadu no alunu sira ne'ebé envolve iha realizaun peskiza ida-ne'e. Ami agradese Lynze Woon ba ninia assisténsia iha Melbourne, nune'e mós Emily Toome no Stefani Vasil. Ami-nia agradesimentu boot tebetebes ba Susan Marx, Representante Lokál Fundasaun Ázia nian iha Timor-Leste, ba ninia apoiu, no ba Todd Wassel, Diretór Programa Seguransa no Protesaun nian, ba ninia kontribuisaun valioza no orientasaun jeneroza. Ami mos agradese Lewti Hunghanfoo ba ninia perísia kona-ba revizaun no dezeńu ba relatoriu ida ne'e.

Atu hetan informasaun liután kona-ba Programa Peskiza Timor-Leste fasilita husi The Centre for Global Research no RMIT University, bele vizita: timor-research.org

Atu hetan informasaun liután kona-ba Fundasaun Ázia no ninia programa sira, bele vizita: www.asiafoundation.org

TABLE OF CONTENTS

AKRÓNIMU	2
I. INTRODUSAUN	3
Metodolojia	4
Orienta relatóriu	5
Kona-ba relatóriu ida-ne'e	6
PERSESAUN KONA-BA SEGURANSA	8
Seguransa bairru nian	8
Seguransa iha kapitál	12
III. JÉNERU NO SEGURANSA	15
IV. JUSTISA NO SEGURANSA	19
Lei	19
Autoridade responsavel sira	21
V. ATITUDE SIRA KONA-BA FORNESIMENTU SEGURANSA	25
Polísia	25
Estadu	27
Envolvimentu esternu: Ajente sira seguransa nian	29
Organizasaun naun-governamentál sira	30
VI. FONTE SIRA INFORMASAUN NIAN	32
VII. HAREE BA FUTURU	33
VIII. KONKLUZAUN	37
Rezultadu prinsipál sira	37
Rekomendasaun sira ba peskiza tempu oinmai nian	38
BIBLIOGRAFIA	39
NOTA-ROHAN SIRA	44
ANEKSU 1: DADUS LEVANTAMENTU NIAN	51
ANEKSU 2: KESTIONÁRIU	53

AKRÓNIMU

BOP	Batalhão de Ordem Pública
COE	Companhia de Operações Especiais
CSP	Companhia de Segurança Pessoal
F-FDTL	Falintil-Forças de Defesa de Timor-Leste
FPU	<i>Formed Police Units</i> (Unidade Políisia Formada)
GAM	Grupu Arte Marsiál
GNR	Guarda Nacional Republicana
IDP	<i>Internally Displaced Person(s)</i> (Ema Dezlokadu Internu [sira])
ISF	<i>International Stabilisation Force</i> (Forsa Estabilizasaun Internasionál)
ONG	Organizasaun Naun-Governamentál
PNTL	Políisia Nasionál Timor-Leste
UIR	Unidade Intervensaun Rapida
UN	<i>United Nations</i> (Nasoins Unidas)
UNAMET	<i>United Nations Mission in East Timor</i> (Misaun Nasoins Unidas nian iha Timor-Leste)
UNMIT	<i>United Nations Integrated Mission in Timor-Leste</i> (Misaun Integrada Nasoins Unidas nian iha Timor-Leste)
UNPOL	<i>United Nations Police</i> (Políisia Nasoins Unidas nian)
UPF	Unidade Patrullamentu Fronteira
URP	Unidade de Reserva da Políicia
RDTL	República Democrática de Timor-Leste

I. INTRODUSAUN

Relatóriu ida-ne'e ezamina opiniaun sira komunidade nian kona-ba seguransa iha Dili, Kapitál Timor-Leste nian. Liuliu bazeia ba levantamentou ida no entrevista sira ne'ebé badak ho membru sira hosi komunidade lima iha Dili laran iha semestre dahuluk tinan 2011 nian, no literatura subsekuente oioin, relatóriu ne'e fó vizaun ida kona-ba dimensaun diferente hosi persesaun públika nian kona-ba seguransa. Tema sira ne'ebé maka aborda inklui pontu-de-vista sira kona-ba karik seguransa aumenta di'ak iha komunidade, oinsá komunidade sira reprodús seguransa en-termus estrutura autoridade lokál no estadu nian, nune'e pontu-de-vista públiku nian kona-ba envolvimentu ajente sira seguransa nian. Pergunta sira-ne'e importante hodi husu, liuliu konsidera Dili sofre ona períodu oioin ne'ebé signifikativu kona-ba violénsia intensa durante ninia istória atuál, dala ida iha okupasaun Indonézia ninia rohan, dala ida tan hosi 2006 to'o 2008.

Iha 1999, tentativa sira hodi integra eis-kolónia Portugés nian ba nasaun Indonézia falla tiha, hanesan hatudu liuhosi votu maioria ne'ebé favorese independénsia ba Timor-Leste iha 30 Agostu iha tinan ne'ebá. Konsekuente retirada violenta hosi forsa armada indonézia nian no milísia iha 1999 husik destruisaun infraestrutura materiál barak iha Dili, hamamuk sidade kuaze maioria hosi ninia populasaun. 'Sake' of Dili serve tantu propóztu simbóliku no práttiku nian ida, iha-ne'ebé destruisaun ho efeitu inkapitadu sentru polítiku nasaun foun nian.¹ Ema liu 400,000 ne'ebé hetan dezlokasaun ho forsa (Robinson 2003, 25), inklui ba Timor Loromonu.² Repatriasaun subsekuente hosi populasaun ba kapitál devastadu buka rai no uma iha Dili okupa fila-fali, la'ós de'it uma sira ne'ebé maka husik mamuk tiha ona hosi ema Indonéziu sira, maibé mós pertense ona hosi ema Timoroan dezlokadu sira.

Enkuantu runguranga iha 2002,³ protestu hosi veteranu sira iha 2004,⁴ no manifestasaun boot lidera hosi igreja iha 2005⁵ iha-ne'ebé sira konfirma kapitál maka fatin ida-ne'ebé potenciál ba forma oioin kontestasaun política nian, períodu ne'ebé maka koñesidu nu'udar 'krize' sai ona prova ida-ne'ebé maka sériu tebetebes. Maihosi divizaun iha forsa armada (F-FDTL), soldadu besik ema 600 abandona sira-nia kuartél iha inísiu tinan 2006 kona-ba akuzasaun diskriminasaun ba Loromonu (termu ne'ebé uza hodi deskreve ema sira-ne'ebé hosi distritu sira loromonu país nian) hosi Lorosa'e (ema sira-ne'ebé hosi distritu tolu lorosa'e nian).⁶ Iha fulan-Marsu ninia rohan, distúrbu barak iha kapitál ne'ebé maka hato'o katak sei asumi 'dinámika lorosa'e kontra loromonu iha-ne'ebé foinsa'e hosi rejiaun rua ne'e envolve iha problema petisionáriu sira-nian' (United Nations 2006, 22). Violénsia nakfera iha fulan-Abríl ninia rohan ho manifestasaun sira ne'ebé hala'o iha liur hosi Palásiu Governu nian,⁷ no hosi pontu ida-ne'e aparellu seguransa estadu nian barakliu dezintegra ba iha faksau rivál.⁸ Lider militar no Política sira-nia uma hetan atake,⁹ hasoru faksau sira ne'ebé envolve iha emboskada lubuk ida ida hasoru ida-seluk,¹⁰ no iha masakre polisia hosi membru sira forsa armada nian iha Dili laran iha 25 Maiu.¹¹ Bainhira ministru sira fó kilat ba ema sivíl sira¹² situasaun sai hosi kontrolu no destaka Força Estabilizasaun Internasionál ne'ebé lidera hosi Austrália (ISF) ho esforsu ida atu kontein violénsia.¹³ Misaun Manutensaun Pás ONU nian (UNMIT) mobiliza iha 25 Agostu 2006, kompostu hosi forsa polisia internasionál (UNPOL) ne'ebé asumi komandu tomak polisia nasional nian iha 13 Setembru 2006 (ICG 2006, 16, 18).

Ho kolapsu forsa polisiál no divizaun iha forsa armada, violénsia komunitária nakfera iha Dili.¹⁴ Violénsia Grupu-bandidu nian ne'ebé hato'o, refleta ba grau signifikativu dimensaun étniku-territoriál kona-ba divizaun Lorosa'e no Loromonu iha forsa armada maibé 'mós forma hosi interese sira partidu polítiku nian no kontrolu territóriu urbanu lokál hosi grupu-bandidu sira rasik' (Grenfell 2009, 181). Atake sira hodi halo kontrolu ba rai, uma no vantajen ekonómiku maka sai komún,¹⁵ insentiva hosi agravu hanesan ema sira ne'ebé maka fila hikas hafoin violénsia 1999 (Harrington 2006, 2; Jutersonke *et al* 2010, 31). Ho destruisaun jeneralizada ba uma no edifísiu sira governu nian, lelan no sunu merkadu no estasaun ónibus prinsipál sira, parte sira kapitál nian sai zona 'asesu restritu' hanesan violénsia dura kleur (Brady 2006, 13; Jutersonke *et al* 2010, 31). Ema barak iha kapitál husik sira-nia uma, sidade nakoho ho

akampamentu improvisadu sira hanesan refujiadu iha edifísiu governu nian, eskola, jardim no igreja sira. Nune'e mós aeroportu nasionál harii uma tenda iha ninia oin entrada nian. Ema ho total 150,000 ne'ebé hetan dezlokasaun (*internally displaced persons* ka IDPs) (Van de Auweraert 2012, 16). Hala'ó eleisaun nasionál 2007 no rezulta iha governu foun ida, entretantu, la to'o Feveireiru 2008 iha-ne'ebé krize atinji espésie konkluzau mortál ida ho tentativa asasinatu Prezidente José Ramos-Horta no Primeiru-Ministru Xanana Gusmão. Insidente ida-ne'e hamosu lider rebelde Alfredo Reinado mate no tuirmai deklarasaun 'Estadu-de-Sítu'.¹⁶


Peskiza ba relatóriu ida-ne'e mai iha momentu ida ne'ebé importante en-termus hodi sukat persesaun comunidade nian kona-ba seguransa no nível padraun lokál kona-ba reziliénsia. Iha 2011, presiona kestaun sira ne'ebé relasiona ho krize 2006-2008, no barakliu maka rezolve tiha ona, pelumenus iha sentidu ida imediatu. Enseramentu kona-ba kampu Dezlokadu sira,¹⁷ solusaun negosiada ida ho petisionáriu sira, ameasa diminui hosi grupu armadu nian, entrega fila-fali kontrolu polísia nian ba PNTL iha Marsu 2011,¹⁸ kontribui ba aumentu sentimentu ba estabilidade iha kapitál. Enkuantu eventu sira-ne'e sujere potenciál ba aumentu sentimentu ba estabilidade, prezensa kontínua hosi ISF nian konsidera hanesan lembrete ida iha-ne'ebé kualkér melloria ba estabilidade en-gerál kontinua mantein, ba limite determinadu ida, ho prezensa forsa militar rai-liur nian.

Enkuantu la iha repetisaun kona-ba eskala violénsia ne'ebé karakteriza krize 2006-2008, no eleisaun sira 2012 nian ne'ebé hala'ó iha fatin barak iha kontestu kontestasaun polítika ida ne'ebé pasífika, eventu sira atuál hatudu importánsia hodi komprende resposta sira populusaun nian kona-ba risku no ameasa sira, oinsá estrutura autoridade sira haforsa malu, no oinsá ema sai konxiente ba insidente sira relasiona ho seguransa nian. Porezemplu, iha Setembru no Outubru 2013, Dili liuhosi período inseguransa ne'ebé aumenta tanba insidente violentu lubuk ida.¹⁹ Hirak-ne'e iha impaktu ne'ebé réal ba populusaun kapitál nian, la'ós de'it ho aumentu prezensa seguransa nian iha estrada sira, maibé ho impaktu notável ba mobilidade (liuliu iha kalan). Preokupasaun iha relatóriu ida-ne'e, maka la'ós de'it seguransa física populusaun nian ka realokasaun rekursu limitadu en-termus polisiamentu, maibé mós kestaun qualidade moris nian, liuliu haree katak populusaun baibain moris ho nível prekariedade ida ne'ebé aas.

Metodolojia

Levantamentu sira hala'ó iha Marsu no Abríl iha suku lima²⁰ iha Dili. Maka hanesan **Becora**, iha parte lorosa'e Dili nian; **Bemori**, bairru ki'ikoan ne'ebé halo baliza ho Santa Cruz iha parte loromonu, Audian iha parte tasi-feto no Kuluhun iha parte tasi-mane; **Bairro Pite**, relativamente iha parte sentrál Dili nian no iha parte súl nian ne'ebé baibain koñesidu hanesan 'Estrada Hudi-laran'; **Comoro**, suku boot ida ne'ebé hela besik Ponte Comoro no Estrada Comoro nian, ne'ebé liga sentru Dili ba estrada aeroportu no esteriór iha diresaun ba loromonu nian; no **Lahane Oriental**, halo baliza ho Becora iha parte lorosa'e, no hahú ho estrada ne'ebé atu sai hosi Dili ba Aileu, Maubisse no Kosta Súl. Fatin lima ne'e maka hili iha-ne'ebé sira fornese kombinasau espansaun jeográfika iha Dili, nomós hetan impaktu ne'ebé lahanesan hosi krize. Durante 2006-2008 Comoro, Bairro Pite no Becora ema hotu-hotu hatene sai hanesan 'fatin konflitu' ba violénsia no konflitu kontínuu entre grupu-bandidu sira. Ho kontráriu, Lahane Oriental no Bemori haree hanesan ladún iha problema.

Total hosi respondente 812 ne'ebé tuir levantamentu (alvu hosi respondente 160 kada suku) uza disponibilidade amostrajen ho respondente sira ne'ebé ho idade tinan 17 ka liu. Demográfiku detalle liután porezemplu idade, jéneru, distritu moris no analfabetizmu ne'ebé hateten iha **Aneksu 1: Dadus Levantamentu nian**. Ekipa levantamentu nian kompostu hosi membru ema na'in-neen, feto haat no mane rua, sira ema Timoroan hotu, ne'ebé sira ida-idak bele ko'alia lian lubuk ida ne'ebé lahanesan. Ekipa hala'ó levantamentu iha pár (liuliu ba seguransa) no serbisu hanesan grupu ida liuhosi bairru iha fatin ida-idak iha Dili. Levantamentu hala'ó iha forma orál, ho membru ekipa ida ne'ebé maka



prende resposta respondente sira-nian iha formuláriu levantamento nian. Pergunta barakliu uza eskala *Likert* pontu lima ne'ebé permite resposta graduada hosi positiva ba negativa, pergunta sira-ne'ebé lahanesan hosi hirak-ne'ebé bazeia iha norma ba hirak-ne'ebé bazeia iha esperiênsia. Membru na'in-haat hosi levantamento nian hala'o mós entrevista badak (total 24) bazeia iha pergunta lubuk ida levantamento nian ne'ebé maka hili ona. Entrevista hirak-ne'e hala'o iha forma sumáriu entrevista estruturada ida, permite justificativa no esplika liután ho detalhe oinsá respondente sira hatán pergunta sira levantamento nian hanesan maka sira iha.

Dados hosi levantamento sira iha relatóriu ida-ne'e konsidera ona kumpri abordajen 'deskritiva' ida duké 'inferênsia'. Ida-ne'e significa katak ami foka ami-nia análise ba iha resposta sira hosi ema sira ne'ebé maka tuir entrevista duké uza dados hodi halo keixa ne'ebé jeneralizada liu relaciona ho populasaun kapitál nian. Iha razaun metodolójika lubuk ida ba iha abordajen ida-ne'e iha kazu ida-ne'e, no tuirmai maka razaun tansá maka ami la hateten 'marjin ba erru' ka 'nivel konfiansa' ba dados levantamento nian. Iha dalan ida-ne'e dados fornese retratu ida ne'ebé importante hosi pontu-de-vista kona-ba amostra nian hosi ema sira ne'ebé hela iha bairru lubuk ida ne'ebé maka hili ona iha Dili iha momentu levantamento ne'e finaliza.

Orienta Relatóriu

Ba objertivu sira relatóriu ida-ne'e nian, ami define seguransa hanesan estadu ida iha-ne'ebé risku sira bele eziste maibé sira-nia atuaun kontinua limitada ka kontida, enkuantu pás maka kondisaun ida iha-ne'ebé la iha risku ne'e *per se*. Ho reziliênsia, ami hanoin abilidade komunikasaun nian hodi hetan padraun moris hamutuk ne'ebé sustentável, inklui padraun rezolusaun konflitu ne'ebé rekoñesida no viável, liuliu hasoru ameasa, dezastre ka turbulênsia sosiál. Tanba ne'e, iha kontestu Dili nian, iha

sentidu ida ne'ebé jerál, relatóriu ida-ne'e iha interese iha padraun reziliénsia nian en-termus kona-ba oinsá comunidade sira bele ona hodi hatutan fila-fali koneksaun sosiál iha tinan hirak hafoin krize, tantu iha nivel lokál maibé mós iha relasaun ho instituisaun sira governu nian, no hala'o prátika significativa sira iha-ne'ebé lideransa ho nivel barabarak ka prátika rezolusaun konfliktu oioin trasa.

Termu tradisionál (kostumeiru) no moderu uza iha relatóriu ida-ne'e, termu tradisionál ne'ebé uza iha-ne'e hodi refere ba vizaun ida mundu nian iha-ne'ebé manifesta iha prátika no fiar lubuk ida ne'ebé iha Timor-Leste hatudu momoos liu liuhosi uma-lulik,²² fiar iha lisan²³ (dalabarak refere ba adat), no lulik,²⁴ sakralidade kona-ba sasán ka fatin sira.²⁵ Ajudikasaun disputa sira iha comunidade, no buka sé maka sala no kastigu saida maka sei aplika, sei hala'o hosi lider sira tradisionál nian, dalabarak refere ba 'lia nain'. Ami-nia uzu kona-ba termu 'modernu', tuirmai refere ba prátika lubuk ida ne'ebé bazeia ostensivamente iha estrutura autoridade no sistema governasaun ne'ebé diferente liu. Ideia estadu modernu, ka lei modernu maka manifestasaun ida hosi vizaun mundu ida-ne'e nian, baibain maihosi padraun organizaun nian ne'ebé komprende iha sira-nia forma atuál hanesan aplikável no komún ba ema hotu iha sosiedade determinada ida (no universál iha aspetu barak), ho regra lei sira ne'ebé kria iha forma partikulár lójika nian duké, porezemplu, iha konvensaun lokalizadu sira. Hirak-ne'e konserteza kategoria analítika de'it, no la bele iha interasaun barak no entre sira tatidik malu, maibé, entretantu importante atu hateten momoos katak kastigu hosi lia nain²⁶ ida, hakesi família boot partikulár no hanesan intérprete lisan nian, dalabarak iha poténsia ne'ebé boot liu hanesan figura autoridade nian ida iha Timor-Leste duké ajente polisiál ida, rekruta bazeia iha méritu no destaka hodi tane direitu públiku jeneralizável.

Kona-ba Relatóriu ida-ne'e

Peskiza ba relatóriu ida-ne'e hala'o hosi Programa Peskiza Timor-Leste Universidade RMIT nian, iha-ne'ebé hahú serbisu iha país iha 2003. Programa ne'e kontinua sai ona hanesan ekipamentu peskiza kí'ikoan ida bazeia entre kombinaun hosi funsióriu RMIT, estudante sira pozgraduasaun no graduasaun nian, no funsióriu Timoroan sira. Hala'o tiha ona serbisu lubuk ida ho comunidade no organizaun sira oioin, hala'o eventu peskiza prinsipál lubuk ida, fó treinamentu kona-ba peskiza nian, nune'e mós simu vizita estudu estudante sira-nian. Iha 2011, programa decide hodi taka ninia eskritóriu kí'ikoan iha Dili, kontinua programa hosi Melbourne.

Iha razaun lubuk ida tansá fofoun sente katak peskiza ida-ne'e merese hala'o. Razaun importante ida maka katak iha peskiza sira-seluk ne'ebé maka hala'o tiha ona iha liu nível institusionál, la'ós vizaun ida ne'ebé la komún ne'ebé ruarua kauza subjasente krize nian seidak rezolve, no aat liután, buat hanesan bele akontese tan. Porezemplu, oinsá sentimentu hirak-ne'e fó-sai iha nivel comunidade nian? Razaun daruak maka koko atu komprende diferença oinsá ema hetan violénsia en-termus violénsia iha masa iha eskala boot no revolta, hanesan kontráriu ho violénsia no inseguransa iha sentidu loroloron nian. Ba ema ida-ne'ebé mai hosi liur, Dili karik bele haree hanesan relativamente seguru liu iha 2011. Entretantu ida-ne'e la signifika katak ema hotu-hotu sente seguransa ne'ebé hanesan, tanba karik ema balu relativamente sente inseguru mezmú bainhira iha pás ne'ebé jeneralizada liu. Razaun datoluk ba levantamentu maka atu iha sentidu relasaun populasaun nian ba estadu, tantu iha sentidu ida kona-ba lejitimidade ne'ebé jeneralizadu liu (liuhosi sira-nia relasaun ho lei porezemplu) no mós diretamente liu formasaun institusionál ne'ebé diferente, liuliu polísia. Ida-ne'e rezulta pontu dahikus ne'ebé motiva peskiza ida-ne'e, ne'e maka interese hodi komprende papél hosi estrutura autoridade ne'ebé diferente iha rezolusaun konfliktu no kriaun seguransa. Dili maka baibain kategoriza hanesan sentru urbanu modernu Timor-Leste nian, entretantu sei haree estrañu bainhira estrutura autoridade tradisionál nian sei kontinua la influensia moris populasaun nian, no fó-hatene negosiasaun sira kona-ba konfliktu iha forma balu, ladún fó ninia importánsia kontinua iha comunidade sira iha Timor-Leste laran tomak.



Ekipa peskiza terrenu nian, lidera hosi Carmenesa Moniz Noronha Soares, fó treinamentu no rekruta ekipa topógrafu ida, la'ó hale'u ba iha fatin sira ne'ebé diferente iha Dili ho taksi no mikrolete (ónibus), dijitasaun iha forma dadus nian ba iha ami-nia eskritóriu ki'ikoan iha Farol. Hafoin enserramentu eskritóriu Programa Peskiza Timor-Leste nian iha Dili, falta rekursu no mudansa sira iha serbisu hosi funsionáriu RMIT nian significa katak la'ós de'it la iha meiu sira iha-ne'ebé atu transforma dadus levantamentu nian ba iha análize. Iha de'it konversa kazuál entre RMIT no funsionáriu Fundasaun Ázia nian (TAF) iha Konferénsia Atualizasaun Timor *Australian National University* (ANU) nian iha tinan 2013 ninia rohan ne'ebé identifika tiha interese komún ida hodi haree dadus ne'ebé maka dezenvolve. Ida-ne'e lakleur hetan akordu katak relatóriu badak ida sei dezenvolve, no hodi garante katak dadus hosi levantamentu sei fó hanesan enkuadramentu kontemporáneu ida kuantu posível, análize ne'ebé bazeia iha dadus levantamentu nian sei aumenta ho relatóriu no eskritu akadémiku hodi dezenvolve no kontestualiza ideia hirak-ne'e, nune'e mós fornese lista referénsia ida ne'ebé kompleta ba ema sira-ne'ebé maka hakarak atu dezenvolve liután área peskiza ida-ne'e (haree bibliografia iha aneksu).


Relatóriu ida-ne'e komplementa Programa Seguransa no Protesaun Fundasaun Ázia nian ne'ebé maka regularmente hala'o peskiza kona-ba seguransa, lei no justisa iha Timor-Leste, no publika relatóriu sira ne'ebé ho objetivu hodi fó-hatene implementasaun programa nune'e mós parte interesada sira-seluk ne'ebé serbisu iha setór seguransa, peskizadór no desizór polítika sira. Fundasaun Ázia daudaun ne'e implementa Programa Polísia Komunitária ho área alvu ida iha Dili. Hanesan parte hosi esforsu makaas, hein katak relatóriu ida-ne'e fó-hatene implementasaun programa futura nian nune'e mós tulun fornese liña-baze ba persesaun kestaun sira seguransa nian iha Dili. Ida-ne'e sei sai ba ema sira-ne'ebé serbisu área seguransa, polisiamentu, konstrusaun pás no dezenvolvimentu, tantu iha nivel governu nian no ONG nian, hanesan mós iha comunidade sira-nia leet. Ami hein katak rezultadu sira sei tulun hodi dezenvolve sentidu ida kona-ba kompleksidade balu ne'ebé maka envolve oinsá harii seguransa no pás iha fatin ida urbanizadu hanesan Dili, iha dalan ida katak hosi sira-seluk bele harii.

PERSESAUN KONA-BA SEGURANSA

Seguransa bairru nian

Buka hodi komprende natureza seguransa lokál nian iha Dili, ida-ne'e importante atu levantamentu artikula sentidu oinsá populasaun sente relasiona ho seguransa iha sira ida-idak ninia bairru no bainhira sira muda ba iha kapitál. Ho objetivu atu halibur informasaun ida-ne'e, maka husu ona pergunta levantamentu nian lubuk ida ne'ebé tantu buka atu komprende sentidu populasaun nian kona-ba seguransa iha kontestu iha-ne'ebé maka sira hela ba no iha Dili en-jerál liu, hanesan mós bainhira kompara ho períodu tempu ne'ebé maka levantamentu konkluí (2011) ho períodu sira anteriór.

Q8. AGORA ITA-BOOT SENTE SEGURU IHA ITA-BOOT NIA BAIRRU KA LAE?



Rezultadu sira levantamentu nian ba Pergunta Ualu, ne'ebé husu populasaun karik sira sente seguru iha sira-nia bairru rasik, hatudu resposta barakliu maka pozitiva. Pergunta ne'ebé maka husu kona-ba sentidu seguransa ida ne'ebé jeneralizadu no, ho nune'e, la koloka kualkér eliminatória kona-ba saida maka ema bele sente la seguru—porezempu hosi violénsia grupu-bandidu, na'ok, konfliktu komunál, intimidasaun, agresaun, ka violénsia bazeia iha jéneru—iha-ne'ebé sira hotu bele muda taxa resposta nian. En-jerál, porsentu 86.0 hosi respondente sente seguru iha comunidade iha-ne'ebé maka daudaun ne'e sira hela ba, liu porsentu 4.3 hatudu katak sira 'Karik' sente seguru. Porsentu 2.8 de'it hato'o katak sira 'La' ka 'Karik La' sente seguru, no porsentu 6.8 fó resposta neutrál.

Pergunta 8. Agora ita-boot sente seguru iha Ita-Boot nia bairru ka lae?										
	Bairro Pite		Becora		Bemori		Comoro		Lahane Oriental	
	Konta	%	Konta	%	Konta	%	Konta	%	Konta	%
La seguru	1	0.6	1	0.6	0	0.0	7	4.2	0	0
Karik la seguru	5	3.1	1	0.6	1	0.6	5	3.0	2	1.2
Neutrál	14	8.8	12	7.3	8	5.1	12	7.2	9	5.6
Karik seguru	10	6.3	6	3.7	7	4.4	8	4.8	4	2.5
Sin, seguru	129	80.6	144	87.8	142	89.9	135	80.8	146	90.7
Totál	159	100.0	164	100.0	158	100.0	167	100.0	161	100.0


Maski en-jerál resposta pozitiva, iha variasaun balu iha lokalidade. Ema sira-ne'ebé hela iha Lahane Oriental sente seguru liu (porsentu 90.7), la iha respondente ida maka hatán katak sira la sente

seguru. Hodi kompara ho ema sira ne'ebé hela iha Comoro rejista ho taxa ki'ik liu ne'ebé sente seguru (porsentu 80.4), iha tempu ne'ebé hanesan rejista populasaun ho persentajen ne'ebé aas liu hotu ne'ebé hatán katak sira 'La' ka 'Karik La' sente seguru (porsentu 7.2).

En-gerál resposta pozitiva ho persentajen ne'ebé aas ba pergunta ida-ne'e maka besik liu ba resposta unánima iha levantamentu. Ida-ne'e maka importante ba razaun lubuk ida, ba dahuluk, ida-ne'e hatudu katak entretantu hosi perspetiva ema-li'ur nian kona-ba área balu iha Dili bele haree hanesan inseguru, maioria hosi ema lokál ne'ebé hakarak atu konsidera sira-nia comunidade rasik hanesan fatin sira seguransa nian.²⁷

Fatór ida bainhira konsidera tansá populasaun bele sente seguransa ho taxa aas ida-ne'e relasiona ho dalan fatór relasaun familiár ba iha padraun migrasaun iha kapitál,²⁸ ho porsentu 43.0 hosi populasaun Dili nian ne'ebé halo ona migrasaun hodi halibur família imediata ka estendida iha kapitál ka liuhosi kazamentu.²⁹ Ema barak karik sente sentidu seguransa ne'ebé relativu iha sira-nia comunidade imediata iha-ne'ebé relasaun familiár konsentra ba.³⁰ Ho nune'e, enkuantu área balu bele iha taxa krime ne'ebé aas, uma rezidente sira-nian ne'ebé iha proximidade ne'ebé besik ho família (estendida) karik sai fatór ida ne'ebé maka kontribui tansá resposta pozitiva ho taxa aas liu hirak ne'e rejista.

Importante mós hodi nota katak resposta sira-ne'e bele kondisiona tanba falta vontade hodi hateten aat kona-ba sira-nia bairru rasik, liuliu ba ema-li'ur sira no mós tanba preokupasaun ba kualkér implikasaun ne'ebé bele mosu hosi apresentasaun sira-nia comunidade iha perspetiva ida ne'ebé negativa. Aleinde ne'e, oinsá populasaun sira avalia sira-nia seguransa bele kondisiona ho métodu peskiza ne'e rasik, iha kazu ida-ne'e peskiza ida.³¹ no oinsá pergunta sira sei fó no esplika ba partisipante sira.³² Porezemplu, no hanesan maka nota ona iha estudu sira-seluk, karik iha ona sentidu ida katak populasaun hateten kona-ba sira-nia forma partikulár sira hosi violénsia, duké esperiénsia kona-ba forma imediata ka lokalizada liu.³³ Entretantu, hosi Pergunta Ualu, haree momoos katak populasaun sira dispostu tebes hodi hatudu katak sira sente seguru iha sira-nia comunidade lokál iha Dili.



Kompara ho pasadu

Pergunta rua ne'ebé maka husu hanesan atu komprende sentidu populasaun nian kona-ba seguransa iha nivel comunidade nian hodi kompara ho período tempu anteriór sira. Pergunta Sia husu membru sira comunidade nian karik sira sente seguru liu duké tinan rua antes—korrespondente ba semestre dahuluk 2009 nian—iha momentu ida bainhira efeitu sira hosi krize sei sente. Hirak-ne'e inklui reintegrasaun IDP no fila-fali ba comunidade,³⁴ negosiasaun akordu ida entre Governu no petisionáriu

sira,³⁵ no kaptura ema sira ne'ebé envolve iha tentativa oho Prezidente no Primeiru-Ministru iha Fevreiro 2008.³⁶ Pergunta Sanulu halo pergunta ne'ebé hanesan, maibé husu respondente sira hodi kompara sira-nia seguransa ho tinan lima antes, koinside ho krize 2006-07. Ida-ne'e maka períodu turbulénsia sosiál jeneralizada nian ida iha kapitál, ho efeitu sira ne'ebé lahanesan entre comunidade sira. Objetivu hosi pergunta sira-ne'e maka atu komprende mudansa kona-ba tempu, permite opiniaun ho eskalaun ne'ebé temporária kona-ba karik iha ona persesaun sentidu kona-ba seguransa populasaun nian ne'ebé hetan melloria. Pergunta ida-ne'e husu de'it ba ema sira ne'ebé hela ho kontínua iha sira-nia comunidade ba períodu hirak-ne'e ida-idak.³⁶

Signifikativamente, figura hirak-ne'e hatudu populasaun barakliu sente seguru liu iha 2011 duké iha períodu sira anteriór ho porsentu 73.4 hateten 'Sin' sira sente seguru liu duke tinan rua antes, no porsentu 68.0 hateten katak ('Sin') sira seguru liu duke tinan lima antes. Porsentu 5.3 seluk hosi populasaun hatudu katak sira 'Karik' sente seguru liu duké momentu rua anteriór. Bainhira konsidera ema sira-ne'ebé maka hatán 'Karik' seguru liu, ida-ne'e importante hodi nota variasaun porsentu 5.4 entre Pergunta Sia no Sanulu. Ida-ne'e hatudu katak ema barak sente seguru bainhira kompara 2011 ho 2006 duké bainhira kompara 2011 ho 2009.³⁷ Pontu seluk ne'ebé nota maka mezmú iha 2011, sei liu uitoan porsentu 20.0 hosi membru sira populasaun nian ne'ebé tuir levantamentu la dispostu hodi identifika hanesan sente seguru liu, mezmú situasaun jerál iha Dili haree hanesan kalma liu dezde krize. Hosi ema sira-ne'ebé maka la iha prova kona-ba sentimentu seguru liu duké tinan lima antes, porsentu 14.6 hatudu resposta ida ne'ebé netrál (nein mais nein menus seguru duké tinan lima antes), porsentu 2.7 hateten sira 'Karik La' seguru liu, no porsentu 5.1 hateten sira 'la seguru' liu.


Importante maka figura hirak hatudu katak enkuantu iha mellorioa jerál iha en-termus oinsá populasaun sente relasiona ho seguransa iha comunidade lokál hosi tempu ba tempu, ida-ne'e esperiente lahanesan. Ba ema balu, relativamente kalma jeneralizada hosi 2011 la nesesariamente tradús ba sentimentu pesoál kona-ba seguransa, no hanesan comunidade ida ne'ebé sai seguru liu ba maioria populasaun, ida-ne'e la bele hanesan ba rezidente hotu-hotu. Peskiza seluk bele hatudu, porezemplu, katak dadus hirak-ne'e kondisiona hosi esperiénsia imediata ka resente liu kona-ba violénsia individuú ida nian, hanesan na'ok ka agresáun hasoru sira, iha-ne'ebé bele sai boot hodi kompara ho esperiénsia sira ne'ebé destante liu, iha-ne'ebé influénsia sira-nia resposta.³⁸

Alternativamente, iha períodu turbulénsia ne'ebé jerál liu, ema balu karik relativamente bele ona hodi kontinua izola hosi risku. Porezemplu, ida-ne'e bele ba ema balu, sira-nia uma ka estrada fornese seguransa relativa durante krize. Entretantu, bainhira krize ramata, sentidu komparativu kona-ba seguransa ba uma ka comunidade lokál nian bele sai aat, no tuirmai katak fatin karik sai klaru liu hanesan fatin ida risku ka inseguransa nian. Ka hanesan mós, enkuantu períodu krize nian ne'ebé dramátiku liu ramata ona, problema lokalizadu liu regularmente sei kontinua, nune'e mós kestaun sira ne'ebé maka sai aat liu hosi krize, iha-ne'ebé maka la rezolve, mantein hodi hamosu tensaun. Porezemplu, disputa rai (balu hirak-ne'e bele mosu, parte ida hanesan rezultadu hosi konfliktu ka tensaun ne'ebé maka la rezolve ho IDP sira ne'ebé maka fila-fali ka rezidente sira ne'ebé foun iha comunidade, nune'e mós laran-moras sosiál relasiona ho keixa Rejime Subvensaun Bolsa³⁹ governu nian), violénsia relasiona ho grupu-bandidu,⁴⁰ atake vingansa frekvente ne'ebé bazeia iha problema sira ne'ebé maka la rezolve,⁴¹ ka disputa interpesoál eskalada ka agresáun iha violénsia kolektiva ne'ebé dalabarak envolve membru família ka comunidade,⁴² hirak-ne'e hotu kontinua akontese iha fatin sira ne'ebé lahanesan iha Dili iha dalan ida ne'ebé sujere katak inseguransa ba ema balu maka aspeitu moris nian ne'ebé duradouru.⁴³ Tipu dezigualdade no tensaun ne'ebé diferente iha persesaun kona-ba seguransa bele haree iha peskiza sira-seluk tuirmai, hanesan Levantamentu 2013 Fundasaun Ázia nian kona-ba persesaun polísia komunitária nian, iha-ne'ebé, maski sente katak seguransa en-gerál sai di'ak, porsentu 64.0 hosi respondente hateten katak sira sei preokupa kona-ba seguransa pesoál iha sira-nia fatin (Wassel & Rajalingam 2014, 24, 26).

Pás no Reziliénsia


Pergunta Sanulu-resin-rua husu membru sira comunidade nian, 'Ita-Boot nia bairru laran iha **pás** no hakmatek ka lae?' iha-ne'ebé porsentu 81.2 hatán 'Sin, iha pás'. Ida-ne'e ho taxa ne'ebé kí'ik nato'on kompara ho persesaun seguransa nian hanesan diskute iha-leten (Pergunta Ualu). Pergunta ida-ne'e mós rezulta persentajen ne'ebé boot nato'on hosi populasaun ne'ebé hatán ho netrál. (porsentu 9.5) no ho negativu (porsentu 3.6) kompara ho resposta sira ba pergunta anteriór kona-ba persesaun seguransa nian.

Q12. ITA-BOOT NIA BAIERRU LARAN IHA PÁS NO HAKMATEK KA LAE?



Hanesan diskusaun iha introdusaun, iha levantamentu ida-ne'e ami konsidera katak merese haree karik populasaun iha pontu-de-vista ne'ebé diferente kona-ba 'pás' no 'seguransa'. Ami-nia pontu-de-vista, seguransa maka kondisaun ida iha-ne'ebé poténsial ba danu kontein ka hamenus, enkuantu pás maka kondisaun ida iha-ne'ebé laiha persesaun kona-ba risku *per se*. Entretantu ami konxiente katak iha prátika termu sira bele uza di'ak iha dalan ida ne'ebé interkambiável iha-ne'ebé asume mós katak karik iha pás, populasaun tenke sente seguru. Entretantu, diferença entre persesaun seguransa no pás, ema uitoan liu sente katak iha pás, karik sujere taxa relativa kona-ba estabilidade iha comunidade iha tempu levantamentu nian, iha pontu poténsial kona-ba tensaun, konflitu ka problema sira ne'ebé la rezolve ne'ebé balu preokupadu. Aleinde ne'e, ema balu bele sente sentidu seguransa nian, hatene katak karik konflitu ka problema ida mosu, prezensa forsa seguransa nian sei tulun hodi hamenus ameasa ida-ne'e, maibé ida-ne'e la signifika pás *per se*.⁴⁴

Q20. SE KONFLITU MOSU IHA NE'E, ITA-BOOT SIRA BELE BUKA SOLUSAUN IHA ITA-BOOT NIA KOMUNIDADE LARAN KA LAE?



Ba Pergunta Ruanulu, porsentu 84.1 hosi respondent sira hateten katak bainhira problema mosu iha sira-nia comunidade, comunidade iha meius hodi buka solusaun. Iha-ne'e, 'solusaun' foti hodi signifika lideransa, prosesu rezolusaun konfliktu, hanesan mós padraun prátika ne'ebé hatudu reziliénsia sosiál, hanesan konfiansa no kanál komunikaun estabesidu. En-termus reziliénsia iha manutensaun orden no estabilidade, rezultadu hirak-ne'e sujere katak maioria respondente sente katak sira-nia comunidade maka iha pozisaun ida ne'ebé ativamente partisipa no dirije rezolusaun no mitigasaun problema. Ida-ne'e karik sei akontese mezmua iha-ne'ebé envolvimentu esternál iha forma polisiamentu nian mós presente, sujere katak estrutura governasaun lokál nian kontinua iha papél influente iha rezolusaun hanesan refleta iha entrevista badak sira.

*"Ami presiza bolu autoridade komunitária sira hanesan xefe suku ka xefe aldeia
atu nune'e sira bele ko'alia"*

Respondente, Comoro


Ba Pergunta Ruanulu, Bairro Pite iha persentajen ne'ebé kí'ik liu hosi populusaun ne'ebé hanoin katak solusaun bele hetan hosi comunidade ninia laran (porsentu 70.3). Hodi kompara, Bemori iha persentajen aas liu hotu hosi respondente ne'ebé hili resposta ne'ebé hanesan (porsentu 82.2). Rezultadu komparativu ba fatin rua ne'e maka importante iha-ne'ebé sira konsistente ho pontu-de-vista kona-ba envolvimentu polísia nian iha problema sira comunidade nian (Pergunta Sanulu-resin-ualu no Ruanulu-resin-haat).⁴⁵ Hanesan sei deskute tuirmai, Bairro Pite iha persentajen ne'ebé aas liu hotu hosi respondente ne'ebé favorese envolvimentu polísia nian, enkuantu Bemori iha persentajen ne'ebé kí'ik liu hosi respondente ne'ebé favorese envolvimentu polísia nian. Pontu rua hodi konsidera iha-ne'e maka padraun diferente kona-ba asentamentu hanesan mós esperiénsia kona-ba violénsia durante krize. Istorikamente, parte maioria loromonu kapitál nian konsentra ho uma tempu Indonézia nian, no mundansa boot iha populusaun hafoin 1999 signifika katak populusaun sira hosi área hirak-ne'e kuaze boot dala rua. (Scambary 2013, 1939). Bairro Pite no Comoro signifkativamente iha populusaun aas liu duke fatin tolu sira-seluk (27,875 no 65,404 tuituirmalu).⁴⁶ Ho nune'e, ida-ne'e signifika katak 'kafu'ak-lubun' hosi uma Indonézia nian sai zona konfliktu ne'ebé aat liu durante krize, ne'ebé sira kontinua hetan violénsia komunál, no iha 'legadu potente ida kona-ba exesu populusaun no keixa propriedade kontestada' (Scambary 2013, 1939).

Seguransa iha kapitál


Pergunta Sanulu-resin-tolu no Sanulu-resin-haat, no Sanulu-resin-lima no Sanulu-resin-neen, husu populusaun hodi refleta en-jerál liu kona-ba sira-nia sentidu seguransa nian iha Dili bainhira sira muda porezempu hosi sira-nia uma ba fatin sira-seluk (porezemplu eskola, serbisu, merkadu ka uma parente sira-nian ne'ebé hela iha fatin sira-seluk), nomós hodi kompara seguransa iha Dili ho distritu sira-seluk.

Kompara ho pasadu

Pergunta Sanulu-resin-tolu no Sanulu-resin-haat replika forma pergunta sira anteriór iha-ne'ebé husu populusaun hodi kompara sira-nia seguransa ho tinan rua no lima antes, maibé tempu ida-ne'e en-termus kapitál nian, en-jerál liu atu haree karik populusaun sente sentidu ne'ebé di'ak liu kona-ba mudansa iha Dili laran. Ninia resposta, maioria populusaun sente seguru liu duké tinan rua antes, ho porsentu 67.0 sente seguru liu, no porsentu 8.8 sente 'Karik' seguru liu. Porsentu 2.5 de'it hateten katak sira definitivamente la sente seguru liu, porsentu 2.7 la iha opiniaun, enkuantu porsentu 15.5 sente 'Netrál'.



Enkuantu maioria populasaun sente seguru liu iha Dili kompara ho tinan lima anteriór durante krize (P) porsentu 63.8 hateten ‘Sin’, no porsentu 7.7 hateten ‘Karik Sin’), iha mós resposta netral ho taxa ne’ebé aas (porsentu 15.2). Hodi kompara ho tinan rua anteriór, iha mós diminuisaun uitoan iha resposta pozitiva (porsentu -3.2), no aumentu ki’ikoan iha resposta negativa ne’ebé kontrariu ho tinan rua liubá (porsentu +2.3). Hanesan ho Pergunta Sanulu diskute iha-leten (iha-ne’ebé husu pergunta hanesan maibé iha populasaun ninia komunidadade rasik), taxa aas liu hosi populasaun hatudu katak tantu la iha mudansa (resposta netral) ka mudansa negativa oinsá sira haree sira-nia seguransa, dala ida tan hatudu oinsá ba ema balu, esperiénsia kona-ba seguransa maka kontestuál no individuál. Porezemplu, ida-ne’e bele imajina, ema ida kapás hodi hatudu dalan krize laho nesesariamente sente risku boot, maibé iha tinan hirak resente liu, barak maka seidak iha sorte, karik hetan tipu balu kona-ba krime nian ka ameasa sira-seluk. Ba respondente sira-ne’e, Dili karik sente ladún seguru duké uluk. Hanesan ho resposta sira ne’ebé fó-sai iha Pergunta Sia no Sanulu, ida-ne’e mós karik tempu maka influénsia persesaun populasaun nian, no esperiénsia sira ne’ebé imediata liu fó impaktu ba sira-nia persesaun.



Ba Pergunta Sanulu-resin-lima, maioria hosi populasaun sente katak krime barak maka akontese iha Dili (porsentu 63.1 hatán 'Dili' no porsentu 10.2 hatán 'Karik Dili') duké distritu sira-seluk. Entretantu, hatán ba Pergunta Sanulu-resin-neen, ema sira-ne'ebé sente katak sira seguru liu iha Dili duké iha distritu sira-seluk ne'ebé kumulativamente kompostu hosi liu porsentu 51.0 (porsentu 43.2 hatán 'Dili' no porsentu 7.8 hatán 'Karik Dili'). Bazeia ba númeru hirak-ne'e, proporsaun hosi ema sira-ne'ebé maka tuir levantamentu, dadus sujere nivel diferensiasaun entre konxiénsia kona-ba krime no esperiénsia kona-ba seguransa.

Iha pontu lubuk ida iha-ne'e merese refleta en-termus padraun diferente kona-ba resposta sira. Uluknanain, besik porsentu 30.0 hosi respondente iha levantamentu ida-ne'e moris iha Dili, no tanba ne'e halo sentidu katak barak hosi sira sente taxa seguransa ne'ebé aas liu iha Dili duké sira ne'ebé iha distritu sira-seluk, liuliu haree ba taxa diferente kona-ba familiaridade, relasaun familiár, no sira seluseluk. Hanesan ho respondente sira ne'ebé sente tantu 'Sin' ka 'Karik' seguru liu iha distritu sira-seluk (porsentu 9.3 no 6.9, tuituirmalu) bele esplika ho distánsia ne'ebé dook liu ka izolamentu hosi comunidade sira ne'ebé maka sira migra mai, tuirmai sujere komparativamente taxa seguransa ne'ebé kí'ik liu iha kapitál.⁴⁷ Resposta netrál ho taxa ne'ebé aas bele sura ho faktu katak pergunta sira ne'ebé maka husu kona-ba distritu sira iha sentidu ida ne'ebé jerál, no populasaun karik sente katak iha distritu balu bele apresenta risku aas liu duké sira-seluk.⁴⁸ Fatór seluk ne'ebé sai evidente durante entrevista maka valór persesaun iha konsentrasaun forsa seguransa nian kapitál. Ida-ne'e bele sai medida ida ho komprende tansá, maski rekoñesimentu kona-ba taxa kriminalidade ne'ebé aas liu iha Dili, populasaun ninia sentidu seguransa nian kontinua kondisiona ho sira hanesan iha liu asesu aplikasaun lei:

"Tanba forsa armada hanesan F-FDTL, PNTL no UNPOL konsentara iha Dili, ha'u sente ida-ne'e seguru liu duké distritu sira-seluk"

Respondente, Bemori

"Ha'u hanoin Dili seguru liu tanba polísia sei to'o bainhira ita-boot bolu sira. Maibé iha distritu sira, Polísia karik hela dook tebetebes, no tanba ne'e ha'u hanoin ida-ne'e ladún seguru"

Respondente, Bemori

"Ha'u hanoin Dili seguru liu, tanba bainhira problema mosu ita-boot bele bolu polísia no sira sei to'o lalais"

Respondente, Comoro

Ba respondente balu, iha mós rekoñesimentu katak krime barakliu akontese iha Dili, maibé la'ós iha sira-nia comunidade rasik. Ida-ne'e bele refleta sentidu jenuínu kona-ba krime ho taxa ne'ebé kí'ik liu iha comunidade sira ne'ebé diferente, maibé bele mós refleta sentimentu ne'ebé maka diskute ona antes, iha-ne'ebé bele iha laran rua-rua hodi apresenta ninia comunidade iha pontu-de-vista ida ne'ebé negativu:

"Iha ha'u-nia bairru la iha problema, maibé iha bairru sira-seluk sempre iha problema"

Respondente, Bemori


"[Krime barak akontese] iha foho. Iha Dili mós barak, maibé la'ós iha ha'u-nia bairru. Tanba ne'e ba ha'u, krime barak akontese iha foho, tanba sira la iha duni seguransa"

Respondente, Bemori

III. JÉNERU NO SEGURANSA

Objetivu hosi Pergunta Sanulu-resin-ida no Ruanulu-resin-ida maka atu sukat opiniaun populasaun nian karik sira sente seguransa hetan esperiénsia ne'ebé diferente ba mane no feto no kona-ba papél feto nian iha rezolusaun konflitu iha sira-nia comunidade. Ida-ne'e importante, molok hahú análise ba kestaun hirak-ne'e, atu kualifika oinsá seguransa en-jerál ko'alia no interpreta liuhosi levantamentu ida-ne'e. Iha termu jerál, 'seguransa' ne'e foti atu hetan 'kualidade públiku nian ida ne'ebé di'ak tebetebes ba nia, hanesan buat ida ne'ebé mai hosi uma-kain laran ka li'ur (Grenfell & Winch 2014, 241). Atu husu ema ruma karik sira sente seguru en-jerál foti hodi signifika hanesan iha dalan, iha transporte, iha servisu no seluseluk tan, maibé la'ós iha ámbitu doméstiku nian. Ho nune'e—liuliu konsidera kontestu taxa aas kona-ba violénsia doméstika hirak-ne'e⁴⁹—ema balu bele tuir hanoin hato'o sentidu seguransa nian mezmuké sira karik iha esperiénsia taxa violénsia ne'ebé boot iha uma-kain. Fonte públika dadus nian kona-ba kazu seksuál sira no violénsia bazeia iha jéneru relativamente limitadu, parte ida tanba norma kulturál sira ne'ebé maka vijente no estigmatizasaun sosiál ne'ebé impede feto sira hodi hato'o sira-nia esperiénsia ka buka asisténsia (Harris-Rimmer 2009, 4).⁵⁰ Ho nune'e, ba respondente balu esperiénsia kona-ba violénsia iha domíniu privadu sei la sai buat ida ne'ebé sira sei i) hakarak atu ko'alia ho ema-li'ur ida ne'ebé hala'o levantamentu públiku bainhira husu iha kontestu ida-ne'e; ka ii) fatór ba iha sira-nia desizaun kona-ba sentimentu seguransa nian iha sira-nia comunidade ne'ebé jerál liu.⁵¹

Q11. TUIR ITA-BOOT NIA HANOIN MANE KA FETO MAK SENTE SEGURU LIU IHA ITA-BOOT NIA BAIRRU?



Hatán ba Pergunta Sanulu-resin-ida, besik metade hosi respondente levantamentu nian (porsentu 53.5) sente katak mane no feto iha esperiénsia kona-ba seguransa ho taxa ne'ebé hanesan iha sira-nia comunidade. Ida-ne'e sujere katak mezmu karik risku potenciál diferente, ema barak hato'o opiniaun katak jéneru feto no mane iha esperiénsia kona-ba seguransa ho taxa ne'ebé hanesan (ka inversamente, inseguransa).⁵² Porezemplu, iha opiniaun ida-ne'e, mane sira bele hetan risku boot liu en-termus violénsia grupu-bandidu nian, no feto hosi agresaun seksuál, nune'e, tau grupu rua ne'e relativamente hanesan en-termus seguransa. Enkuantu maioria hosi respondente sente katak seguransa maka 'hanesan ba feto no mane', ida-ne'e posível katak númeru sira hosi levantamentu ida-ne'e, ba medida balu, bele mós refléta efeitu sira hosi 'sosalizasaun kuadru jéneru nian' iha tinan sira dahikus, no hakarak atu deskreve risku ida-ne'e ba jéneru feto no mane ne'ebé maka hanesan.⁵³ Karik bele mós iha tendénsia hodi refléta kona-ba comunidade nu'udar koletivu en-jerál (ka luan tebetebes

hodi representa sira-nia comunidade iha dalan ne'ebé pozitivu) envezde hakarak atu define seguransa durante liña jéneru nian, sentimentu hatudu iha entrevista badak oiain.

“Iha ha'u-nia opiniaun feto no mane sente seguru tanba [realidade hatudu katak] feto no mane hala'o sira-nia atividade ho livre. Tanba ida-ne'e, ha'u fiar katak feto no mane sira iha bairru ida-ne'e gosta pás”⁵⁴

Respondente Feto, Bairro Pite

“Ha'u hanoin ida-ne'e hanesan [ba feto no mane] tanba agora iha ami-nia comunidade situasaun normál, la iha problema ka konfliktu”

Respondente Feto, Bemori

“Iha comunidade ida-ne'e, feto no mane iha esperiéncia kona-ba seguransa ne'ebé hanesan tanba ami la iha problema. Maibé bainhira iha problema, tantu feto no mane sei sente la seguru”

Respondente Mane, Comoro

“Iha ha'u-nia bairru ha'u seidak hatene karik feto ka mane sira sente seguru liu tanba dezde krize ami hotu-hotu sente seguru no ami la halo krime. Problema balu ne'ebé maka ami iha maka problema familiar individuál, no hirak-ne'e rezolve iha família uma laran. Tanba ne'e, ha'u la bele hateten karik feto ka mane sira sente seguru liu, maibé ha'u hanoin katak ita Netrál de'it maibé problema hirak-ne'ebé akontese iha ami-nia bairru rezolve iha ami-nia uma laran no ami la lori hirak-ne'e ba autoridade lokál sira ka polísia. Ida-ne'e ha'u-nia komprensaun kona-ba seguransa feto ka mane nian iha ami-nia bairru.”

Respondente Mane, Bemori

Iha kazu sira, iha-ne'ebé sente katak feto no mane iha esperiéncia kona-ba seguransa diferente, ida-ne'e klaru katak númeru aas liu ne'ebé significativu hosi respondente sira hanoin katak mane seguru liu (totál akumuladu ho porsentu 33.1), Kompara ho porsentu 11.6 de'it ne'ebé hateten katak feto sente seguru liu. Opiniaun ne'ebé minoria iha maka feto seguru liu duké mane, bele komprende pelumenus iha parte, iha-ne'ebé feto la haree hanesan partisipa iha atividade sira ne'ebé hamosu nivel risku ne'ebé hanesan, porezemplu hosi violénsia grupu-bandidu nian ka disputa territoriál, hanesan espresa direktamente iha sitasaun dahuluk iha-kra'ik, no sujere iha daruak.

“Iha ha'u-nia opiniaun, feto sente seguru liu tanba sira la halo krime no la envolve iha problema sira relasiona ho Arte Marsiál. Nune'e maka ha'u bele hateten katak feto seguru liu”

Respondente Mane, Comoro

“Ha'u hanoin sira rua seguru maibé karik ita ko'alia kona-ba foinsa'e, maka sira bele iha hanoin negativu tanba sira lanu iha kalan, sira buka ema hodi halo problema, no tuirmai problema akontese iha ita-nia comunidade”

Respondente Mane, Bairro Pite


Opiniaun ida-ne'e la parese atu esplika violénsia ne'ebé hala'o iha uma-kain laran, no parese kontráriu ho rezultadu sira-seluk kona-ba papél mane sira-nian iha perpetrasaun no esperiéncia kona-ba violénsia ne'e rasik (deskute iha-okos). Aleinde ne'e, feto 'la'ós parte' hosi atividade hirak-ne'e maka parte hosi senáriu boot bazeia iha jéneru ne'ebé halo diferença papél sosiál iha-ne'ebé feto dalabarak regula sira-nia envolvimentu sosiál iha konformidade. Anedótiku, porezemplu, feto iha Dili dalabarak liu hela besik uma, hala'o viajen hale'u Dili ho kuidadu tebetebes, no baibain sei la brani sai hafoin iha tempu kalan bainhira laho kompañeiru mane nian—liuliu tanba risku hosi intimidasaun seksuál, asédiu no agresaun—responsavel ba prekausaun diferente sira ne'ebé sira tenke foti. Saida maka presiza hosi esplorasau maiór maka dalan sira iha-ne'ebé espetativa sira sosiedade nian, no senáriu bazeia iha

jéneru, signífika katak fetu normaliza prekausaun loroloron to’o pontu ne’ebé parese simplesmente neutrál, no ho nune’e susar liu hodi dezafia no muda.

Enkuantu maioria hosi respondente sente katak seguransa hanesan ba fetu no mane, no maioria aas liu hotu daruak hosi respondente (porsentu 27.6) hateten katak sira hanoin mane sente seguru liu, importante hodi hatudu sai estatística nasionál kontrovertida ida kona-ba envolvimentu mane nian iha violénsia iha-ne’ebé mosu hodi hatudu mane hanesan adverse liu ba risku no inseguransa duké fetu sira, pelumenus iha fatin públiku. Relatóriu *Análize Potensial Konflitu* Belun nian hosi períodu tempu ne’ebé hanesan hosi levantamentu ida-ne’e deskobre katak mane konstitui porsentu 83.0 hosi inisiadór sira no porsentu 70.0 hosi vítima sira iha insidente (kompara ho fetu sira ne’ebé representa porsentu 17.0 hosi vítima sira iha insidente) (Belun 2011, 11).⁵⁴ Maski la sukat buat ne’ebé hanesan (persesaun seguransa bazeia ba jéneru hanesan envolvimentu opozisaun nian iha insidente), sei iha sentidu balu kona-ba tensaun iha rezultadu konjuntu rua ne’ebé pelumenus iha sorin ida esplika hosi faktu katak iha levantamentu ba relatóriu ida-ne’e, husu populasaun sira kona-ba sira-nia comunidade rasik, hanesan kontráriu ho estatísika ne’ebé halibur liuhosi sistema monitorizasaun nasionál ida.

Bainhira rezultadu sira hosi Pergunta Sanulu-resin-ida sai tabulasaun kruzada ho seksu respondente nian, iha de’it diferensa ki’ikoan iha persentajen respondente fetu (porsentu 54.2) no mane (porsentu 52.7) ne’ebé hateten katak seksu rua ne’e sente sentidu senguransa ne’ebé hanesan (porsentu 53.5). Respondente fetu (porsentu 9.7) maka kuaze dalarua provavel hanesan respondente mane (porsentu 5.1) hodi hato’o katak fetu sente seguru liu iha comunidade lokál. Iha sentidu kontráriu, respondente mane ho proporsaan aas liu nato’on (porsentu 35.7 duké fetu (porsentu 31.0) hatudu katak mane tantu definitivamente no provavelmente sente seguru liu iha comunidade lokál.

Q11. TUIR ITA-BOOT NIA HANOIN MANE KA FETO MAK SENTE SEGURU LIU IHA ITA-BOOT NIA BAIIRU?




Feto iha rezolusaun konflitu

Rezultadu sira levantamentu nian ba Pergunta Ruanulu-resin-ida hatudu indikasaun ida ne’ebé klaru tebetebes katak maioria populasaun sente katak fetu iha papél ida ne’ebé importante atu hala’o iha rezolusaun konflitu. Maioria populasaun hatán ho pozitivu (porsentu 74.8 sente katak fetu iha papél importante; no porsentu 7.7 sente fetu ‘karik’ iha papél). La iha opsaun seluk ba resposta ne’ebé akumulá liu 10.0. Entretantu, diferensa balu bele haree iha fatin sira levantamentu nian. Comoro hatudu persentajen ne’ebé ki’ik liu en-termus populasaun ne’ebé hateten katak fetu iha papél importante ida

(porsentu 65.9), kompara ho persentajen ne'ebé aas liu hotu fó-sai iha Lahane Oriental (porsentu 81.9). Ho kontráriu, Comoro hetan persentajen aas liu hotu hosi respondente sira ne'ebé sente katak fetu 'la iha papél importante ida' (porsentu 6.6), enkuantu Lahane Oriental hetan persentajen ki'ik liu hosi respondente sira ne'ebé hatán ho dalan ne'ebé hanesan (porsentu 1.9).

Q21. TUIR ITA-BOOT NIA HANOIN FETO IHA PAPÉL IMPORTANTE ATU REZOLVE PROBLEMA IHA ITA-BOOT NIA KOMUNIDADE KA LAE?



Rezultadu hirak-ne'e karik parese kontra-intuitivu iha sentidu katak papél lideransa típika relasiona ho rezolusaun konflitu iha Timor-Leste domina maka'as hosi mane (Grenfell *et al* 2009, 118; Kovar & Harrington 2013, 215). Papél fetu nian hetan limitasaun ba responsabilidade sósiu-familiár iha ámbitu doméstiku, sira-nia lideransa dalabarak hetan limitasaun ba 'espasu sira fetu nian de'it', hanesan grupu fetu (Trembath *et al* 2010, 10). Pergunta la espezifika kona-ba iha medida ida-ne'ebé ka papél espezifiku fetu nian ne'ebé sei hala'o iha prosesu rezolusaun konflitu. Tanba ne'e, nu'udar fetu baibain la rekoñese iha importánsia ne'ebé hanesan ho liña responsabilidade mane nian' (ibid, 9), dalan ida atu komprende rezultadu hirak-ne'e maka atu konsentra kona-ba rezolusaun konflitu nu'udar prosesu ida, envezde natureza jéneru kona-ba papél lideransa. Porezemplu, karik komprende comunidade sira hanesan buat ida aleinde totalidade hosi indíviduu sira, maka posível fetu sira sei konsidera importante iha sentidu katak kualkér rezolusaun presiza sira-nia partisipasaun.⁵⁶ Iha sentidu ida-ne'e, karik la problema katak fetu konsidera atu participa iha preparasaun ai-han ka ho kontráriu iha fatin ne'ebé limitadu atu ko'alia,⁵⁷ tanba valór hosi ninia envolvimentu nu'udar parte hosi étika partisipasaun comunidade nian no validasaun solusaun nian ida. Hanoin liután kona-ba comunidade nu'udar koletivu en-jerál, nesesidade envolvimentu fetu nian, maski kondisiona, refleta iha resposta tuirmai:


“Ha'u la fiar fetu seidak preparadu atu rezolve problema. Ida-ne'e di'ak liu karik sira serbisu hamutuk ho mane, tanba karik sira tenta atu rezolve problema rasik bele hamenus problema sira. Entretantu ha'u fiar partisipasaun fetu importante. Fetu no mane presiza atu serbisu hamutuk hodi rezolve problema”

Respondente Mane, Comoro

Iha sorin ida, tipu resposta ida-ne'e halo fetu sira hanesan la adekuaudu hodi participa iha rezolusaun konflitu, no kualkér tentativa atu halo ida-ne'e tuirmai sei sai kauza risku ka problema iha futuru. Entretantu, partisipasaun fetu sei konsidera importante, haree hanesan tanba sira halo parte grupu sosiál iha-ne'ebé envolve iha problema atuál iha liman, mezmuké la'ós en-termus atualmente afirma desizaun sira ne'ebé maka halo.

Bainhira Pergunta Ruanulu-resin-ida dezagregada ho jéneru respondente levantamento nian, proporsaan besik hanesan ho respondente feto (porsentu 74.7) no respondente mane (porsentu 74.9) hatudu katak respondente hotu-hotu sente katak feto iha papél ida importante iha rezolusaun konfliktu iha sira-nia comunidade nia laran. Lihosi levantamento sira, iha de'it diferensa marjinál kona-ba oinsá feto no mane hatán pergunta ida-ne'e. Respondente mane sira maka provável liu uitoan hodi hatán katak feto provável iha papél ida importante iha rezolusaun konfliktu iha sira-nia comunidade nia laran. (porsentu 9.9) duké respondente feto sira (porsentu 6.0).

Q21. TUIR ITA-BOOT NIA HANOIN FETO IHA PAPÉL IMPORTANTE ATU REZOLVE PROBLEMA IHA ITA-BOOT NIA KOMUNIDADE KA LAE?




IV. JUSTISA NO SEGURANSA

Iha Timor-Leste, responsabilidade no dalan atu mantein lei no orden refleta atór no kamada lubuk ida, tantu entre nivel nasional no lokal governasaun nian, nune'e mós liuhosi dalan tradisionál no modernu ba rezolusaun konfliktu nian.⁵⁸ Refleta kontestu ida-ne'e, pergunta lubuk ida iha levantamento ida-ne'e buka atu komprende tantu relasaun ho estadu ne'ebé luan liu en-termus aseitasaun públika ba direitu modernu, hanesan mós oinsá sistema diferente autoridade no prosesu rezolusaun konfliktu kruza hodi prodús seguransa iha kapitál. Pontu ida importante atu tau iha hanoin ho número hirak-ne'e maka katak instituisaun sira estadu nian, inklui polísia, maka konsentradu, dezenvolidu liu no iha rekursu ne'ebé di'ak liu iha Dili duké akontese iha comunidade rurál barak.


Lei

Maski resposta sira ba Pergunta Neen, iha-ne'ebé husu 'Iha jeralmente, povu iha Dili respeita lei estadu ka lae?' no Pergunta Hitu—'Ema tenke tuir lei estadu maski nia hanoin lei sira ne'e sala ka lae?'—pozitivu, rezultadu hirak-ne'e haree ladún hetan afirmasaun duké rezultadu sira-seluk levantamento nian ne'ebé diskute liuhosi relatóriu ida-ne'e. Ba Pergunta Neen, kumulativamente porsentu 72.3 hosi populasaaun hatán hodi konkorda katak povu iha kapitál respeita lei, enkuantu redusaun boot porsentu 50.0 sente katak populasaaun tenke tuir lei mezzmu sira la konkorda (porsentu 28.5 'Konkorda' no porsentu 21.5 'Konkorda liu'). Pergunta rua-rua rejista resposta 'Netrál' ne'ebé relativamente aas, no presiza nota katak total hosi porsentu 27.9 hosi respondente la konkorda ho Pergunta Hitu (porsentu 21.1 hatán 'La Konkorda' no porsentu 6.8 hateten 'La konkorda liu'), efetivamente hateten katak karik populasaaun la konkorda ho lei, la iha presiza atu tuir.

Q6. IHA JERALMENTE, POVU IHA DILI RESPEITA LEI ESTADU KA LAE?



Q7. EMA TENKE TUIR LEI ESTADU MASKI NIA HANOIN LEI SIRA NE'E SALA KA LAE?




Pergunta hirak-ne'e en-gerál ho ninia objetivu maka atu komprende oinsá populasaun iha ligasaun ho lei moderna liuhosi estadu iha tinan hirak hafoin krize. Porezemplu iha tensaun entre nasionalizmu hosi períodu hafoin independénsia iha-ne'ebé bele manifesta iha relasaun ida ne'ebé forte ba estadu foun independente, no efeitu sira hosi krize ba persesaun populasaun nian kona-ba lejitimsaun estadu nian? Ida-ne'e bele nota katak númeru populasaun ne'ebé la konkorda aumenta maka'as hosi Pergunta Neen ba Pergunta Hitu (Hosi porsentu 3.5 ba porsentu 21.1), sujere disparidade ida ne'ebé klaru entre rekoñesimentu ne'ebé maka fó ba lei kria liuhosi estadu per se, kontráriu ho lei sira ho kualkér motivu maka konsidera hanesan la própriu. Fatór ida ne'ebé karik bele kontribui maka kontestu istóriku estadu nian durante tempu Portugés no okupasaun Indonézia nian, iha-ne'ebé sistema governasaun nian hosi liur haree hanesan ho forsa obriga populasaun no, tanba ne'e, buat ruma hodi rezista, ka pelumenus tenta hodi ultrapasa. Ida-ne'e bele iha implikasaun katak ba ema balu, estadu-de-direitu maka en-gerál komprende hanesan lejítima pelumenus to'o pontu ne'ebé ida-ne'e haree hanesan funsiona kontra interese ka nesesidade partikulár sira. Tuirmai, karik lei presiza hetan respeitu ka la'e ne'ebé maka sai kestaun. Ida-ne'e la'ós pontu ida ne'ebé la signifikante ba ema sira ne'ebé iha interese iha aplikasaun lei jeneralizada, peskiza tuirmai porezemplu bele hatudu relasaun entre resposta negativa sira ne'ebé aas ba Pergunta Hitu no nivel resentimentu hala'o hosi ema balu en-termus persesaun injustisa kona-ba impunidade, liuliu ema sira ne'ebé maka relasiona direta ho krize.

Iha mós dalan seluk hodi hanoin kona-ba resposta inekívoka ne'ebé menus ba Pergunta Neen no Hitu. Durante faze konstrusaun estadu hafoin independénsia, servisu governu nian, apoiu no infraestrutura bázika dalabarak kontinua menus mezmú iha Dili. Iha realidade moris loroloron nian iha kapitál, populasaun halo mediasaun dezenvolvimentu ba estadu foun ida ne'ebé modernu hamutuk forma tradisionál regulasaun sosiál no negosiasaun (Brown 2013, 21), signífika katak ho sistema governasaun diferente ne'ebé maka vigór, populasaun iha opsaun ka dalan diferente ne'ebé maka iha hodi regula comunidade, porezemplu pontu ida ne'ebé esplora iha pergunta tuirmai.

En-gerál, porsentu 60.8 hosi resposta sira ba Pergunta Sanulu-resin-sia hateten katak lei tradisionál maka uza hodi tulun rezolve problema sira ema ruma nian iha Komuidade iha Dili. Kompara, porsentu 15.0 de'it hosi respondente sente katak lei tradisionál maka 'La' uza hodi tulun rezolve problema sira iha sira-nia comunidade. Entretantu, tanba pergunta ne'e la husu kona-ba preferénsia lei tradisionál iha lei estadu nian, resposta positiva ho taxa ne'ebé aas bele mós hatudu utilizasaun simultánea lei modernu no tradisionál

Q20. SE KONFLITU MOSU IHA NE'E, ITA-BOOT SIRA BELE BUKA SOLUSAUN IHA ITA-BOOT NIA KOMUNIDADE LARAN KA LAE?



Papél ida-ne'e ba lei tradisionál indentifika ona iha levantamentu sira tantu antes no dezde levantamentu ida-ne'e hala'ó. Porezemplu, iha kazu balu kona-ba violénsia grupu-bandidu nian iha Dili, kombinasau n lisan (hanesan tara bandu, arranju ida pozitivu ne'ebé uza hodi regula relasaun sosiál ka uzu rekursu naturál; ka juramentu, juramentu raan ne'ebé hala'ó hosi partisipante sira), igreja lokál no polísia maka dezeña hamutuk hodi rezolve konfliktu.⁵⁹ Rede kona-ba ajente sira seguransa nian iha nivel oioin sociedade nian mós útil hodi lida ho konfliktu.⁶⁰ Hanesan ezemplu ida, durante krize, grupu dezlokadu internu sira bolu hamutuk katuas tradisionál sira hodi hala'ó seremónia nahe biti boot no juramentu ho objetivu hodi promove sustentabilidade prazu naruk iha esforsu sira reintegrasaun nian ne'ebé lidera hosi Governu (Trindade & Castro 2007, 26). Relatóriu seluk fornese ezemplu hosi comunidade ida iha Bidau Santana (Cristo Rei, Dili) iha-ne'ebé modifika sira-nia utilizasaun atuál tara bandu nian iha rezolusaun disputa sira violénsia doméstika nian hodi troka seksaun ida spesífika ho Lei Kontra Violénsia Doméstika foun (Belun 2013b, 29). Aktu hirak-ne'e identifika ona hosi peskizadór sira hanesan Trindade no Castro (2007, 27) hanesan hatudu valór prátika tradisionál nian iha sociedade.

Interesante mós nota katak bainhira lei tradisionál identifika hanesan hala'ó papél ida iha rezolusaun konfliktu, karik dalan rezolusaun nian hala'ó resoa ho prátika tradisionál, maibé la'ós ona tradisionál iha aspetu xave. Porezemplu, rezolusaun konfliktu bele akontese liuhosi inkorporasaun prátika sira modernu nian, maibé sei hala'ó iha forma prátika sira tradisionál nian hodi envolve rede familiár (envezde redús konfliktu ba perpetrador vítima singular), fó fatin ba diálogu estensivu, no to'ó pontu sira kompromisu nian. Ho nune'e, ema sira-ne'ebé envolve iha konfliktu la nesesariamentu sujeita ba tipu justisa tradisionál, maibé sentidu reziduál ida lei tradisionál nian bele kontinua forma no aumenta sentidu familiaridade nian ida ba prosesu rezolusaun konfliktu nian, hanesan sitasaun ne'ebé akompaña sujere iha-ne'e.


“Lei Tradisionál ne'e antigu tebetebes. Di'ak liu tuur hamutuk, mantein diálogu ida no halo rezolusaun ida haktuir lei sira ohin-loron nian”

- Respondente, Comoro

Autoridade responsavel sira

Pergunta Sanulu-resin-ualu buka hodi avalia preferénsia iha comunidade ida nian iha-ne'ebé en-termus estrutura autoridade nian, porezemplu, rekoñese katak kualkér disputa ida bele realmente haree envolvimentu polísia nian nune'e mós xefe-suku, lider tradisionál sira hanesan lia-na'in. Entretantu, Pergunta la spesífika forma seluk lideransa nian ne'ebé bele iha importánsia ba populasaun, hanesan Igreja.⁶¹

Q18. SE IHA PROBLEMA RUMA MOSU IHA ITA-BOOT NIA BAIERRU, ITA-BOOT PREFERE BOLU POLÍSIA DUKÉ LIDERANSA LOKÁL ATU AJUDA REZOLVE?



En-gerál, liu metade hosi respondente maka prefere bolu polísia (porsentu 59.3). Entretantu, minoria ida signifkativa (porsentu 33.8) mós hatudu preferénsia hodi bolu autoridade lokál sira. Porsentu 5.6 de'it maka hatán ho netrál no porsentu 1.4 la iha opiniaun, hatudu katak maioria populasaun iha opiniaun ida klaru ho kualkér maneira. Konsentrasaun ajente seguransa nian, liuliu polísia, iha kapitál, ami fiar, sei influensia persesaun populasaun nian kona-ba disponibilidade polísia nian nune'e mós persesaun kona-ba fiar no konfiansa iha PNTL (Marx 2013, 14). Nune'e mós, rezultadu sira hosi Levantamentu 2013 Fundasaun Ázia nian kona-ba persesaun polísia komunitária nian hatudu potenciál prosimidade polísia no prezensa, no influénsia iha persesaun kona-ba seguransa no dalan buka justisa, ho porsentu 48.0 hosi respondente sira Dili nian hateten sira uluknanain sei hato'o insidente ba polísia karik iha eskuadra polísia ka ofisiál ne'ebé lokaliza iha sira-nia suku, no 43.0 hateten sira prefere lider komunitária sira (média nasonál favorese lider komunitária sira ho porsentu 10.0 ba leten.⁶²

Iha fatin hotu-hotu levantamentu nian opsaun resposta 'Polísia' maka komún liu en-termus populasaun ne'ebé sei prefere hodi bolu (Pergunta 18). Entretantu, Lahane Oriental no Becora iha persentajen ne'ebé tun liu uitoan hosi respondente sira ne'ebé espresa sentimentu ida-ne'e (porsentu 46.6 no porsentu 48.5, tuituirmalu). Aleinde ne'e, fatin rua ne'e iha persentajen ne'e aas liu hotu hosi respondente sira ne'ebé hatudu katak sei definitivamente prefere hodi bolu autoridade lokál sira (porsentu 29.8 iha Lahane Oriental no porsentu 35.6 iha Becora). Iha sentidu ne'ebé kontráriu, fatin sira hanesan Bairro Pite, iha-ne'ebé iha proporsaun aas liu hotu hosi respondente sira hatán 'Polísia' (porsentu 68.4), nune'e mós iha proporsaun ne'ebé ki'ik liu hosi respondente sira ne'ebé hatán 'Lideransa Lokál' (porsentu 9.5). Ida-ne'e sujere katak iha fatin balu, estrutura lideransa lokál karik ativu liu no polísia karik la efikás, ka vise-versa.

Pergunta 18. Se iha problema ruma mosu iha ita-boot nia bairru, ita-boot prefere bolu polísia duké lideransa lokál atu ajuda rezolve?										
	Bairro Pite		Becora		Bemori		Comoro		Lahane Oriental	
	Konta	%	Konta	%	Konta	%	Konta	%	Konta	%
La iha opiniaun	1	0.6	0	0.0	2	1.3	4	2.4	4	2.5
Lideransa Lokál	15	9.5	58	35.6	37	23.3	27	16.1	48	29.8
Karik Lideransa Lokál	13	8.2	16	9.8	17	10.7	20	11.9	22	13.7
Netrál	10	6.3	5	3.1	10	6.3	11	6.5	7	4.3
Karik Polísia	11	7.0	5	3.1	10	6.3	11	6.5	7	4.3
Polísia	108	68.4	79	48.5	81	50.9	93	55.4	75	46.6
Totál	158	100.0	163	100.0	159	100.0	168		161	100.0

Iha entendimentu ba preferénsia hodi bolu iha forma autoridade ida liufali ida-seluk, importante hodi tau iha konsiderasaun fatór oioin hanesan natureza no gravidade problema nian, relasaun populasaun nian ba sira-nia comunidade no lider korrespondente sira,⁶³ nune'e mós esperiéncia sira envolvimentu nian iha pasadu ho polísia no autoridade lokál sira. Persesaun povu nian kona-ba PNTL, nune'e mós lideransa lokál sira, ne'ebé fó impaktu iha tempu no fatin diferente durante krize no ida-ne'e karik tuirmai afeta konfiansa no preferénsia povu nian rasik ba métodu rezolusaun konfliktu nian. Porezemplu, estudu akadémiku balu iha tinan sira tuirmai hosi levantamentu ida-ne'e nota katak iha momentu krize nian, fó-sai ona número lider komunitáriu hetan sesaun alienda hosi sira-nia comunidade, sai envolve iha ka apoia inséndiu, lelan no intimidasaun, enkuantu sira-seluk manán respeitu boot hodi hatudu 'netrállidade, proteje vítima sira ka liuhosi hala'ó papél mediasaun nian' (Scambary 2013, 1942-43).⁶⁴ Iha possibilidade katak resposta sira ne'ebé fornese hosi respondente sira bele influensia hosi sira-nia esperiéncia sira durante krize relaciona ho polísia ka autoridade lokál sira.

"Agora lia-na'in and xefe suku ladún barani atu rezolve [problema sira], tanba krize. Karik sira hakarak koko no bolu joven sira hamutuk, la iha ema ida maka bá. Joven sira hateten 'Governu daudaun ne'e la halo buat ida atu rezolve sasán sira, tanba ne'e oinsá ita-boot sira, xefe suku no xefe aldeia sira, hanoin ita-boot sira sei bele rezolve buat ruma?'"

Respondente, Golgota

Hanesan sitasaun ida-ne'e sujere, falta rezolusaun bele afeta tantu forma governasaun tradisionál no moderna. Nune'e mós, karik ema balu identifika polísia hanesan órgaun ida ne'ebé kapás liu entermus resposta imediata no difuzaun situasaun violenta (ka atu minimiza ka impede intensifikasaun potenciál), hanesan hatudu hosi respondente ida ne'ebé hateten katak *"agora, tanba lider lokál sira la iha kilat, sira la bele tulun ita-boot no tanba ne'e maka populasaun sei bolu polísia."*⁶⁵ Respondente seluk hosi Comoro hateten katak karik ne'e problema boot hanesan ema ruma lori kilat, entaun, ida-ne'e presiza bolu polísia.⁶⁶ Resposta hirak-ne'e refleta katak ba ema balu, konfiansa iha kapasidade polísia nian iha ligasaun hodi hatudu forsa boot liu no disponibilidade kilat, iha-ne'ebé konsistente ho tendénsia sira ne'ebé identifika iha fatin sira-seluk ne'ebé sujere katak apoiu Timoroan balu nian ho estilu polísia ne'ebé 'fizikamente robustu' liu tanba ida-ne'e halo sira sente seguru liu (Burgess 2012 15).

"Ida-ne'e depende situasaun – karik ida-ne'e la'ós sériu duni ita-boot bele rezolve rasik, maibé karik ida-ne'e maka sériu entaun ita-boot bele bolu polísia"


Respondente, Bemori

"Ita-boot uluknanain ba lider lokál sira hodi rezolve problema. Karik sira la bele rezolve problema, entaun ita-boot halo keixa formál ida ba polísia"

Respondente, Bemori


Grenfell *et al* nota, ba ema barak iha rekoñesimentu ida ne'ebé klaru kona-ba 'tipu krime ka konfliktu sira ne'ebé bele trata iha aldeia, hirak-ne'ebé presiza haruka ba autoridade sira estadu nian' (Grenfell *et al* 2009, 117).⁶⁷ Ofensa kí'ik (bolu mós nu'udar 'sivil' ka menór') ne'ebé baibain konsidera hanesan argumentu ka disputa propriedade, aupasuke ofensa 'grave' (bolu mós nu'udar 'kriminál') maka tendénsia ba ema sira ne'ebé envolve oho, estupru, agresaun to'ó vítima hetan raan.⁶⁸ Ba urbanu Dili, Pergunta Ruanulu-resin-haat—iha-ne'ebé husu populasaun karik 'Se problema boot mosu iha bairru ne'e, baibain ema bolu polísia ka lae?'—buka hodi avalia disponibilidade membru sira comunidade nian atu partisipa forsa polisiál hodi hasoru ameasa sériu. Maioria número hosi respondente sira (porsentu 84.9) hateten katak Sin', ema sei bolu polísia bainhira akontese problema signifikativu iha sira-nia comunidade, hodi kompara ho porsentu 3.7 de'it ne'ebé hateten sei 'Lae'.

Q24. SE PROBLEMA BOOT MOSU IHA BAIRRU NE'E, BAIBAIN EMA BOLU POLISIA KA LAE?




Pergunta Ruanulu-resin-hitu (a) husu respondente sira karik, iha tinan kotuk, sira ka sira-nia família sai vítima krime nian. Bazeia ba rezultadu hirak-ne'e, Pergunta Ruanulu-resin-hitu (b) husu ba ema sira-ne'ebé hatán 'Sin' (porsentu 23.2) karik sira hato'o incidente ba polisia. Porsentu 23.2 hosi populasaun ne'ebé hateten katak tantu sira no sira-nia família sai vítima krime nian iha tinan kotuk, porsentu 83.8 hateten sira hato'o ida-ne'e ba polisia.

Q27a. IHA TINAN IDA NE'E NIA LARAN, ITA-BOOT KA ITA-BOOT NIA FAMILIA IHA ESPERIÉNSIA RUMA HANESAN SAI VITIMA TAN EMA HALO KRIME KA LAE?



Q27b. SE SIM, ITA-BOOT SIRA KEIXA BA POLISIA KA LAE?




Ba Pergunta 27a, Comoro iha percentajen ki'ik liu hosi respondente sira (porsentu 76.2) ne'ebé hateten katak sira fó-hatene ba polisia bainhira sira ka membru família ida sai vítima iha tinan kotuk. Ida-ne'e kontráriu ho resposta sira ba pergunta anteriór iha-ne'ebé resposta sira iha Comoro konta ho percentajen aas liu hotu balu ba resposta positiva relaciona ho preferéncia ba envolvimentu polisia nian iha problema sira. Porezemplu, bainhira husu karik sira sei prefere bolu polisia duké autoridade lokál sira hodi tulun iha rezolusaun problema sira (Pergunta 18), porsentu 55.4 hosi respondente sira iha Comoro hateten sira prefere bolu polisia. Ho exesaun Bairro Pite, ida-ne'e ho percentajen aas liu hosi respondente sira ne'ebé komunika preferéncia ida ne'ebé klaru ba polisia, no mós aas liu duké média total fatin hotu-hotu (porsentu 5.3.9). Nune'e mós, bainhira husu karik populasaun baibain bolu polisia bainhira iha duni problema boot akontense iha comunidade (Pergunta 24), Comoro iha percentajen aas liu hotu hosi respondente sira (porsentu 88.7) ne'ebé hatán 'Sin'. Aleinde ne'e, ida-ne'e maka aas liu duké média total fatin hotu-hotu (porsentu 84.9). Resposta kontráriu ida-ne'e bele

esplika iha dalan ne'ebé diferente, no bele sujere katak iha diferéncia ida iha dalan ne'ebé populasaun teorikamente hatán ba pergunta sira anteriór (enkuadradu iha kontestu 'karik') hosi kompara oinsá maka sira hatán bainhira husu kona-ba akontesimentu vida réal. Potu ida hanesan hala'o mós iha Levantamentu 2013 Fundasaun Ázia nian kona-ba Persesaun polísia komunitária, iha-ne'ebé sira halo teste reasaun ipotética sira ba asaun réal sira hosi respondente sira hodi lida problema. Rezultadu sira hatudu katak maski hanoin katak sira uluknanain sei husu tulun ba polísia, iha kazu barak, xefe-suku ka xefe-aldeia maka pontu kontaktu ba dala uluk (Wassel & Rajalingam 2014, 65: haree Tabela 6.4).

V. ATITUDE SIRA KONA-BA FORNESIMENTU SEGURANSA

Polísia

Pergunta Ruanulu-resin-lima husu respondente sira atu fó komentáriu kona-ba, karik sei bolu polísia, sira sei lida problema sira di'ak liu duké iha pasadu? Pergunta ne'e husu en-termus polísia bá iha comunidade ba objetivu aplikasaun lei nian. Kuaze kahaat tolu hosi respondente sira ne'ebé maka tuir levantamentu sente katak kapasidade PNTL nian hodi lida ho problema sira sai di'ak liután (porsentu 73.7; porsentu 12.3 hatán 'Karik sin' no porsentu 61.4 hatán 'Sin'). Konserteza 'pasadu' maka jerál liu duké krize, no PNTL daudaun ne'e envolui ona hanesan instituisaun ida dezde independénsia. Entretantu rezultadu sira mosu hodi konfirma katak forsa polísia nasionál pelumenus melloria ona en-termus persesaun públiku nian bainhira levantamentu ne'e hala'o iha 2011.⁶⁹



Ho kontráriu, porsentu 6.6 de'it la konkorda katak polísia lida ho problema sira di'ak liu duké iha pasadu (porsentu 3.5 hatán 'Lae' no porsentu 3.1 hanoin 'Karik lae'). Entretantu, iha persentajen significativa ida hosi populasaun ne'ebé fó resposta neutrál (porsentu 18.3). Valór akumuladu ne'ebé la fó resposta, resposta negativa ka resposta neutrál (porsentu 26.0) signifiika katak liu kahaat ida hosi respondente sira la kapás ka lakohi atu apoia melloria ne'ebé maka sente iha kapasidade no kompeténsia polísia nian.

Enkuantu iha variasaun ki'ik entre fatin sira ba Pergunta Ruanulu-resin-lima, Bairro Pite fó-sai persentajen aas liu hotu (porsentu 64.6) hosi populasaun ne'ebé sente katak 'Sin' polísia lida ho problema sira duké iha pasadu. Ida-ne'e konsistente ho rezultadu aas fatin nian iha resposta ba Pergunta Sanulu-resin-ualu no Ruanulu-resin-haat relasiona ho preferénsia sira ba envolvimentu polísia nian bainhira problema

sira akontese iha komidade.⁷⁰ Ida-ne'e karik sujere katak di'ak liu harii iha suku ida-ne'e nia laran no melloria ona relasaun ho membru komidade sira kompara ho tempu iha pasadu.

Alein hosi resposta sira ne'ebé estabelese sentidu forte melloria nian, dezafiu iha interpretasaun rezultadu sira hosi pergunta ida-ne'e liutan maka defisil avalia saida maka signifika 'melloria' alein sentidu kompetensia no efisiensia iha aplikasaun lei. Fonte peskiza sira-seluk lubuk ida aponta kontestu istoriku no kulturál kona-ba modelu polisia durante okupasaun Portugés no Indonézia nian nu'udar kontribuisaun ba 'Pensamentu Timoran nian kona-ba dezvoltimentu setór seguransa nian ...[hetan tiha...] influénsia maka'as hosi estilu autoritariu' (Wilson 2009, 13).⁷¹ Ho kriaun 'forsa espesializada' lubuk ida ho kilat boot,⁷² ida-ne'e bele sai persesaun populasaun nian kona-ba melloria ne'ebé influensia hosi ideia katak 'lida ho problema maka efikas tebetebes liuhosi estilu militar polisia nian ne'ebé forte liu (Jütersonke *et al* 2010, 60). Porezemplu, ekuantu ema balu karik hanoin katak melloria iha kapasidade polisia nian en-termus tahan an hosi uzu forsa esesiva, ka konsiensia liu kona-ba direitu umanu, sira-seluk relasiona ho direitu umanu ho forsa ne'ebé maka presiza hodi garante katak populasaun tauk tebetebes atu halo krime,⁷³ ne'ebé iha rezultadu hanesan hodi kontribui ba nivel persesaun seguransa no estabilidade nian iha komidade ka sidade.⁷⁴


Pergunta Ruanulu-resin-noon husu populasaun karik 'Iha jerál, Ita-Boot hanoin baibain polisia sira rezolve problema ho neutralidade ka lae?'. Liu metade natoon hosi respondente sira hatán ho pozitivu (porsentu 44.9 hatán 'Sin' no porsentu 8.8 hatán 'Karik sin'). Pergunta ida-ne'e mós fó-sai hosi resposta netrál aas liu hotu (porsentu 32.8) ne'ebé maka sei foti hanesan ema balu lakohi atu afirma netrálidade polisia nian, enkuantu nune'e mós lakohi atu foti kualkér risku rekrimasaun hodi sujere buat ruma negativu. Fatór seluk ne'ebé influensia dalan oinsá populasaun hatán ba kestaun netrálidade polisia nian maka karik aprosimasaun polisia nian depende iha ajente polisiál individuú ne'ebé maka envolve,⁷⁵ ka maka familia sira karik bolu parente sira ne'ebé maka polisia hodi envolve iha disputa, hanoin ida ne'ebé bele iha impaktu iha persesaun populasaun nian ba netrálidade PNTL nian (De Sousa C. Belo & Koenig 2011, 25).



Estadu

Pergunta Tolunulu-resin-rua buka atu komprende oinsá haree estadu ho pozitivu relasiona ho ninia resposta ba iha krize. Ida-ne'e hamosu resposta ne'ebé kahur iha-ne'ebé liu uitoan metade hosi respondente sira ho pozitivu (porsentu 43.3 ne'ebé 'Sin', sira satisfás ho oinsá estadu hatán, no porsentu 10.5 hateten 'Karik'). Kumulativamente, porsentu 24.0 hosi populasaun fó resposta ida ne'ebé negativa (porsentu 13.9 sente 'Lae' no porsentu 10.1 sente 'Karik lae') enkuantu porsentu 19.4 fó resposta ida ne'ebé netrál.

Q32. IHA JERÁL, ITA-BOOT HANOIN POVU SIRA KONTENTE HO ESTADU SIRA RESPONDE BA KRIZE KA LAE?



Enkuadra iha termu jerál, pergunta buka opiniaun kona-ba pontu-de-vista populasaun nian, ho entrevista sira badak hodi fó sentidu razaun tanba saida. Hanesan sitasaun iha-ne'e, resposta populasaun bele bazeia iha fatór lubuk ida; ámbitu no nível iha-ne'ebé sira simu asisténsia sosiál, ne'ebé sira-seluk simu asisténsia maibé sira lae,⁷⁶ ka razaun sira-seluk hanesan esperiénsia violénsia nian nu'udar rezultadu hosi esforsu reintegrasaun ne'ebé tensa ka falla (Van der Auweraert 2012, 10),⁷⁷ relasiona ho ida hosi grupu polítiku oioin (porezemplu sira ne'ebé iha forsa armada, polísia, ministériu, partidu polítiku, grupu arte marsiál sira-nia laran)⁷⁸ no seluseluk tan. Respondente ida iha Bemori hateten katak populasaun barak hirus tanba estadu ladún hatán lalais ba nesesidade sira povu nian.⁷⁹ Hanoin ida-ne'e bele refleta faktu katak Estratéjia Rekuperasaun Nasionál nian la tama iha vigór to'o Dezembru 2007 (Bishop 2012, 10), no resposta emerjénsia imediata barakliu foka iha kriasaun kampu dezlokadu internu no prestasaun ajuda umanitária ba ema sira ne'ebé hela iha kampu sira (Van der Auweraert 2012, 21). Ida-ne'e agrava liután ho problema sira kona-ba alokasaun Rejime Subvensaun Rekuperasaun Bolsa.⁸⁰

“Ha'u la kontente ho oinsá estadu hatán ba krize tanba fó prioridade ba relasaun pesoál no família, iha-ne'ebé ema balu simu asisténsia lalais liu no ema sira-seluk kleur, ka la iha liu. Kontinua la iha ema ida maka hatán ba ha'u-nia keixa”


Respondente, Comoro

Hosi respondente sira ne'ebé fó resposta negativa ka netrál iha entrevista, balu sujere fó-estende problema sira ne'ebé maka la rezolve ka lideransa polítika la komprende tomak impaktu longu-prazu ba sira-nia desizaun.⁸¹ Relatóriu balu hosi tempu ne'ebá reklama katak 'natureza apresada hosi prosesu fila hikas IDP nian, iha-ne'ebé parese fofoun hetan ona susesu, husik kanek barak ne'ebé la kura' (Muggah & LeBrun 2010, 35). Ida-ne'e bele haree, porezemplu ho disputa kontínua kona-ba na'in ba rai, ida-ne'e difikulta ba reasentamentu bainhira propriedade hetan kontestasaun. Enkuantu Governu rekoñese katak ida-ne'e susar, ikusliu, argumenta katak ida-ne'e la viável atu 'konsentra rekursu sira

ne'ebé eskasu' hodi klarifika direitu ba rai iha-ne'ebé sei lori 'tinan hodi kompleta traballu, medida lejizlativa no rekursu adisionál sira ne'ebé la disponivel iha momentu ne'ebá' (Democratic Republic of Timor-Leste 2009, 12).

Pergunta Ruanulu-resin-rua ho objetivu atu komprende estadu kontribui ona to'o iha nivel ida-ne'ebé atu dala ida tan enkuadra iha termu jerál no ho objetivu atu komprende oinsá estadu bele iha kbiit hodi impata komunidadade lokál sira iha dalan ne'ebé significativu; tantu liuhosi enserramentu kampu sira, distribuissau asisténsia, kriasaun serbisu, rekonstrusaun infraestruturá, no seluseluk tan. Populasaun hatán ho pozitivu, besik kahaat tolu hosi populasaun ne'ebé maka tuir levantamentu (hatán 71.0) hatán tantu 'Karik sin' ka 'Sin'. Maski nune'e, porsentu 15.2 hosi populasaun la fiar estadu tulun hodi garante pás iha sira-nia komunidadade. Porsentu 11.1 hosi populasaun ne'ebé 'Netrál' no porsentu 2.7 la iha opiniaun.

Q22. DEZDE TEMPU KRIZE ITA-BOOT HANOIN KATAK ESTADU SIRA AJUDA HALO PÁS IHA BAIRRU NE'E KA LAE?



Envolvimentu esternu: Ajente sira seguransa nian


Relasiona ho prezensa forsa esterna nian, Pergunta Tolunulu nu'udar pegunta valioza ida, iha-ne'ebé buka hodi komprende oinsá populasaun halo balansu prezervasaun soberania ho nesesidade ba seguransa. En-gerál, populasaun sente ho pozitivu kona-ba prezensa forsa estranjeira sira (porsentu 50.7 hanoin ida-ne'e 'Di'ak' no porsentu 10.6 hanoin ida-ne'e 'Karik di'ak'). Ki'ik maibé minoria significativa eleita hodi hatán katak prezensa seguransa estranjeira 'La di'ak' (porsentu 15.5) ho porsentu 8.2 seluk hateten katak prezensa ne'e 'Karik la di'ak'.

Ha'u sente katak ida-ne'e di'ak duni katak estranjeiru sira mai hodi tulun fó seguransa iha ita-nia rai. Durante krize, ema hosi Austrália, Zelândia Foun, Portugal no nasaun sira-seluk mai no tulun ita.


Forsa defeza no Polisia karik la gosta sira, maibé sira kontinua presiza hodi kooperá no simu treinamentu atu nune'e ita bele defende no mantein rasik seguransa iha ita-nia rai."

Respondente, Bemori

Q30. TUIR ITA-BOOT NIA HANOIN DI'AK KA LAE EMA HUSI RAI LI'UR ENVOLVA AN KONA-BA SEGURANSA IHA TIMOR LARAN?



Resposta sira entrevista nian fó ideia balu kona-ba tansá populasaun karik hatán ho pozitivu ka ho negativu. Ba ema sira-ne'ebé sente negativu, sira espresa katak sira sente daudaun ne'e aproveita ona Timor-Leste.⁸² Resposta positiva bazeia ba komprensaun ne'ebé pragmátika liu katak iha nesesidade hodi dezenvolve setór seguransa nasional iha medida katak iha kapasidade hodi mantein seguransa ho independente. Iha kontestu dezorden públika no violénsia jeneralizada, kualkér organizasaun ne'ebé kapás hodi kontribui ba estabilidade ne'ebé representa benefísiu, no dalabarak ema-li'ur ida ne'ebé netrál sei sai di'ak liu hodi buka solusaun ba problema ho nune'e sei hakotu problema ne'ebé iha relasaun ho família ka pesoál nian.⁸³



■ Q28. Tuir Ita-boot nia hanoin UNPOL sira halo impaktu negativu ka pozitivu kona-ba seguransa iha Dili laran?

■ Q29. Iha jerál, Ita-Boot hanoin ISF sira halo impaktu negativu ka pozitivu iha Dili laran?


En-jerál, resposta sira ba Pergunta Ruanulu-resin-ualu no Pergunta Ruanulu-resin-sia hatudu diferénsia ne'ebé uitoan liu entre persesaun populasaun nian ba kontribuisaun UNPOL no ISF nian kona-ba seguransa iha Dili.⁸⁴ Maioria hosi populasaun iha persesaun positiva kona-ba UNPOL (porsentu 53.6 hateten 'Pozitivu'). Nune'e mós, porsentu 54.4 hatán 'Pozitivu' no porsentu 9.3 hatán 'Karik pozitivu' kona-ba ISF. Ho kálkulu iha porsentu 10.0 sente katak tantu UNPOL no ISF hetan ona efeitu ida negativu, ida-ne'e karik iha relasaun ho sira-nia inkapasidade atu hapara violénsia ba períodu tempu ne'ebé naruk⁸⁵ ka estilu partikulár políisia nian ne'ebé mai ho forsa polisiál estranjeira sira.⁸⁶

Persesaun kona-ba falta kompeténsia no efikásia hodi lida ho violénsia durante krize bele mós sai ona fatór ida ne'ebé kontribui ba ema balu ninia opiniaun kona-ba UNPOL ka ISF ne'ebé hetan impaktu negativu iha seguransa.⁸⁷ UNPOL hetan krítika ba ninia abilidade komunikaun no lingua ne'ebé menus (CIGI 2009, 6; ICG 2009, 9; Svoboda & Davey 2013, 17), no tantu UNPOL no ISF sofre falta koñesimentu lokál difikulta ninia efikásia (Lemay-Hébert 2009, 396; Goldsmith 2009, 125). Aleinde ne'e, maski sai dahuluk iha terrenu, ISF hasoru dezafiu signifikativu sira hodi prevene no hatán dezorden públika, fó impaktu tebes iha opiniaun públika. Falta ekipamentu no armamentu, forsa militar no koñesimentu jeográfiku hirak-ne'e hotu signifika katak ISF sei to'o tarde liu hodi prevene insidente sira, ka iha número ki'ik no la kapás kontrola ema lubun boot, fó kontribuisaun ba dezlokamentu populasaun nian. Hanesan Goldsmith hakerek, manifestaun inisiál impoténsia hirak-ne'e ... fó sinál ladi'ak ba esforsu sira tuirmai ba konstrusaun konfiansa lokál nian' (Goldsmith 2009, 124).

Organizasaun naun-governamentál sira

Ho paralizasaun parte sira importante iha 2006, organizasaun naun-governamentál (ONG) barak foti programa iha konstrusaun pás iha Dili, fó assisténsia umanitária, apoiu materiál, formasaun lideransa, no atividade sira ne'ebé iha relasaun ho foinsa'e nian iha fatin tomak iha Dili. Hatán ba Pergunta Ruanulu-resin-tolu karik organizasaun hala'o papél hodi apoia pás iha comunidade populasaun nian dezde krize, resposta maka kahur uitoan. Liu uitoan de'it metade hosi populasaun ne'ebé tuir levantamentu hatán ho pozitivu (porsentu 48.8 sente katak 'Sin', organizasaun sira tulun ona hodi kria pás no porsentu 7.6 sente katak sira 'Karik' hetan tulun).

Q23. ITA-BOOT HANOIN KATAK ORGANIZAUN SELUK AJUDA KRIA PÁS IHA BAIERRU NE'E DESDE KRIZE KA LAE?



Persesaun populasaun nian kona-ba papél ONG sira-nian maka ladún pozitivu duké forsa sira-ne'ebé maka responsavel ba seguransa,⁸⁸ pontu ida karik iha relasaun maka, iha sorin ida, oinsá bele hetan seguransa iha sentidu ida imediatu. Kontráriu, programa sira konsolidasaun pás nian bele lori tempu naruk tebebes atu hetan efeitu no susar tebebes atu dezeña korrelasaun ida ba ida entre kapasidade atór nian hodi kontribui ba pás. En-jerál, rezultadu sira refleta katak respondente sira enfátiku hodi hatán katak organizasaun sira-seluk tantu la ajuda (porsentu 23.5) ka ajuda (porsentu 48.8). Resposta hotu-hotu sira-seluk relativamente hetan persentajen ki'ik bainhira halo komparasaun, sujere katak populasaun iha esperiénsia ne'ebé tantu di'ak liu ka aat liu ho ONG sira. La iha variaun barak entre fatin sira, entretantu Bemori no Lahane Oriental iha persentajen ne'ebé ki'ik liu hosi respondente sira ne'ebé hatán 'Sin' (porsentu 43.4 no porsentu 45.3, tuituirmalu). Enkuantu fatin jeográfika bele

esplika resposta positiva ki'ik liu ba iha pergunta ida-ne'e iha Lahane Oriental—en-termus proximidade ba eskritóriu ka projetu sira ONG nian—hanesan mós la bele temin ba Bemori ida-ne'ebé besik ba sentu kapitál nian. Bemori mós iha persentajen aas liu hotu hosi populasaun ne'ebé hateten katak organizasaun sira-seluk la ajuda hodi kria pás (porsentu 27.0), iha-ne'ebé bele signífika katak minoria ida signifikativa hosi respondente sira hetan ona esperiénsia ida negativa ka problema ne'ebé naruk iha comunidade (CDA 2008, 12).

Pergunta 23. Ita-boot hanoin katak organizaun seluk ajuda kria pás iha bairru ne'e desde krize ka lae?										
	Bairro Pite		Becora		Bemori		Comoro		Lahane Oriental	
	Konta	%	Konta	%	Konta	%	Konta	%	Konta	%
La iha opiniaun	6	3.8	5	3.1	5	3.1	11	6.6	4	2.5
Lae	34	21.3	37	23.3	43	27.0	38	22.8	37	23.0
Karik lae	2	1.3	9	5.7	10	6.3	9	5.4	17	10.6
Netrál	20	12.5	18	11.3	23	14.5	11	6.6	12	7.5
Karik sin	15	9.4	10	6.3	9	5.7	9	5.4	18	11.2
Sin	81	50.6	80	50.3	69	43.4	89	53.3	73	45.3
Totál	158	100.0	159	100.0	159	100.0	167	100.0	161	100.0

Fatór ida ne'ebé bele influensia tansá respondente balu hatán ho pozitivu maka Sokorru Katólíka (Catholic relief) no ajénsia ajuda nian barabarak.⁸⁹ Instituisaun influente ida, Igreja liuluu hala'o papél ida importante durante okupasaun Indonézia nian bainhira 'Atividade sira igreja nian maka atividade ida hosi atividade lubuk ida ne'ebé permite Timoroan sira sorumutu iha espíritu solidariedade nian no partilla, hanesan eventu tradisionál barak ne'ebé maka bandu durante okupasaun' (Brown 2013, 12).⁹⁰ Ida-ne'e posivel katak respondente balu familiár tebetebes ho organizasaun sira ne'ebé iha afiliasaun relijioza, hanesan respondente iha-okos:

"Ajuda mai hosi ONG CRS (Catholic Relief Services) no mós Padre ida (Padre Kotólíku) ho morál di'ak sira."

Respondente, Becora

"Loos [ONG sira tulun hodi kria pás], hanesan Igreja"

Respondente, Comoro

Grove *et al* (2007, 28) nota oinsá Igreja, liuhosi sira-nia padre sira no semináriu ba pás tulun ona hodi kria sentidu pás hodi halibur foinsa'e sira liuhosi lembrete solidariedade no retórica 'Timor ida de'it'. Respondente ida afirma katak tanba la iha organizasaun seluk ne'ebé fó apoiu, ema sira ne'ebé hetan dezlokasaun bá Igreja (ba refújiu no assisténsia sosiál).⁹¹ Resposta ida-ne'e mós sujere katak respondente balu karik interpreta pergunta en-termus período imediatu krize nian, duké projetu konstrusaun pás aleinde tempu ne'ebá.


Lothe no Peake (2010, 435) mós argumenta katak modelu pozkrize dezvoltamentu nian kontinua sai 'programa dezvoltamentu setór públiku nian no énfaze ida maka'as iha transferénsia 'kapasidade' liuhosi assisténsia téknika'. Ho nune'e, halo sentidu katak ba ema balu, impaktu no rezultadu hosi esforsu hirak-ne'e sei laho nesesáriu no orden tradús ba iha kriaun 'pás' iha nivel comunidade nian. Nune'e mós, métodu iha-ne'ebé organizasaun balu hala'o sira-nia projetu konstrusaun pás nian bele mós hetan impaktu oinsá respondente sira hatán pergunta ida-ne'e. En-termus resposta ba violénsia foinsa'e nian iha eskala boot ne'ebé akontese durante krize, fonte ida hakerek oinsá semináriu sira nu'udar 'dalan prinsipál' ne'ebé realmente kontra-produtiva, hamosu 'kole beneficiáriu' ho ajuda comunidade buka atu 'fó semináriu ba populasaun ba mate' (Arnold 2009, 385).

VI. FONTE SIRA INFORMASAUN NIAN

Iha fatin lima, meius eletróniku atu hetan informasaun kona-ba situasaun seguransa nian iha Dili maka favoresida tebetebes, kontráriu ho preferénsia ne'ebé menus ba fonte sira hosi ema (porsentu 15.8).⁹² Kumulativamente, fonte eletróniku ba informasaun representa porsentu 80.4 hosi resposta populusaun nian (porsentu 67.0 hosi respondente hateten televizaun no porsentu 13.4 hateten rádiu).⁹³ Taxa ida-ne'e hanesan iha fatin lima hotu, ho exesaun Bemori, iha-ne'ebé polísia maka maioria fonte informasaun ne'ebé identifika liu (porsentu 10.7).

“Televizaun maka importante atu nune'e ita bele haree notisia sira... ha'u gosta tanba ida-ne'e importante atu hatene saida maka akontese daudaun iha it-nia nasaun. Hafoin ha'u hatene katak iha Dili povu baku malu ona ka iha asidente karreta.”
Respondente, Golgota

Q17. ITA-BOOT SIMU INFORMASAUN KONA-BA SITUASAUN SEGURANSA IHA DILI HUSI NE'EBÉ?



Rezultadu hirak-ne'e en-gerál hatudu nivel diferente integrasaun média masa iha Dili kompara ho área rural barak tanba regularidade boot ba eletrisidade no asesu ba sasán ne'ebé bele sosa hanesan televizaun (ho prezensa rendimentu osan no relativamente fluksu kaixa ne'ebé aas liu) iha Dili (Toome *et al* 2012, 20). Sensus Populusaun 2010 Timor-Leste nian rejista uma-kain 44,767 ne'ebé maka iha televizaun nasionál ho 23,520 balu iha Dili de'it, ka liu porsentu 50.0 hosi total nasionál (Diresaun Jerál Estatistika 2010, 452-454).

Selesaun ne'ebé relativamente menus ba jornál hanesan fonte ida informasaun nian maka importante, liuliu tanba iha Dili, distribuisaun no asesu ba jornál ne'ebé boot liu duké distritu sira-seluk no mós iha kontestu ami-nia respondente sira levantamentu nian iha-ne'ebé porsentu 91.7 deklarara alfabetizasaun Tetun (porsentu 85.5 hateten sira 'hatene oinsá atu lee no hakerek', no porsentu 6.2 hateten sira hatene 'uitoan')⁹⁴ kompara ho taxa nasionál porsentu 56.1 (porsentu 80.9 área urbana, porsentu 44.6 área rural) (ibid, xvii). Entretantu, hanesan nota hosi Toome *et al*, ema balu karik halo 'deskonfiansa ba imprensa eskrita', tantu hosi dezakordu ho konteúdu, ka tanba 'konfiansa boot ba média iha-ne'ebé


[sira] bele haree oin ka rona lian hosi ema sira-ne'ebé halo komentáriu' (Toome *et al* 2012, 23).

Preferénsia ne'ebé ki'ik ba 'família' (porsentu 2.2) no 'kolega/viziñu (la'ós família)' (porsentu 1.7) nu'udar fonte informasaun kona-ba kestaun sira seguransa nian maka hetan surpresa hodi haree ba número informasaun ne'ebé mosu hodi pasa entre populasaun iha estrada no entre uma-uma, ka porezemplu iha transporte. Ida-ne'e bele hetan aumentu ba pergunta ne'ebé maka husu kona-ba seguransa iha comunidade populasaun nian. Hanesan pergunta sira relasiona ho seguransa iha Dili en-jerál liu, hafoin haree ba luan kapitál nian, ida-ne'e halo sentidu balu katak mídia sei hala'o papél ida importante hodi fó-hatene ba populasaun.

VII. HAREE BA FUTURU

Pergunta Tolunulu-resin-ida, Tolunulu-resin-haat no Tolunulu-resin-lima buka atu komprende sentidu futuru populasaun nian hodi haree ba problema sira ne'ebé maka hamosu krize 2006; tensaun sei persiste, inklui ba eleisaun 2012, no situasaun hanesan krize bele mosu tan? Rezultadu ruarua levantamentu no entrevista nian hatudu ligasaun ida ne'ebé klara entre opiniaun populasaun kona-ba futuru ne'ebé depende iha lideransa ne'ebé forte no unida. Iha fatin hotu-hotu, pergunta haat ne'e fó-sai persentajen aas liu hotu ba resposta netrál, posivelmente hatudu grau inserteza ka esitasaun kona-ba futuru.

Q31. TUIR ITA-BOOT NIA HANOIN PROBLEMA NE'EBÉ ULUK HALO KRIZE MOSU REZOLVE TIHA ONA KA LAE?



Pergunta Tolunulu-resin-ida husu populasaun karik sira hanoin katak problema sira ne'ebé hamosu krize rezolve tiha ona. Pergunta ida-ne'e fó-sai rezultadu ne'ebé kahur, la iha resposta ida únika ne'ebé rejista liu datoluk ida hosi total (porsentu 33.5 hatán 'Sin' no tuirmai porsentu 12.3 hatán 'Karik sin'). Total porsentu 21.7 sente problema sira 'Lae/La' rezolve, no porsentu 10.5 hanoin katak problema sira 'Karik Lae/La' rezolve. Maioria número hosi respondente hili 'Netrál' hanesan resposta (porsentu 17.1), enkuantu populasaun ho porsentu 4.9 la iha opiniaun.


Comoro maka fatin úniku ho rezultadu pozitivu ne'ebé liu porsentu 50.0 bainhira sura kumulativamente (porsentu 50.6 ho 'Karik sin' no 'Sin' hetan kombinasau). Ida-ne'e kondís ho persentajen ki'ik liu hotu hosi populasaun ne'ebé hatán ho negativu (porsentu 23.3). Enkuantu Lahane Oriental fó-sai persentajen aas liu hotu hosi respondente sira ne'ebé sente katak problema sira ne'ebé hamosu krize 'Lae/La' rezolve hodi kompara ho fatin haat sira-seluk (porsentu 30.0), nomós iha persentajen aas liu hotu kona-ba resposta positiva ba pergunta sira relasiona ho sira-nia sentimentu kona-ba seguransa nian iha sira-

nia comunidade no Dili, nomós karik populasaun sente seguru liu duké kompara ho tinan lima liubá (iha tempu krize 2006 nian).⁹⁵ Rezultadu hirak-ne'e sujere buat rua; dahuluk, sentidu kona-ba rezolusaun nian do'ok hosi uniforme; no daruak, iha fatin peskiza nian ida-idak, liuliu Lahane Oriental, respondente iha ona kbiit hodi mantein nivel estabilidade no reziliénsia ne'ebé bele kontein (ka hamenus) konflitu, maski ba ema barak iha tensaun sira hosi krize ne'ebé maka la rezolve.

Entrevista sira esplika liután kona-ba razaun balu hodi informa dalan oinsá respondente sira hatán ba levantamentu, ho estadu ne'ebé implika klean liu iha opiniaun populasaun nian karik problema sira hosi krize rezolve ona. Ba ema sira-ne'ebé fó resposta negativa, tema subjasente maka kona-ba persesaun impunidade relaciona krime sira ne'ebé maka komete iha 2006⁹⁶ no polítika assisténsia sosiál ne'ebé la justu (en-termus rejime subvensaun rekuperasaun bolsa Governu nian); porezemplu, uma sira la hadia maski halo ona rejistu no inspesaun.⁹⁷

En-jerál, resposta sira ba Pergunta Tolunulu-resin-lima maka negativa, ho porsentu 54.5 hosi resposta sira hatudu sira la hanoin krize hanesan 2006 sei bele akontese tan iha Dili (porsentu 35.7 hanoin 'Lae' no porsentu 18.8 hanoin 'Karik lae'). Entretantu, número signifikativu hosi respondente konkorda katak akontesimentu hanesan bele mosu fila-fali, ho porsentu 19.6 hosi populasaun hatán tantu 'Karik sin' ka 'Sin'. Dala ida tan, taxa relativamente aas hosi respondente sira ne'ebé 'Netrál' ba problema (porsentu 19.4), sujere difikuldade hodi halo previzaun oinsá sasán sira bele akontese iha futuru, enkuantu porsentu 6.6 la iha opiniaun.

Q35. ITA-BOOT HANOIN SITUASAUN HANESAN KRIZE 2006 ATU AKONTESE TAN IHA FUTURU KA LAE?




Rezidente sira iha Lahane Oriental hatudu nivel ki'ik liu hotu kona-ba resposta positiva ho porsentu 25.5 de'it hosi populasaun hatudu katak sira 'Sin' la hanoin krize hanesan 2006 sei bele akontese tan. Kompara ho resposta sira hosi Bairro Pite no Comoro ne'ebé signifikativamente aas liu (porsentu 42.1 no porsentu 44.0, tuituirmalu). Resposta netrál ne'ebé aas natoon iha Becora (porsentu 22.2) no Bemori (porsentu 23.9). Rezultadu rua-rua Lahane Oriental no Comoro nian ne'ebé konsistente ho Pergunta Tolunulu-resin-ida (diskute iha-leten)—iha-ne'ebé husu karik populasaun hanoin problema sira hosi krize rezolve tiha ona—iha-ne'ebé Lahane Oriental iha taxa aas liu hotu hosi respondente sira ne'ebé sente katak problema sira 'Lae/La' rezolve (porsentu 30.0), no Comoro iha persentajen akumulada aas liu hotu hosi populasaun ne'ebé sente katak problema sira rezolve tiha ona (porsentu 50.6). Ida-ne'e sujere katak ba ema balu, karik iha sentidu ligasaun entre saida maka seidauk rezolve, no oinsá problema sira-ne'e bele potensialmente asiona krize seluk.

Iha fatin hotu-hotu, resposta sira ba Pergunta Tolunulu-resin-tolu kona-ba Eleisaun Nasionál 2012 tuiirmai ne'ebé kahur tebetebes. Ida-ne'e fó-sai proporsaun aas ba resposta netrál (porsentu 22.3), no besik

katoluk ida hosi populasaun ne'ebé tuir levantamentu (porsentu 31.7) konkorda katak bele iha konflitu ho eleisaun sira tuirmai, ho porsentu 16.7 hateten definitivamente katak sei iha konflitu.

Q33. ITA-BOOT SENTE PROBLEMA SEI MOSU IHA ELEISAUN TINAN OIN MAI KA LAE?



Númeru aas liu uitoan hosi populasaun hatudu katak sira la fiar sei iha konflitu ba eleisaun (porsentu 21.3 hateten 'Lae'; porsentu 16.7 hateten 'Karik lae') no porsentu 8.9 hosi respondente sira la iha opiniaun.

Kuaze iha fatin hotu-hotu levantamentu nian, resposta neutrál sai porsaun rezultadu sira ne'ebé significativa, aas hanesan ho porsentu 24.4 iha Bairro Pite. Porsentu 16.5 de'it hosi rezidente sira ne'ebé tuir levantamentu iha Becora no porsentu 16.1 iha Lahane Oriental ne'ebé 'Lae/La' preokupa katak sei iha konflitu ho eleisaun sira iha tinan oin. Porsentu 21.1 seluk iha Lahane Oriental hateten sira 'Karik Lae/La' preokupa. Persentajen aas liu hotu hosi populasaun ne'ebé espresa katak sira ('Sin') preokupa kona-ba konflitu foun iha Comoro iha porsentu 19.0, entretantu ida-ne'e significativamente la aas liu duké kualkér fatin seluk ne'ebé hala'o levantamentu ba.

Maski tensaun iha preparativu ba eleisaun Prezidensiál iha 2012,⁹⁸ eleisaun hala'o relativamente iha dalan ne'ebé pasífika. Ida-ne'e tanba maioria hatudu 'vontade di'ak' ba públiku nian entre figura política sira (RSIS 2012, 2), kontráriu ho númeru aas ba ameasa no hahalok intimidasaun entre apoiante sira partidu polítiku nian iha eleisaun 2007 (Vyavaharkar 2009, 3). Sentimentu ida-ne'e refleta iha entrevista badak sira ne'ebé akompaña levantamentu ida-ne'e, ho resposta sira hanesan "*sei la iha konflitu bainhira lider sira prioritiza dezenvolvimentu nasionál*"⁹⁹ ka sei iha konflitu bainhira lider sira tuir de'it sira-nia política rasik no la "*serbisu hamutuk hodi lori nasaun ba pás.*"¹⁰⁰ Fatór seluk ne'ebé bele sai problema maka retirada UNMIT ne'ebé sei mai. Fó persesaun relativamente positiva kona-ba impaktu UNPOL nian ne'ebé diskute antes, rezultadu sira ne'ebé kahur bele refleta nivel apreensaun hosi respondente sira hodi konsidera retirada UNO nian sei tuir eleisaun sira.

"Ho lideransa firme, nasaun ida ne'e bele dezenvolve ho pás."

Respondente, Bemori


"[Pás] sei depende ba eleisaun sira ne'ebé sei mai. Eleisaun signifika planu no orsamentu foun ba dezenvolvimentu. Ami presiza atu dezenvolve ho pás, bainhira ita la iha pás maka ita la iha progresu"

Respondente, Comoro

Hatán ba Pergunta Tolunulu-resin-haat, en-jerál, maioria populasaun ne'ebé tuir levantamentu hanoin

katak Dili sei dezenvolve ho pasífika iha tinan lima oinmai, ho porsentu 66.2 hosi populasaun hatán tantu 'Karik sin' ka 'Sin'. Kontráriu, porsentu 11.1 de'it hosi populasaun la hanoin hanesan ne'e (porsentu 5.4 hanoin 'Lae' no porsentu 5.7 hanoin 'Karik lae'). Entretantu, persentajen aas liu hosi populasaun hatán ho Netrál (porsentu 18.6). Ida-ne'e sujere katak enkuantu maioria sólida hosi populasaun ne'ebé jeralmente pozitivu kona-ba futuru dezenvolvimentu Dili nian, povu sei kontinua kuidadu.¹⁰¹ Kuidadu ida-ne'e jeralmente diskute iha kontestu papél polítiku sira-nian, hanesan hatudu liuhosi sitasaun iha-okos.

Q34. ITA-BOOT HANOIN DILI ATU DEZENVOLVE HO PÁS DURANTE TINAN LIMA OIN MAI KA LAE?



"Iha ha'u-nia hanoin, [Dili sei dezenvolve ho pasífiku] bainhira de'it lider sira hakmatek maka populasaun mós sei hakmatek"
 Respondente, Bairro Pite

"Ida-ne'e depende ba Governu....bainhira ita la hada'u malu kadeira [pozisaun sira iha Governu nia laran] sira sei la soran populasaun no buat hotu-hotu sei la'ó di'ak, maibé bainhira sira hadau malu kadeira entaun populasaun sei han malu [baku malu]"
 Respondente, Bemori

"Ita presiza hodi haree ba lider polítiku sira no dalan ne'ebé maka sira uza hodi halo manipulasaun iha 2006. Karik ida-ne'e la akontese, dezenvolvimentu sei mosu tanba Governu foun sei bele tuur hamutuk no diskute kona-ba dezenvolvimentu"
 Respondente, Comoro

Entretantu iha fatin barak, sei iha minoria ki'ik significativa ba resposta 'Netrál' (porezemplu, liu uitoan porsentu 20.0 hosi rezidente sira iha Bairro Pite hatán ho Netrál). Entre fatin sira levantamentu nian, maizumenus iha variasaun ho de'it porsentu lima hosi ema sira-ne'ebé definitivamente hateten katak Dili sei dezenvolve ho pasífiku iha tinan lima oinmai; Ki'ik liu hotu maka Becora (porsentu 40.9) no aas liu hotu maka Lahane Oriental (porsentu 48.8). Porsentu 19.4 seluk hateten 'Karik sin', signifika katak porsentu 68.2 hosi populasaun iha Lahane Oriental mantein perspetiva pozitivu ba dezenvolvimentu futuru Dili nian. Ida parese kontradís uitoan ho rezultadu sira Lahane Oriental nian ba Pergunta Tolunulu-resin-Lima, iha-ne'ebé hatudu proporsau ki'ik liu hotu hosi respondente sira hodi kompara ho fatin levantamentu nian sira-seluk ne'ebé maka sente katak krize hanesan 2006 sei 'Lae/La' akontese tan (porsentu 25.5). Enkuantu ida-ne'e sujere katak otimizmu karik bele sai fatór ida oinsá maka populasaun balu hatán, sei parese sai nivel kuidadu nian iha avaliasaun ema balu nian kona-ba kondisaun pás no seguransa iha tempu oinmai nian iha kapitál.

VIII. KONKLUSAUN

Bazeia ba rezultadu sira levantamentu nian no akompaña ho entrevista sira, nune'e mós estudu resente liu ne'ebé hala'o dezde 2011, konklusaun hosi relatóriu ida-ne'e fornese sumáriu ida kona-ba rezultadu prinsipál iha-ne'ebé inklui komentáriu insiál sira kona-ba lakuna sira iha peskiza, tuirmai ho lista ketak ida kona-ba rekomendasaun sira peskiza nian.

Rezultadu prinsipál sira

- Maski seguransa en-jerál bele haree hetan iha ona melloria, tantu iha comunidade sira-nia leet nune'e mós iha Dili en-jerál liu, levantamentu hatudu katak ida-ne'e kontinua lahanesan ONA. Populasaun maioria hakarak atu fó sentidu ida ne'ebé pozitivu tebetebes kona-ba sira-nia comunidade en-termus seguransa no pás, maski resposta sira levantamentu nian kontinua identifika grupu populasaun ba ema-ne'ebé inseguransa kontinua haree momoos predominante. Presiza peskiza barak liután hodi identifika sé maka grupu populasaun hirak-ne'e, sirkunstánsia ka situasaun sira ne'ebé halo sira vulnerável ka susetível liu, kondisaun sira iha-ne'ebé deklarasaun sira kona-ba seguru la han malu ho realidade ne'ebé maka sente, no tansá; no bazeia ba ida-ne'e, oinsá polítika sira bele dezenvolve hodi hatán ba sira-nia vulnerabilidade no nesesidade en-termus seguransa.
- Iha Dili, seguransa balu reproduz hodi dezeña hamutuk sistema diferente governu nian iha jestaun konfliktu no inseguransa. Ida-ne'e bele haree iha dalan ne'ebé populasaun bolu atór no autoridade sira oiain iha rezolusaun disputa, no métodu sira iha-ne'ebé hirak-ne'e rezolve ne'ebé dezeña sistema jurídiku modernu (no mekanizmu protesau liuhosi polísia), nune'e mós liuhosi abordajen sira hodi envolve diálogu no mediasaun. Aleinde ne'e, iha Dili parese iha aumentu ida ba dependénsia (ka konfiansa) iha prezensa no resposta polísia nian nune'e mós iha kapasidade polísia nian hodi prevene ka impede violénsia aumenta tan. Área ida ne'ebé presiza análise ida klean liután, bele sai área preokupasaun nian ba ema sira-ne'ebé defende forma spesífika polisiamentu nian, maka taxa iha-ne'ebé resposta sira entrevista nian konsidera importánsia hosi 'manifestasaun forsa' hanesan fatór ida importante iha persesaun populasaun nian kona-ba dispozisaun seguransa nian.
- Hafoin krize, parese iha evidénsia kona-ba nível signifikativu reziliénsia sosiál iha nivel lokál, ida-ne'e prova liuhosi kapasidade ba comunidade sira atu hala'o papél ativu iha kriasaun sira-nia seguransa rasik. Reziliénsia ida-ne'e balu mai hosi pontu iha-leten kona-ba seguransa ne'ebé prodús iha nivel oiain, no ho nune'e, halo aprosimasaun ba setór seguransa no reforma polísia, nune'e mós mekanizmu sira kona-ba rezolusaun konfliktu tenke konsidera ida-ne'e. Aleinde ne'e, importánsia koezaun no integrasaun sosiál iha nivel comunidade nian la bele subestima hanesan fatór ida importante ne'ebé influencia nivel iha-ne'ebé indíviduu ka família karik sente ka la sente seguru iha sira-nia bairru.
- En-termus práttiku, estadu iha ona kapasidade estabelese fila-fali ninia an iha nivel ida ne'ebé la insignifikante, inklui liuhosi mekanizmu polísia nian. Enkuantu polísia bele dalabarak hetan kontestasaun iha dalan oiain, parese iha aseitasaun jeneralizada kona-ba polísia nu'udar parte hosi dispozisaun seguransa ho sociedade. Entretantu, hanesan temin iha kotuk, enkuantu ida-ne'e karik bele akontese iha Dili, ida-ne'e bele la sai deskrisaun ida ne'ebé apropiada liu kona-ba realidade área sira ne'ebé rural tebetebes iha-ne'ebé prezensa no rekursu polísia nian signifikativamente menus tebetebes. Hanesan hatudu sai hosi entrevistadu balu iha relatóriu ida-ne'e, eskuadra no ajente polísial dalabarak dook liu hosi comunidade populasaun nian, no tanba ne'e, nivel dispozisaun seguransa hosi polísia iha Dili tenke halo diferença ho ida-ne'ebé liur hosi sentru urbanu sira. Loos duni, resposta sira hatudu katak nivel aas liu hosi maioria populasaun sente seguru iha Dili tanba besik ba forsa seguransa nian.
- Enkuantu estadu iha aspetu balu bele haree mantein ka harii fila-fali ona nivel lejitimidade hafoin krize, iha nível iha-ne'ebé populasaun kontinua hetan avizu kona-ba sira-nia relasaun ho estadu iha dalan ne'ebé en-jerál liu. Ida-ne'e prova liuhosi resposta lubuk ida ba pergunta sira iha levantamentu

hotu-hotu, inklui relasiona ho relasaun populasaun nian ho lei, nune'e mós seksaun *Haree ba Futuru* no opiniaun sira kona-ba kapasidade estadu nian hodi garante seguransa no estabilidade iha tempu oinmai nian.

Rekomendasaun sira ba peskiza tempu oinmai nian

Hodi haree ba rezultadu prinsipál hirak-ne'e, relatóriu ida-ne'e propoin rekomendasaun sira tuirmai ba direasaun ba peskiza tempu oinmai nian relasiona ho dezenvolvimentu setór seguransa nian—nune'e mós natureza konflitu no violénsia boot liu—iha Timor-Leste. Integra iha rekomendasaun hotu-hotu tuirmai ne'e tenke sai foku kona-ba diferensa entre ambiente urbana no rurál sira, no oinsá atu jere peskiza no polítika tuirmai ne'ebé sei sai efikás tebetebes iha abordajen problema no karaterístika sira hosi kontestu rua ne'e:

- Peskiza tenke rekoñese kamada ba sosiedade, komprende katak kontestu istóriu sosiál no kulturál ne'ebé hala'o papél ida iha (i) reproduasaun kona-ba seguransa, (ii) persesaun kona-ba seguransa no (iii) forma sira reziliénsia sosiál nian hodi hasoru inseguransa no violénsia.
- Sei iha sala komprensaun kona-ba violénsia iha kontestu Timor-Leste nian, no ami rekomena kriaasaun baze ida ne'ebé kle'an liu ba komprensaun kona-ba kauza, estímulo, tipolojia, modalidade no subjetividade violénsia nian. Ida-ne'e imperativu ho objetivu hodi prodús iha konta detallada kona-ba oinsá no tansá violénsia porezemplu bele komprende, no rekoñese kamada ne'ebé susar ba konflitu no tensaun ne'ebé bele hamosu hahalok violénsia no tuirmai sentidu ida inseguransa.
- Relasiona ho pontu ne'ebé temin ona antes kona-ba vulnerabilidade, tenke hala'o liután peskiza atu hatene sé no tansá populasaun balu hetan nivel aas liu kona-ba violénsia no inseguransa. Liu hosi peskiza maka porezemplu foka kona-ba vulnerabilidade relasiona ho risku no inseguransa, ida-ne'e posível atu haluan komprensaun ba sé maka susetível liu ba violénsia no tansá, no ida-ne'ebé bele efetivamente izola hosi padraun reziliénsia no seguransa nian ne'ebé identifika ona iha relatóriu ida-ne'e. Análize jéneru kona-ba seguransa bele sai dalan ida atu atinji ida-ne'e, maibé sei la esplika ka fó ámbitu ida kompletu en-termus kona-ba tansá, bainhira no oinsá populasaun sente vulnerável, tantu violénsia familiár imediatu, ka forma violénsia sosiál sira-seluk. Tema sira-seluk ne'ebé karik bele inklui maka:
 - Prátika kulturál no norma sosiál;
 - Diferensa Urbanu no rurál;
 - Diferensa entre jersaun sira;
 - Sirkunstánsia sosiál no/ka ekonómika ne'ebé impata risku, nune'e mós;
 - Klase no edukasaun.
- Peskiza iha tempu oinmai kona-ba polisiamentu iha Timor-Leste sei foka iha kritéria no padraun sira kona-ba saida maka konstitui polisiamentu ne'ebé 'efikás' ne'ebé define lokalmente. Ida-ne'e mós signifika hodi haree prezensa loloos polisia nian to'o iha-ne'ebé, ne'ebé kontribui ba sentidu populasaun nian kona-ba seguransa iha sira-nia comunidade bazeia iha devér no kapasidade resposta polisia nian duké komprensaun ida katak prezensa polisia nian difikulta hahalok krime ka violénsia tanba tauk violénsia polisia nian. Aleinde ne'e, maski harii daudaun ona variável barabarak ne'ebé maka konstitutivu, kona-ba oinsá comunidade rezolve problema sira no sé maka sira hakbesik ba (problema 'boot' no 'kiik', ofensa 'sivil' no kriminál'), peskiza turimai, bazeia iha informasaun ida-ne'e, bele kontribui hodi haree autoridade oioin serbisu hamutuk iha rezolusaun disputa sira (halo diferensa entre kontestu urbanu no rurál). Ida-ne'e sei evolve mós hodi haree kle'an liután, oinsá direitu tradisionál aplika iha kontestu 'justisa ho nivel oioin', liuliu kona-ba valór no rezultadu sira, la'ós de'it rekoñesimentu uzu nian.

BIBLIOGRAFIA

7 Dezembru 2002 Joint Statement of Civil Society Organisations in Timor Lorosa'e 2002, *Never Sacrifice People for Political Ambition*, available via <http://www.easttimorlawandjusticebulletin.com/2008/12/unmiset-report-on-4-december-2002-civil.html>, haree ona 4 Setembru 2014.

Arnold, Matthew B. 2009, "'Who is my friend, who is my enemy?'" Youth and statebuilding in Timor-Leste', *International Peacekeeping*, 16(3): 379—392.

Belun 2009, *Reducing community tensions through housing*, Policy Brief, Dili.

Belun 2011, *Conflict Potential Analysis of Timor-Leste Trimester VI: October 2010 – January 2011*, Dili.

Belun 2013a, *Early Warning Early Response mapping system*, disponsivel husi <https://belun.crowdmap.com/reports/view/615>, haree ona 7 Juñu 2014.

Belun 2013b, *Effective use of Tara Bandu to prevent conflict in Timor-Leste*, Policy Brief no. 7, Dili.

Belun 2013d, *EWER Alert: Televised debate between Prime Minister Kay Rala Xanana Gusmao and Sr. Mauk Moruk*, Dili.

Belun 2013e, *Early Warning Early Response mapping system*, available via <https://belun.crowdmap.com/reports/view/1019>, haree ona 7 Juñu 2014.

Belun 2013f, *Early Warning Early Response mapping system*, available via <https://belun.crowdmap.com/reports/view/1075>, haree ona 7 Juñu 2014.

Belun 2014a, *Monitoring results: Parliamentary Resolution No° 5/2014: Against CRM & CPD-RDTL*, Dili.

Belun 2014b, *Dynamics of martial arts related conflict and violence in Timor-Leste*, Research Report, Dili.

Belun 2014c, *Conflict Potential Analysis of Timor-Leste Trimester XIV: Juñu – Setembru 2013*, Dili.

Benini, Aldo 2009, *Tracking violence in Timor-Leste: A sample of emergency room data, 2006—08*, Issue Brief N° 4, Timor-Leste Armed Violence assessment, Dili.

Bishop, Jo-Anne 2012, *The National Recovery Strategy: A review of the process, results and lessons learnt*, Democratic Republic of Timor-Leste, Dili.

Brady, Cynthia et al 2006, *The Crisis in Timor-Leste: Causes, Consequences and options for Conflict Management and Mitigation*, United States Agency for International Development (USAID), Dili.

Braithwaite, John, Hilary Charlesworth and Adérito Soares 2012, *Networked governance of tyranny and freedom: peace in Timor-Leste*, Australian National University, Canberra.

Brown, Anne M. 2013, *Timor-Leste Report: Addressing legitimacy issues in fragile post-conflict situations to advance conflict transformation and peacebuilding*, University of Queensland, Brisbane.

Bubandt, Nils 2005, 'Vernacular Security: The politics of feeling safe in global, national and local words', *Security Dialogue*, 36(3): 275-296.

Bugalski, Natalie 2010, *Post conflict housing reconstruction and the right to adequate housing in Timor-Leste: An analysis of the response to the crisis of 2006 and 2007*, Inclusive Development International, Calabasas.

Burgess, Patrick 2012, *Vulnerable groups and security in Timor-Leste: An overview*, The North South Institute, Ottawa.

Carapic, Jovana no Oliver Jütersonke 2012, *Understanding the tipping point of urban conflict: the case of Dili, Timor-Leste*, Working Paper N°4, Urban Tipping Point (University of Manchester), Manchester.

CDA Collaborative Learning Projects 2008, *Listening Project: Field Visit Report – Timor-Leste*, Dili.

Chopra, Tanja, Susan Pologruto and Timotio de Deus 2009, *Fostering justice in Timor-Leste: Rule of law program*

evaluation, United States Agency for International Development (USAID), Dili.

CHR (United Nations Commission on Human Rights) 1999, Report of the High Commissioner for Human Rights on the human rights situation in East Timor, E/CN.4/S-4/CRP.1 (17 September 1999), available via <http://undocs.org/E/CN.4/S-4/CRP.1>.

CHR (United Nations Commission on Human Rights) 2000, *Profiles in Displacement: East Timor: Report of the Representative of the Secretary-General on internally displaced persons, Mr. Francis M. Deng, to the Commission on Human Rights in accordance with Commission resolution 1999/2-4/1* of 27 September 1999, E/CN.4/2000/83/Add.3 (6 April 2000), dispoñivel husi <http://undocs.org/E/CN.4/2000/83>.

Dale, Pamela, Kristen Himelein, Denis Nikitin no Angie Bexley 2010, *Youth perspectives on Community, Trust, and Conflict*, Briefing Paper, 5(2), World Bank, Dili.

Devant, Sara Gonzalez 2008, *Displacement in the 2006 Dili Crisis: Dynamics of an ongoing conflict*, RSC Working Paper No. 45, Refugee Studies Centre, Oxford, University of Oxford.

Democratic Republic of Timor-Leste 2009, *Internal evaluation of Hamutuk Hari'i Futuru—lessons learnt and recommendations (draft)*, Dili.

Everett, Silas 2008, *Law and justice in East Timor: A survey of citizen awareness and attitudes regarding law and justice in East Timor*, The Asia Foundation, Dili.

Fundasaun Mahein 2014, *Fundasaun Mahein congratulates PNTL on the execution of the Parliamentary Resolution*, <http://www.fundasaunmahein.org/2014/03/18/fundasaun-mahein-kongratula-pntl-ih-a-ezekusaun-rezolutusaun-parlamentu-nasional/>, haree ona 7 Juñu 2014.

Galtung, Johan 1969, 'Violence, Peace and Peace Research', *Journal of Peace Research*, 6(3): 167-191.

Graydon, Carolyn 2005, 'Local justice systems in Timor-Leste: Washed up, or watch this space?', *Development Bulletin*, 68: 66—70.

Grenfell, Damian no Bronwyn Winch, 'Security across the local and national in Dili, Timor-Leste' in H. Loney (*et al*), *Understanding Timor-Leste*, Swinburne Press, Hawthorne, 2014.

Grenfell, Damian, Mayra Walsh, Anna Trembath, Carmenesa M. Noronha no Kym Holthouse 2009, *Understanding community: Security and sustainability in four aldeia in Timor-Leste* (Luha Oli, Nanu, Sarelari and Golgota), Globalism Research Centre (RMIT University), Melbourne.

Grenfell, Damian 2009, 'Reconciliation: Violence and Nation Formation in Timor-Leste' iha Grenfell, Damian no Paul James (eds), *Rethinking Insecurity, War and Violence*, Routledge, New York.

Grenfell, Laura 2006, 'Legal pluralism and the rule of law in Timor-Leste', *Leiden Journal of International Law*, 19: 305—337.

Goldsmith, Andrew 2009, "'It wasn't like normal policing": Voices of Australian police peacekeepers in Operation Serene, Timor-Leste 2006', *Policing and Society*, 19(2): 119—133.

Grove, Natalie, Kiera Zen, Eurosia Bucar, Luis M. C. Pereira, Geovana Fernandes no Noemia Amaral 2007, *Like stepping stones in the river: Youth perspectives on the crisis in Timor-Leste*, Plan Timor-Leste, Dili.

Guterres, Aurelio, Benjamin C. Real, Teresa Coelho, Fernando de Sousa Jr, Rui Marques no Pedro Gois 2014, *A country on the move: A profile of internal migration in Timor-Leste*, Research Report, The ACP Observatory on Migration.

Harrington, Andrew 2006, 'Ethnicity, violence, and land and property disputes in Timor-Leste', *East Timor Law Journal*, dispoñivel husi http://www.eastimorlawjournal.org/ARTICLES/2007/ethnicity_violence_land_property_, haree ona 4 Setembru 2014.

Harris, Vandra no Andrew Goldsmith 2012, 'Police in the development space: Australia's international police capacity builders', *Third World Quarterly*, 33(6): 1019—1036.

Harris-Rimmer, Susan 2009, *After the guns fall silent: sexual and gender-based violence in Timor-Leste*, Issue Brief N° 5, Timor-Leste Armed Violence assessment, Dili.

Hohe, Tanja & Rod Nixon 2003, *Reconciling Justice: 'Traditional Law' and State Judiciary in East Timor*, United States Institute of Peace.

International Crisis Group (ICG) 2006, *Resolving Timor-Leste's Crisis*, Asia Report N° 120, Brussels.

International Crisis Group (ICG) 2008, *Timor-Leste: Security Sector Reform*, Asia Report N° 1143, Brussels.

International Crisis Group (ICG) 2009, *Handing back responsibility to Timor-Leste's Police*, Asia Report N° 180, Brussels.

International Crisis Group (ICG) 2013, *Timor-Leste: Stability at what cost?*, Asia Report N° 246, Brussels.

Joliffe, Jill 2004, 'Fears for safety of ex-guerilla after protesters, police clash', *Sydney Morning Herald*, 7 August 2004, disponible en <http://www.smh.com.au/articles/2004/08/06/1091732093755.html?from=storylhs>, consulté le 4 septembre 2014.

Jütersonke, Oliver, Ryan Murray, Edward Rees, James Scambary 2010, *Urban violence in an urban village: A case study of Dili, Timor-Leste*, Working Paper, Geneva Declaration, Geneva.

Keta Haluha 2010, *Timor police ninja operation*, disponible en <http://globalvoicesonline.org/2010/03/15/timor-police-ninja-operation>, consulté le 7 juin 2014.

Kovar, Annika et Andrew Harrington 2013, *Breaking the cycle of domestic violence in Timor-Leste: Access to justice options, barriers and decision making processes in the context of legal pluralism*, Justice System Program (United Nations Development Programme Timor-Leste), Dili.

Lemay-Hébert, Nicolas 2009, 'UNPOL and police reform in Timor-Leste: Accomplishments and setbacks', *International Peacekeeping*, 16(3): 393—406.

Lothe, Elisabeth et Gordon Peake 2010, 'Addressing symptoms but not causes: stabilisation and humanitarian action in Timor-Leste', *Disasters*, 34(3): 427—443.

Maia, Vincent, Alex Cullen et Silas Everett 2012, *Trends of Local Governance in Timor-Leste: Suco Governance Performance Scale (SGPS)*, The Asia Foundation, Dili.

Marc, Alexandra, Alys M. Willman 2010, *Violence in the city: Understanding and supporting community responses to urban violence*, The World Bank, Washington.

Marriot, Andrew 2009, 'Leaders, Lawyers & Lia Nains: Sources of Legal Authority in Timor-Leste', Dili, Understanding Timor-Leste Conference Proceedings, Timor-Leste Studies Association.

Marx, Susan 2013, *Timor-Leste law and justice survey*, The Asia Foundation, Dili.

McAulliffe, Pdraig 2008, 'East Timor's Community Reconciliation Process as a model for legal pluralism in criminal justice', *Law, Social Justice & Global Development Journal*, 2: 1—21.

McGregor, Andrew, Laura Skeaff et Marianne Bevan 2012, 'Overcoming secularism? Catholic development geographies in Timor-Leste', *Third World Quarterly*, 33(6): 1129—1146.

Ministry of Finance (National Directorate of the Budget) 2008, *Budget Review*, Democratic Republic of Timor-Leste, Dili.

Ministry of Finance 2010(a), *Sensus fo Fila Fali: Bairro Pite*, Dili.

Ministry of Finance 2010(b), *Sensus fo Fila Fali: Comoro*, Dili.

Muggah, Robert et Emile LeBruen (eds) 2010, *Timor-Leste armed violence assessment final report*, Special Report, Small Arms Survey, Geneva.

Murdoch, Lindsay 2005, 'Dili on edge after church urges protest', *The Age*, 20 April 2005, disponible en <http://www.theage.com.au/news/World/Dili-on-edge-after-church-urges-protest/2005/04/19/1113854199053.html>,

hatee ona 4 Setembru 2014.

Myrntinen, Henri 2013, 'Phantom menaces: The politics of rumour, securitisation and masculine identities in the shadows of the ninjas', *The Asia Pacific Journal of Anthropology*, 14(5): 471—485.

National Statistics Directorate 2010, *Population and Housing Census of Timor-Leste: Volume 3 (Social and economic characteristics)*, Ministry of Finance, Dili.

Niner, Sara 2012, 'Barlake: an exploration of marriage practices and issues of women's status in Timor-Leste', *Local Global: Traversing customary community and modern nation formation in Timor-Leste*, 11: 133—153.

Pigou, Piers 2003, *Crying without tears: In pursuit of justice and reconciliation in Timor-Leste: Community perspectives and expectations*, Occasional Paper Series, International Center for Transitional Justice.

Pinto, Julio T. 2003, *A secure future: A focus group report on public attitudes regarding the defence and security of East Timor*, Universidade de Dili, Dili.

Radio Televizaun Timor-Leste 2010, *Dissident political parties accused of involvement in ninja crime in Timor-Leste*, 10 Feveireu 2010, disponivel husi <http://www.easttimorlawandjusticebulletin.com/2010/02/dissident-political-parties-accused-of.html>, hatee ona 20 Maiu 2014.

Rees, Edward 2004, *Under Pressure: Falintil – Forças de Defesa de Timor Leste: Three Decades of Defence Force Development in Timor-Leste 1975-2004*, Working Paper N° 139, Geneva, Geneva Centre for the Democratic Control of Armed Forces (DCAF).

República Democrática de Timor-Leste 2011, PNTL: From 2000 to 2011, Komunikadu imprensa 11 Maiu 2011, disponivel husi <http://timor-leste.gov.tl/?p=5001&lang=en>, hatee ona 22 Maiu 2014.

Robinson Geoffrey 2003, East Timor 1999: *Crimes Against Humanity*, (A report commissioned by the United Nations Office of the High Commissioner for Human Rights OHCHR), University of California, Los Angeles.

S. Rajaratnam School of International Studies (RSIS) no The Asia Foundation 2012, *Timor-Leste celebrates a decade of independence*, Policy Report, Singapore.

Scambary, James 2009, *Groups, gangs, and armed conflict in Timor-Leste* Issue Brief N° 2, Timor-Leste Armed Violence assessment, Dili.

Scambary, James 2013, 'Conflict and resilience in an urban squatter settlement in Dili, East Timor', *Urban Studies*, 50(10): 1935—1950.

Suara Timor Lorosa'e 2010, *Timor Police say a new coup plot from CPD-RDTL and Bua Malus*, 1 Marsu 2010, disponivel husi <http://www.easttimorlawandjusticebulletin.com/2010/03/timor-police-say-new-coup-plot-from-cpd.html>, hatee ona 20 Maiu 2014.

Svoboda, Eva no Eleanor Davey 2013, *Police, protection and coordination in Timor-Leste*, HPG Working Paper, Search for Common Ground, Dili.

Taft, Angela no Lyndsey Watson 2013, *Secondary analysis of the 2009—10 Demographic Health Survey Final Report*, GRM International.

The Asia Foundation 2004, *Law and justice in East Timor: A survey of citizen awareness and attitudes regarding law and justice in East Timor*, Dili.

The Centre for International Governance Innovation (CIGI) 2009, *Timor-Leste: Security Sector Reform Monitor N° 1*, Waterloo.

The Centre of Studies for Peace and Development (CEPAD) 2010, *Timor-Leste: Voices and paths to peace*, Dili.

Toome, Emily, Damian Grenfell and Kathryn Higgins 2012, *Local perspectives on political decision-making in Timor-Leste: A short report on the 2007 Presidential and Parliamentary Elections in Dili and Venilale*, Globalism Research Centre (RMIT University), Melbourne.

Trembath, Anna, Damian Grenfell no Carmenesa M. Noronha 2010, *Impacts of NGO gender programming in*

local communities in Timor-Leste: A collaborative research and evaluation report, Globalism Research Centre (RMIT University), Melbourne.

Trindade, Josh no Bryant Castro 2007, *Rethinking Timorese identity as a peacebuilding strategy: The Lorosa'e—Loromonu conflict from a customary perspective*, Technical Assistance to the National Dialogue Process, European Union's Rapid Reaction Mechanism Programme, Dili.

TVTL 2013, *L-7 asks Xanana and Mauk Moruk not to provoke each other because we don't want anything to happen like the 2006 crisis* ("L-7 husu Xanana ho Mauk Moruk labele provoka malu tanba lakohi mosu hanesan krizi 2006"), disponivel husi <http://www.timorhauaniandoben.com/2013/12/l-7-husu-xanana-ho-mauk-moruk-labele.html>, haree ona 11 Marsu 2014.

United Nations 2004, *Progress Report of the Secretary-General on the United Nations Mission of Support in East Timor* (ba periodu husi 29 Abril to'o 13 Agostu 2004), S/2004/669 (13 Agostu 2014), disponivel husi <http://undocs.org/S/2004/669>.

United Nations 2005, *End of mandate report of the Secretary-General on the United Nations Mission of Support in East Timor* (fba periodu husi 17 Fevereiru to'o 11 Maiu 2005), S/2005/310 (12 Maiu 2005), disponivel husi <http://undocs.org/S/2005/310> .

United Nations 2006, *Report of the United Nations Independent Special Commission of Inquiry for Timor-Leste*, Geneva, United Nations.

United Nations 2008, *Report of the Secretary General on the United Nations Integrated Mission in Timor-Leste* (ba periodu husi 8 Janeiru to'o 8 Julu 2008), S/2008/50 (29 July 2008), disponivel husi <http://undocs.org/S/2008/501>.

United Nations 2009, *Report of the Secretary General on the United Nations Integrated Mission in Timor-Leste* (ba periodu husi 9 Julu 2008 to'o 8 Janeiru 2009), S/2009/72 (4 February 2009), disponivel husi <http://undocs.org/S/2009/72>.

United Nations Department of Public Information 2012, *Fact Sheet: United Nations Integrated Mission in Timor-Leste completes its mandate*, disponivel husi http://www.un.org/en/peacekeeping/missions/past/unmit/documents/unmit_fact_sheet_11dec2012_2.pdf, viewed 22 May 2014.

United Nations High Commissioner for Human Rights (UNHCR) and United Nations Integrated Mission in Timor-Leste (UNMIT) 2008, *Report on human rights developments in Timor-Leste: The security sector and access to justice: 1 September 2007—30 June 2008*, New York.

United Nations Mission of Support in East Timor (UNMISSET) 2003, *Executive Summary of investigations of police response to the riots on 4 December 2002*, UNMISSET, Dili.

Van der Auweraert, Peter 2012, *Ending the 2006 internal displacement crisis in Timor-Leste: Between humanitarian aid and transitional justice*, IOM Migration Research Series N°44, International Organization of Migration, Geneva.

Vyavaharkar, Sunita 2009, *Electoral violence in Timor-Leste: Mapping incidents and responses*, Issue Brief N° 3, Timor-Leste Armed Violence assessment, Dili.

Wallis, Joanna 2014, *Constitution Making during State Building*, New York, Cambridge University Press.

Wassel, Todd 2014, *Institutionalising community policing in Timor-Leste: Police development in Asia's youngest country*, The Asia Foundation and Overseas Development Institute, Dili.

Wassel, Todd no Gobie Rajalingam 2014, *A Survey of Community-Police Perceptions in Timor-Leste 2013*, The Asia Foundation, Dili.

Wassel, Todd 2014, *Timor-Leste: Links between Peacebuilding, Conflict Prevention and Durable Solutions to Displacement*, Brookings, Washington.

Wilson, Bu. V. E. 2009, *The exception becomes the norm in Timor-Leste: The draft national security laws and the continuing role of the joint command*, Issue Paper N° 11, Centre for International Governance and Justice (Australian National University), Canberra.

NOTA-ROHAN SIRA

1. Iha loron sira hafoin avizu rezultadu votasaun ba independénsia nian, violénsia iha kapitál inklui: intimidasaun no oho ema sivíl lahó kilat; sunu uma; rekrutamentu foinsa'e mane sira hodi tama milísia liuhosi koasaun, asédiu ka subornU, dezlokamentu forsadu no dezaparesimentu ema; estupru no asédiu seksuál hasoru fetu hosi militar no milísia indonézia nian; no intimidasaun, ameasa no agresau hasoru jornalista no traballadór umanitariu internasionál. Milísia no soldadu sira-nia alvu maka apoiante pro-independénsia (inklui lider komunitáriu, padre, madre, estudante no ativista sira), halo reprezália no oho ema barak nune'e mós ezekusaun públika. Milísia halo atake ba kampu IDP sira nune'e mós igreja, eskola no uma mahon ba dezlokadu sira. Relata mós kona-ba apoiante pro-independénsia sira ne'ebé hetan agresau hafoin tama iha Timor Loromonu. Ema rihun ba rihun hamahon an iha resintu UNAMET no Komité Krús Vermella Internasionál (ICRC) enkuantu milísia mane ho kilat halo agresau no tiru iha públiku ema sivíl lokál, funksionáriu espatriadu no karreta ONU nian. Detalle liután, hree Seksaun III kona-ba *Report of the High Commission for Human Rights on the human rights situation in East Timor*.
2. Populasaun besik 240,000 halai lakon, iha kazu barak realoka ho forsa ba Timor Loromonu ka parte sira-seluk Indonézia nian. Dokumentu sira ne'ebé hetan fó-sai planu no preparasaun avansada hosi militar Indonézia hodi lori-sai ema 250,000 ba Timor Loromonu (CHR 2000, 5-6).
3. 4 Dezembru 2002: runguranga mosu iha fatin 10 diferente iha Dili (Kuartél-Jerál Polísia, Palásiu Governu no Edifísiu Parlamentu Nasionál, área Comoro, Kampu Demokrásia) envolve lelan no sunu, inklui uma Primeiru-Ministru Alkatiri nian (UNMISSET 2003, 10) hafoin polísia la hala'o dí'ak detensaun ba estudante ida iha loron antes. Protestu sira-ne'e sai antagonizmu ne'ebé luan hasoru Governu, hakilar akuzasaun kona-ba eis milísia anti-independénsia iha forsa polísia ninia laran, husu responsabilidade Governu nian ba kazu oho estudante 'funu-na'in liberdade' no ba rezignasaun Alkatiri nian. (ICG 2006, 5; 7 Dezembru Deklarasaun Konjunta Organizasaun Sosiedade Sivíl nian iha Timor Lorosa'e liuhosi Boletin Lei no Justisa Timor-Leste nian).
4. Iha tinan 2001 nia rohan, aumentu númeru organizasaun veteranu sira-nian hahú atu harii, hala'o dezfile no formasaun no 'dalabarak hamosu perturbasaun iha Dili no sentru urbanu sira-seluk', kontribui iha parte ba disizaun hodi harii Sekretáriu Estadu ba Asuntu sira Veteranu nian (ICG 2008, 19-20; Wallis 2014, 133). Iha 19 Julu 2004, besik ema 120 (Uniaun Nasionál Ema Rezisténsia no Veteranu sira-nian ne'ebé foin lalais harii (Joliffe 2004) lidera hosi Cornelio Gama 'L-7' (Sagrada Familia) halo protestu públiku ida iha Palásiu Governu nian iha Dili, hetan frustrasaun tanba persesaun kona-ba falta rekoñesimentu ba veteranu no alokasaun benefísiu materiál sira. Protestu kontinua ba iha loron tuirmai, iha-ne'ebé ajente polísia sira uza gás lakrimojéneu atu hapara ema barak (UNMISSET 2004, 2). Enkuantu estímulo ba protestu nian bele hree hetan hanesan apresentasaun Prezidente Xanana Gusmão nian foin lalais ne'e kona-ba Relatóriu Komisaun Veteranu nian (hasoru polítika kona-ba identifikasaun, rekoñesimentu no benefísiu materiál sira), protestu ne'ebé bele hree mós hanesan iha relasaun ho aumentu demisaun ofisiál sira F-FDTL nian dezde Dezembru 2003 (soldadu 27) no 42 seluk iha Janeiro 2004 ne'ebé halo ona alegasaun kona-ba deskriminasaun (Rees 2004, 32; Wallis 2014, 133-34). Loos duni, sinál kona-ba tensaun entre PNTL no F-FDTL hree hetan momoos tebes iha momentu ida-ne'e, ida-ne'e aumenta sai aat ho aumentu alokasaun rekursu ba forsa especializada foun sira iha PNTL nia laran. Iha 14 Janeiro 2004, Alkatiri hateten katak ema sira-ne'ebé protesta desizaun Governu nian hodi fornese ekipamentu ba forsa spesiál polísia nian tenke sai hosi forsa (Rees 2004, 19).
5. Deklarasaun públika ne'ebé hala'o hosi Bispu Baucau no Dili iha 2008, kritika proposta Konsellu-Ministru nian atu dezhigna ensinu relijiozu nu'udar dixiplina fakultativa iha eskola primária balu provoka debate maka'as, ne'ebé rezulta iha manifestasaun públika hosi ema rihun lubuk ida iha Palásiu Governu nian oin ih Dili iha 19 Abril, durante loron 20 (UN 2005, 2). Estrada barak iha Dili hetan blokeia hosi polísia tenta hodi hapara kamiñaun barak liután ne'ebé lori manifestante sira hosi Batugade (Bobonaro) ba Dili hodi partisipa iha manifestasaun (Murdoch 2005).
6. 9 Janeiro 2006: Lidera hosi Gascao Salsinha, soldadu F-FDTL 158 asina petisaun ne'ebé alega jestaun la dí'ak no diskriminasaun iha F-FDTL nia laran (ICG 2006, 6-7). Iha 3 Feveireiru, petisionáriu sira-ne'e abandona sira-nia kuartél (United Nations 2006, 21). Iha 8 Feveireiru petisionáriu 418 seluk halo marsa iha Palásiu Sinza (ibid, 21) no iha 16 Marsu, Brigadeiru-Jenerál Taur Matan Ruak (ho apoiu Primeiru-Ministru nian) anuncia desmisaun soldadu 594 (ibid, 21).
7. Ema sivíl na'in-rua mate, no na'in-haat hetan kanek todan tanba hetan tiru, no na'in-rua siras-seluk hetan kanek todan iha Palásiu Governu nian oin. Fatin sira-seluk inklui Merkadu Comoro Market (na'in-ida mate, na'in-sanulu-resin-ida hetan kanek todan); área operasionál F-FDTL nian iha Tasi Tolu (na'in-rua mate, na'in-lima hetan kanek todan tanba hetan tiru); tiru iha Mercado Lama (na'in-ida mate, na'in-rua kanek) (United Nations 2006, 5-7).
8. 3 Maiu: Majór Alfredo Reinado no ofisiál polísia militar sira-seluk abandona sira-nia pontu F-FDTL nian, partisipa iha ofisiál PNTL balu, no hasoru-malu ho petisionáriu sira-seluk iha Gleno (distritu Ermera) (ibid, 29). Majór Augusto Tara de Araujo abandona F-FDTL iha 4 Maiu no lidera 'movimentu Distritu 10' (distritu 10 loromonu nian) hodi boikota Governu (ibid, 30).
9. Uma Brigadeiru-Jenerál nian hetan atake iha 24 Maiu, oho ema na'in-ida no hakanek na'in-rua (ibid, 32); iha 25 Maiu Ministru Rogerio Lobato nia banin nia uma hetan sunu no ema na'in-neen mate (ibid, 7, 39).
10. Komisaun Inkéritu Independete ONU nian ba krize 2006 rejista insidente sira tuirmai (ibid, 30-38): PNTL UIR (Unidade Intervensau Rápida) ofisiál sira hetan obriga ho forsa hodi hamohon an iha Edifísiu Administrasaun Distritu nian hafoin ema barak ho katana, tudik no fatuk hodi hale'u sira (inklui petisionáriu sira) (8 Maiu iha Gleno, Ermera); F-FDTL na'in-sia hosi Batallaun dahuluk nian hetan emboskada hosi membru sira grupu Reinadu nian (23 Maiu iha Fatu Ahi, Aileu); soldadu F-FDTL na'in-ualu halo patrulla iha foho Tasi Tolu no Tibar hetan atake hosi ajente polísia hosi distritu Liquiça no ema sivíl armadu Rai Los nian (24 Maiu); grupu hanesan hosi ajente polísia hosi distritu Liquiça no membru armadu Rai Los nian ataka pelotaun patrulla rua F-FDTL nian iha fatin ne'ebé hanesan; liu ema 200 hosi ajente PNTL no ema sivíl ne'ebé hetan armamentu hosi ierarkia F-FDTL nian ne'ebé muda ba fatin oioin iha Dili hodi hatán ba persesaun ameasa hosi F-FDTL ba PNTL (24 Maiu kalan); konvoi karreta PNTL nian iha Loja Leader nia oin iha Comoro hetan emboskada hosi kamiñaun rua ne'ebé tula soldadu F-FDTL nian no ema sivíl armadu no tiru, oras ida depois F-FDTL husik granada rua hasoru ajente polisiál, kona edifísiu PNTL nian no jinásiu universidade ne'ebé besik (25 Maiu dadeersan); Polísia Militar blokeia estrada iha Maiu 25 dadeersan (jere hosi Oan Kiak, soldadu eis-Falintil, no ninia ema sira) ho objetivu atu tahan ajente polísia sira ne'ebé armadu.

11. Ema na'in-neen mate, na'in-27 hetan kanek todan tanba hetan tiru ho kilat (ibid, 7).
12. 8 Maiu 2006: Primeiru-Ministru Alkatiri, Ministru Interiór Rogerio Lobato no Vicente da Conceição (Rai Los – soldadu eis -Falintil) hasoru-malu hodi diskute apoiu ema sivil nian ba PNTL. Tuirmai entrega kilat semi-automátiku HK33 ba Rai Los iha Liquiça (kilat 10, kartús munisaun 6,000) no Lima Lima '5-5' iha Ermera (kilat 5, mala munisaun nian ida). Rai Los simu kilat HK33 ualu seluk iha 21 Maiu. Maski fofoun distribui (legalmente) ba ajente UPF (Patrulla Fronteira), membru UPF sira lorosa'e nian hetan dezarma ho objetivu atu Rai Los no Lima Lima simu kilat hirak-ne'e (ibid, 38-39). Iha 24 Maiu, ho orden hosi Brigadeiru-Jenerál Taur Matan Ruak, F-FDTL hahú fó kilat ba ema sivil sira (autoriza hosi Ministru Defeza Rodrigues nian). Rejistu kona-ba kilat apresenta emisaun ba ema sivil 205 – ida-ne'e inklui funu-na'in eis-Falintil no ajente PNTL 64 (ibid, 39; ICG 2006, 12).
13. Governu halo pedidu formál ida iha 25 Maiu 2006 ba Governu Austrália, Portugal, Malázia no Zelândia Foun ba assisténsia, ho tropa Australiana 100 ne'ebé to'o ba dala uluk (ICG 2006, 12). ISF kompostu hosi tropa Australianu 925, Malázia 219 no Zelândia Foun 142 (ICG 2008, 5).
14. Violénsia la'ós de'it fragmentasaun forsa militar no polisiál maibé mós 'konfrontasaun bairru sira iha Dili (no sira-nia grupu foinsa'e nian) hodi hasoru malu' (Carapic & Jütersonke 2012, 13).
15. 'Dili serve hanesan fatin prinsipál iha-ne'ebé grupu hirak-ne'e kahur-malu no tuirmai kompete iha merkadu, kona-ba rai, no ba podér polítiku' (Jütersonke et al 2010, 19).
16. Lei N°1/2008 Autoriza Prezidente Repúblika hodi deklarar Estadu Sítu (11 Feveireiru 2008), kontinua ho: Lei N°2/2008 Autoriza Prezidente Repúblika hodi hafoun fila-fali Deklarasaun Estadu Sítu (13 Feveireiru 2008); Lei N°3/2008 Kona-ba regulamentu Estadu Sítu no Emerjénsia nian (22 Feveireiru 2008); Lei N°4/2008 Autoriza Prezidente Repúblika hodi hafoun fila-fali deklarasaun Estadu Sítu (22 Feveireiru) no Lei N°5/2008 Autoriza Prezidente Repúblika hodi hafoun fila-fali deklarasaun Estadu Sítu iha distritu Aileu, Ermera, Bobonaro, Cova Lima, Ainaro, Liquica no Manufahi, no hodi deklarar estadu emerjénsia iha distritu Baucau, Lautem, Manatuto, Viqueque no Dili (20 Marsu 2008).
17. Relatóriu Avaliasaun Violénsia Armada Timor-Leste nian (TLAVA 2009, 2010) diskute potensiál konfliktu ba prosesu reintegrasaun IDP, liuliu presaan hodi kompleta lalais prosesu signifika katak la'ós IDP hotu-hotu aseita hodi fila-fali ba iha comunidade nia leet, no mós governu tenta hodi fasilita diálogu entre grupu-bandidu no grupu armadu sira no sira-nia negosiasaun ho petisionáriu sira (Scambary 2009, 5-6; Muggah & LeBrun 2010, 27-29).
18. PNTL hahú hodi asume fila-fali responsabilidade ba seguransa interna país nian iha 2009 hahú iha distritu Lautem, tuir ho Oecusse no tuirmai Manatuto. Iha 27 Marsu 2011, transferénsia totál podér ezekutivu entrega hosi UNPOL ba PNTL iha Dili, marka mós aniversáriu da-11 forsa polisia nasional nian (Komunikadu ba Imprensa RDTL nian 11 Maiu 2011: 'PNTL Hosi 2000 ba 2011'). Haree mós Fixa Informativa UNMIT nian (2012) Misaun Integradada Nasoins Unidas nian iha Timor-Leste kompleta ninia mandatu.
19. Iha 24 Setembru kalan, asaltante na'in-rua tula-malu liuhosi bairru Kampung Alor no Fatuhada sona populasaun taka matan, hakanek ema na'in-rua no oho na'in-ida (Belun 2013; Suara Timor Lorosa'e 25 Setembru 2013). Durante oras 48 tuirmai, atór seguransa nasional koordena sira-nia esforsu iha Dili laran tomak [Batallaun Orden Públika (BOP), Polisia Militar (PM), F-FDTL no PNTL]; harii checkpoint (postu seguransa) iha kapitál laran tomak, no PNTL hasoru-malu ho meus komunikaun nune'e mós xefe-suku sira, divulga informasaun ba comunidade (Belun 2013). Iha semana sira tuirmai, iha fluku estável relatóriu ne'ebé sirkula kona-ba atake seluk iha sentidu hanesan, taka-matan, sona laho provokasaun, no ida-ne'e susar atu determina loloos vítima na'in hira.
20. Suku maka divizaun administrativa sistema governasaun estadu Timor-Leste nian, kompostu hosi aldeia lubuk ida, no nu'udar 'entidade governu lokal nian ne'ebé importante ba maioria sidadeun Timoroan kona-ba relevánsia ba impaktu sustentu loroloron nian' (Maia et al 2012, 8). Maski nein sempre estritamente hanesan kazu iha sidade Dili, suku maka tradisionalmente harii durante liña jenealójika, entretantu fronteira jeoráfika iha tendénsia muda no dalaruma bele la klaru, mezmua ba rezidente sira rasik.
21. Haree porezemplu Galtung (1969, 167), ema ne'ebé refere ba pás hanesan 'la iha (ameasa) violénsia'. Abordajen ida-ne'ebé luan no olistika tebetebes hodi define no komprende seguransa, ne'ebé konsidera kontestu sosiál, istóriu no kulturál ema ka grupu nian, ne'ebé kapta dí'ak hosi Bubandt (2005, 277) iha-ne'ebé nia ko'alia kona-ba 'inserteza ontolójika' [iha seguransa]. Nia define inserteza ida-ne'e hanesan 'ansiedade ne'ebé harii sosialmente ne'ebé enkuadra tipu pertinente perigu, tauk no preokupasaun sira ba comunidade ida determinada iha tempu ida determinada. Inserteza maka ontolójika tanba 'ida-ne'e karaterística ezistensial kondisaun ema nian; no ida-ne'e sosialmente sempre espresa tanba sociedade diferente iha dalan diferente hodi prodús ida-ne'e sosialmente, retrata ida-ne'e diskursivamente, representa ida-ne'e simbolikamente no jere ida-ne'e politikamente'.
22. Enkuantu ida-ne'e kontinua iha pontu peskiza nia laran, ami iha opiniaun katak iha forma uma lulik sira iha Dili. Ida-ne'e bele, hanesan bele mosu iha área rural sira, uma lulik sira iha Dili harii uza materiál modernu, ho nune'e, la fásil atu ema liur sira nota. Alein ida-ne'e, haree mós sentralidade prátika tradisionál ba vida sosiál iha Timor-Leste, loos duni, ami la defende hahú análise ho prezunsaun katak prátika no fiar tradisionál oinsá mós la iha efeitu ka influensia ruma iha kapitál.
23. Hohe no Nixon (2003, 16) deskreve lisan hanesan lei esensial ne'ebé 'kompostu buat hotu-hotu ne'ebé maka 'tuan' no hanesan eransa hosi bei'ala sira'. Entretantu ita haree katak dalabarak lisan komprende no deskreve iha komprensasaun sistema jurídiku sentrál-osidental nian no portantu termu 'lei tradisionál' haree hanesan sinonimu ho lisan, ka uza bainhira ko'alia kona-ba lisan. Utilizasaun termu 'lisan' refere liu ba 'orden' fó hosi bei'ala sira, no hahalok sala relasiona ho estrutura sósiu-kósmika ne'ebé luan liu duké kontestu osidental nian kona-ba 'krime'(Hohe & Nixon 2003, 16). Iha sentidu ida-ne'e, lisan ne'e ho forma ne'ebé luan tebetebes atu garante no regula armonia no orden iha sentidu sósiu-kósmika nian, diferente hosi paradigma sistema jurídiku osidental. Tuir ideia lisan nian representa kozmu sosiál ne'ebé luan liu, Hicks hakerek katak termu ne'e refere ba 'valór, fiar, ideia, konseitu, lei tradisionál no protokolu sira ne'ebé relasiona ho parentesku no kazamentu, rituál no nosaun kozmolójika; loos duni, pratikamente aspetu hotu-hotu sosiedade no kultura nian' (Hicks 2012, 135).
24. Trindade define lulik hanesan 'kozmu espirituál' ne'ebé inklui mundu natural no fizika nune'e mós espíritu no bei'ala, no sai regra no regulamentu 'sagrada', espésie 'padraun morál' ka búsula ne'ebé determina relasaun entre ema no natureza (Trindade 2011, 1).
25. Dala ida tan, ezemplu hirak-ne'e identifika manifestaun sira ne'ebé evidente liu kona-ba saida maka ita bolu

'tradisaun' iha-ne'e, no hanesan Hohe no Nixon salienta, 'aspetu sósiu-kultural hotu-hotu 'tradisional' sociedade nian maka interdependente,' iha-ne'ebé kualkér aspetu, hanesan, lei, parentesku ka sistema fiar nian la bele foti hosi sistema sósiu-kózmika tomak hodi la hasai hosi kontestu' (Hohe & Nixon 2003, 12).

26. Guarda no intérpreter sira kozmolojia indijena timoroan nian ne'ebé negosia relasaun entre ema, comunidade no meu-ambiente (bele haree no la bele haree) (Marriot 2009, 160).

27. Grupu-bandidu no grupu arte marsial sira 'define ona territóriu ka turfa sira' bahat entre sira iha-ne'ebé konstitui zona proibida, la'ós de'it ba membru sira grupu oponente nian maibé mós sira-nia membru família sira ... tau grau restrisaun ida ne'ebé significativu ba mobilidade pública (Jütersonke et al 2010, 50). Entretantu, kontráriu, grupu arte marsial no 'grupu-bandidu iha eskina sira' sai mós fornecedor seguransa informál bazeia iha comunidade (Carapic & Jütersonke 2012, 39), dalabarak ida-idak proteje ninia comunidade (Scambary 2009, 1).

28. Scambary (2013, 1938) deskreve prátika ida-ne'e hanesan família ida de'it harii baze ida iha-ne'ebé 'patrosina' no atua hanesan 'entrepostu komunikaun' ida ba membru família estendida hosi suku orijin nian.

29. Guterres et al (2014, 27) relasiona ho lasu familiár maka konsidera hanesan importante tebetebes ba padraun migrasaun Timor-Leste nian. Uza dadus sensus 2010 ne'ebé atuál liu, sira hateten katak rezidente sira-ne'ebé halo ona migrasaun ba distritu Dili, porsentu 43.0 hateten katak sira halo ida-ne'e tanba razaun família nian (tuir família ka tanba kazamentu).

30. Foinsa'e mane na'in-rua iha Golgota (Dom Alexio, Dili) hateten katak sira la ta'uk iha sira-nia comunidade tanba sira koñese no sai amigu ho sira-nia viziñu sira, tanba ne'e, la iha problema ruma maka mosu. Bainhira husu tan tanba saida maka ida-ne'e akontese, resposta maka 'tanba...ami hotu mai hosi Ermera' (Grenfell et al 2009).

31. Iha estudu seluk, diskusaun grupu fokál nian hatudu relatóriu elevadu kona-ba trauma psikolójiku no emosional, ta'uk, depresaun no ansiedade kona-ba seguransa ema nian, futuro no seguransa ema ne'ebé maka nia hadomi, haree hanesan kontráriu ho resposta pozitiva relasiona ho persesaun kona-ba seguransa ne'ebé halibur liuhosi levantamentu. Autór sira hosi relatóriu ida-ne'e nian la hakfodak ho ida-ne'e, 'haree ba dalan métodu grupu fokál nian fó-sai esperiénsia sosial iha forma ne'ebé súbtíl liu duké levantamentu uma-kain nian' (Jütersonke et al 2010, 41).

32. Kontráriu, levantamentu ikus Fundasaun Ázian (TAF) nian kona-ba seguransa husu pergunta 'oinsá ita-boot preokupa ho ita-boot nia seguransa iha ita-boot nia lokalidade?' Iha-ne'ebé Dili rejista persentajen ne'ebé aas liu hotu hosi populasaun ne'ebé 'preokupadu tebes' (porsentu 29.6) (Wassel & Rajalingam 2014, 27). Ida-ne'e bele argumenta katak resposta pozitiva kondisiona ka influencia hosi pergunta sira ne'ebé enkuadra iha forma negativa, no vise-versa ba pergunta sira ne'ebé enkuadra iha forma pozitivu liu. Diferente prinsipál seluk hodi nota maka relatóriu ida-ne'e uza dadus hosi parcela suku lima nian de'it, no tanba ne'e la bele konsidera hanesan reprezenta luan liu suku ne'e rasik, nein distritu Dili en-jerál.

33. Relatóriu World Bank 2010 nian kona-ba komprensaun no apoiu resposta sira comunidade nian ba violénsia urbana (estudu kazu Dili nian) hetan katak besik porsentu 90 hosi respondente hateten katak sira-nia comunidade seguru, maski insidente asaltu no na'ok ne'ebé rejista relativamente aas. Ida-ne'e hamosu ipóteze katak iha kontestu Timor-Leste nian daudaun ne'e sai hanesan país ida hosi país sira iha mundu ne'ebé tuir levantamentu barakliu, no comunidade internasionál barakliu ne'ebé preokupa liulu ho violénsia iha masa, ida-ne'e posível katak partisipante sira asume katak resenseador sira tuir peskiza violénsia masa duké violénsia entre ema ka kriminal. Alein ida-ne'e, FGD fó-sai katak respondente sira 'frequentemente—no konxientemente—bazeia sira-nia avaliasaun kona-ba violénsia atuál hodi kompara ho epizódiu istóriu kona-ba violénsia anterior' (Marc & Willman 2010, 130).

34. Iha loran 20 Janeiro 2009, kampu IDP 54 hosi 63 iha Dili no Baucau taka (United Nations 2009, para 45). Kampu ikus ne'ebé taka maka Metinaro (Dili district) iha loran 22 Agosto, 2009 (Bishop 2012, 49).

35. Dekretu-Lei Governu nian N° 12/2008: Integrasaun eis-kombatente sira ba iha vida sivil. Pakote kompensasaun finanseira (valór ho total USD millaun 3) ne'ebé dezigna ba orsamentu estadu nian ho objetivu hodi fó insentivu ba petisionáriu sira hodi nune'e sira bele 'kontinua ho karreira sivil foun' (Ministry of Finance 2008, 36, 48). Kada petisionáriu ne'ebé elejível simu pagamentu dala ida de'it ho montante USD 8,000 (ICG 2013, 3).

36. Iha 29 Abril 2008, Gastão Salsina no membru na'in-12 hosi ninia grupu rende. Iha inísiu fulan-Jullu 2008, suspeitu na'in-23 ne'ebé iha relasaun ho tentativa asasinatu iha hela prizau preventiva (United Nations 2008, para 16).

37. Funsionáriu ONG balu alega katak situasaun iha 2009 'ladún estável duké antes 2006, hateten tensaun ne'ebé sai aat iha instituisaun nia laran no entre comunidade sira, mosu violénsia grupu-bandidu nian, no falta persesaun kle'an kona-ba konfiansa no seguransa iha sociedade nia leet' (Lothe & Peak 2010, 439).

38. Fatór ida-ne'e diskute iha estudu kazu 2010 Banku Mundiál nian kona-ba violénsia urbana iha Dili, 'Esperiénsia—liulu esperiénsia atuál—ho violénsia ne'ebé afeta maka'as persesaun kona-ba seguransa iha comunidade sira ne'ebé maka tuir peskiza' (Marc and Willman 2010, 63).

39. Kazu hirak-ne'e inklui lider lokál sira kontra reasentamentu família sira iha sira-nia comunidade (Bugalski 2008, 31); baku-malu entre família IDP sira ne'ebé maka fila kona-ba pagamentu reasentamentu governu nian, iha kazu oho ida ne'ebé maka hato'o (Muggah et al 2010, 25); disputa kona-ba propriedade/na'in, ezemplu ida ne'ebé rejista hosi Belun iha Aldeia Moris ba Dame (Bairro Pite) iha Fevereiro 2013 (Belun 2013a).

40. Agrupamentu monitoramentu EWER nian akontese iha fatin lima ne'ebé hetan levantamentu hosi relatóriu ida-ne'e: Kazu 450 kona-ba 'violénsia doméstika', entretantu kazu violénsia ha'at de'it ne'ebé iha relasaun ho arte marsial iha Dili.

41. Agrupamentu insidente sira ne'ebé mosu iha fatin levantamentu lima hosi relatóriu ida-ne'e liuhosi monitoramentu insidente EWER nian (Marsu 2012 – Abril 2014): insidente 18 tanba 'odi malu' ka tanba problema 'partikulár'.

42. Estudu World Bank nian ida kona-ba violénsia urbana iha Timor-Leste hetan katak partisipante fetu FGD nian sei ko'alia kona-ba oinsá asédiu públiku hasoru fetu (dalabarak bazeia seksualmente), 'dalaruma sai tiha violénsia entre grupu arte marsial bainhira vítima fetu sira bolu sira-nia namoradu, maun ka parente mane sira' (Marc & Willman 2010, 132). Dinámika ida-ne'e mós hetan iha monitoramentu insidente EWER nian (Marsu 2012 – Abril 2014): insidente hitu iha-ne'ebé violénsia entre ema (baibain agresau ka asédiu) hamosu ona envolvimentu familiár, ka bolu membru kolega grupu-bandidu sira. .

43. Ba konta ida ne'ebé detalladu kona-ba IDP sira haree Wassel 2014, *Timor-Leste: Links between Peacebuilding, Conflict Prevention and Durable Solutions to Displacement*, Brookings, Washington.

44. Ezemplu ida atuál kona-ba ida-ne'e maka bainhira grupu foinsa'e nian oho foinsa'e mane ida iha Aldeia Mate LaHotu

iha Dezembru 2013 (Comoro) (Belun 2013e; Belun 2013f) —alegadamente atake vigansa relaciona ho problema ida ne'ebé seidak rezolve ne'ebé envolve vítima—rezulta iha estabesimentu postu polisia temporáriu, estasiona ofisial BOP oioin ho objetivu atu impede insidente akompañamentu tuirmai ne'ebé dezde entaun permanese. Relatóriu atual kona-ba dinámika konfliktu no violénsia relaciona ho arte marsial sita respondente sira enfatiza 'importánsia prezensa polisia nian ho objetivu atu impede no hamenus potensial konfliktu, iha-ne'ebé ema barak husu atu harii Postu Polisia Permanente iha sira-nia área hodi garante seguransa no estabilidade' (Belun, 2014b, 27).

45. Pergunta 18 'karik mosu problema iha ita-boot nia comunidade lokal, ita-boot prefere bolu polisia duke autoridade lokal sira?'; Pergunta 24 'karik mosu duni problema boot iha ita-boot nia comunidade lokal, populasaun baibain bolu polisia?'. 46. Bazeia ba Sensus Fo Fila Fali Suku 2010 nian hato'o kona-ba Bairro Pite no Comoro.

47. Respondente, Comoro: "Ha'u hanoin seguru liu iha distritu sira, tanba iha distritu iha familia barak ne'ebé ita-boot koñese no iha relasaun ho sira. Maibé iha Dili, ema bele hela mesak. Ema balu di'ak, maibé sira-seluk ita-boot la koñese."

48. Respondente, Comoro: "Ba ha'u, iha problema barak iha foho. Baucau, Viqueque, Uatulari, konfliktu sempre mosu iha-ne'ebá."

49. 45% hosi 'feto ne'ebé maka kaben ona' sofre ona ba violénsia fizika, violénsia seksuál, ka kombinasau rua-rua ne'e (Taft & Watson 2013, 3); hosi kazu violénsia bazeia iha jéneru hamutuk 679 ne'ebé maka hato'o ba PNTL iha 2009, 462 kategoria hanesan violénsia doméstika (UNHCR and UNMIT 2010, 21).

50. Kovar & Harrington (2013, 10) hakerek katak mezmú ho promulgasaun Lei Parlamentu RDTL nian N° 7/2010 Lei Hasoru Violénsia Doméstika, vítima sira sei 'sujeita ba presau atu dada fila-fali kazu, tantu esplisitamente ka liuhosi presau sosiál latente hosi sira-nia feen-la'en, familia ka autoridade lokal sira', hatudu katak komprensau kona-ba violénsia ka konfliktu iha uma-laran, iha prátika no realidade, sei konsidera hanesan asuntu privadu.

51. Interessante, iha Levantamentu 2013 Fundasaun Ázia nian kona-ba persesaun polisia komunitária nian, taxa violénsia doméstika hanesan problema ne'ebé aas liu daruak (porsentu 19.0) hosi respondente sira kona-ba preokupasaun seguransa iha sira-nia lokalidade (Wassel & Rajalingam 2014, 20). Ida-ne'e karik tanba aumentu iha rekoñesimentu boot públiku nian ba violénsia doméstika, liuliu dezde aprovasau Lei Hasoru Violénsia Doméstika iha 2010.

52. Maski rezultadu iha fatin levantamentu nian hotu-hotu hanesan, Bemori hetan variasau boot. Persentajen aas liu hotu (porsentu 5.0) hosi respondente sente katak feto no mane sente nivel seguransa ne'ebé hanesan. Kontráriu, porsentu 5.7 de'it hosi respondente sira Bemori nian sente katak feto sente seguru liu, no porsentu 1.9 seluk hanoin 'provavelmente feto'. Maski número hirak-ne'e ki'ik uitoan de'it duké média comparativa iha fatin hotu-hotu, bele sujere persesaun katak feto iha Bemori la seguru liu iha sira-nia comunidade duké iha fatin sira-seluk.

53. Pontu hanesan hala'o hosi Toome et al (2012, 18) iha-ne'ebé investigadór sira preokupa katak 'lingua no retórica kona-ba 'prátika di'ak liu demokrátika nian' bele enkuadra resposta sira populasaun nian en-termus hateten ba entrevistadór sira saida maka sira hakarak atu rona. La klaru iha-ne'ebé termina sitasaun iha Bemori porezemplu, respondente ida fofoun hateten katak nia sente mane sira maka seguru liu iha ninia bairru, entretantu hafoin lakleur de'it nia hateten katak haree ba tempu demokrasia agora, feto no mane sira rua sente seguru hanesan. Hanesan mós bainhira husu sira, karik sira hanoin feto iha papél importante iha rezolusaun konfliktu, respondente mane ida iha Comoro hateten: "Feto sira iha papél importante atu halo tanba agora mane no feto iha direitu hanesan."

54. Respondente lubuk ida hatán pergunta ida-ne'e hanesan, en-termus feto no mane sira serbisu hamutuk hodi kontribui ba dezenvolvimentu ba sira-nia país (Respondente Mane, Bemori), levantamentu #446, no mós serbisu hamutuk no 'kolabora' hodi hala'o situasaun sai hakmatek no kalma' (Respondente Mane, Becora) levantamentu #18.

55. Dadus hosi Belun nian ne'ebé atual liu kona-ba Conflict Potential Analysis Report hatudu iha aumentu ba número hirak-ne'e, iha-ne'e mane ho porsentu 86.3 hamosu insidente sira nune'e mós reprezenta porsentu 73.1 hosi vítima iha insidente hotu-hotu ne'ebé rejista. (Belun 2014c, 12).

56. Entrevista sira ne'ebé hala'o hosi Grenfell et al (2009, 118) fó-sai resposta aas hanesan bainhira husu kona-ba envolvimentu feto niah rezolusaun konfliktu nian, iha-ne'ebé foti ona iha kontestu hodi enfatiza 'sosalidade rezolusaun konfliktu nian, haree ne'e hanesan prosesu ida interligadu ne'ebé envolve membru familia no comunidade nian, nune'e mós, feto'.

57. Resultadu levantamentu hosi relatóriu ida Banku Mundiál nian hatudu katak maski taxa partisipasaun iha reuniaun comunidade maizumensu hanesan, foinsa'e feto sira ho pontu persentuál 13 iha possibilidade ne'ebé ki'ik liu hodi ko'alia ka kontribui iha enkontru ne'ebé atual liu ne'ebé maka sira partisipa (Dale et al 2010, 3).

58. Autór no organizasaun lubuk ida diskute ona espesifikamente kona-ba pluralidade justisa dispozisaun seguransa iha Timor-Lete. Haree Chopra et al 2009, Fostering justice in Timor-Leste; Graydon 2005, Local justice systems in Timor-Leste: Washed up or watch this space; Grenfell 2007, Legal Pluralism and the rule of law in Timor-Leste; Grenfell & Winch 2014, Security across the local and national in Dili, Timor-Leste; McAullife 2008, East Timor's Community Reconciliation Process as a Model for Legal Pluralism in Criminal Justice; The Asia Foundation Law and Justice surveys (2004, 2008, 2013).

59. Iha seremónia ne'ebé hala'o iha igreja lokal ida atu rezolve konfliktu entre grupu-bandidu rua iha Golgota (Dom Aleixo, Dili) no ONG envolve hodi fó animál doméstiku no osan ba xefe-suku hodi sosa hahán atu nune'e ema sira ne'ebé partisipa bele han hamutuk. Konvida grupu rua hodi tuur hamutuk no ko'alia, haforsa ho juramentu iha-ne'ebé garante katak sé de'it maka viola akordu ne'ebé halo atu mantein pás tenke selu multa ho karrau no fahi (Grenfell et al 2009, 119).

60. 'Rede antiviolénsia' ida kompostu hosi membru polisia komunitária, representante Sekretáriu Estadu ba Juventude no Desportu nian, Komisaun Pás no Justisa Igreja Katólíka nian no organizasaun direitu umanu oioin hanesan HAK hetan ona susesu boot hodi lida rivalidade grupu arte marsial. Atór ida-ida fó serbisu ida espesifiku, ho HAK no representante hosi Sekretáriu Estadu ba Juventude no Desportu hahú mediasau. Karik la susesu, polisia dei ka'er, no diálogo sei hala'o entre prtagonista sira hodi garante katak problema sira sei rezolve hotu (Braithwaite et al 2012, 170).

61. Grenfell et al (2009) notak katak importante atu rekoñese variedade pozisaun lideransa nian iha comunidade hanesan padre, madre, profesór, médiu no enfermeiru sira. Alein ida-ne'e, pozisaun hirak-ne'e hotu la bele 'iha kontradisaun ba malu' maibé tenke haree iha kontestu 'interligasaun no fluidéz'. Papél oioin sira kumpri haktuir nesiedade no razaun komuniadde nian, hodi respeita ba sira-nia 'abilidade partikulár no asesu ba meus rekursu signífika katak la iha preferénsia barak ne'ebé maka falun entre sira, maibé balu uluk ida antes sira-seluk ne'ebé bazeia ba kestaun ka problema ne'ebé maka iha liman' (Grenfell et al 2009, 108).

62. Levantamentu Persesaun Polísia Komunitária 2013 Fundasaun Ázia nian, pergunta 15E, la publika rezultadu sira levantamentu nian.
63. Tradisionalmente, lejitimidade autór lokál nian presiza 'relasaun sosiál no família ba tempu naruk ho membru sira comunidade nian, dalabarak determina hosi relasaun jeneolojia no afinidade iha comunidade ho nivel mobilidade ne'ebé relativamente kí'ik (Jütersonke et al 2010, 42). Iha Dili, iha-ne'ebé membru comunidade barak, inklui lider, móvel, koneksaun ne'ebé mantein ema ho autoridade determinada id abele sai fraku. Hanesan, foinsa'e sira ne'ebé tuun ba hela iha Dili ba oportunidade ba formasaun no servisu nian bele la rekoñese lider autoridade lokál sira iha baze ne'ebé maka sira la halo tan ligasaun familiár ka nune'e mós etno-linguístiku. Haree katak liu metade hosi respondente (porsentu 62.3, n = 506) ho idade tinan 17 – 29, preferénsia tuun uitoan ba autoridade lokál bele refleta sentimentu ida-ne'e, iha-ne'ebé relasiona ho ema sira ne'ebé maka muda ba Dili.
64. Andrew Harrington mós nota katak envezde kontrola violénsia, xefe-suku no xefe-aldeia balu 'hetan alegasaun iha tantu grupu-bandidu sira impulsionada rua no atualmente participa iha violénsia' (Harrington 2006, 45). Respondente Golgota nian afirma kona-ba kapasidade lider lokál nian hodi rezolve problema bele komprende iha aspetu ne'ebé diferente hanesan esplika hosi Harrington iha-ne'ebé lider komunitária balu foin aleitu iha Novembru 2005 hanesan 'nomeadu FRETILIN virtúal simplesmente lakon apoiu konstituente virtúal no lejitimidade ne'ebé presiza hodi halo kontrolu no mediasaun ba disputa' (ibid, 45).
65. Respondente, Comoro.
66. Respondente, Comoro: "karik problema boot hanesan ema ida lori kilat, entaun ita-boot presiza bolu polísia"
67. Haree mós Pigou 2003, 31.
68. Nune'e mós, World Bank (2010, 4-5) identifika variável prinsipál karik ida-ne'e iha disputa 'violenta' ka 'la'ós violenta' iha-ne'ebé ida ikus ne'e konsidera sei rezolve iha comunidade nia laran. Nota: violénsia doméstika la inklui iha klasifikasaun ida-ne'e entre disputa violenta ka la'ós violenta ho objetivu atu identifika autoridade ida-ne'ebé maka atu bolu. Iha esénsia, iha kazu barak kategoria kona-ba gravidade krime—mezmu bainhira envolve omisídiu, agresauñ física ka seksuál—la aplika ba situaun sira iha-ne'ebé krime sira-ne'e mosu iha uma-laran.
69. Ida-ne'e konsistente ho levantamentu 2013 Fundasaun Ázia nian kona-ba persesaun polísia komunitária iha-ne'ebé hato'o katak porsentu 71.0 hosi respondente hosi Dili sente katak dezenpeñu PNTL nian 'di'ak liu' duké tinan kotuk. Maski, haree iha de'it porsentu 12.0 hosi respondente hateten katak sira iha ona 'kualkér tipu kontaktu' ho PNTL iha tinan kotuk, relatóriu sujere katak nivel konfiansa ne'ebé maka hato'o bele sai liu reflesaun ida hosi 'aspirasaun ka dezeju ba polísia hanesan instituisaun ida hodi fó seguransa iha sira (respondente sira-nia) comunidade, la'ós konfiansa maihosi prezensa réal PNTL nian' (Wassel & Rajalingam 2014, 46).
70. Pergunta 18: karik mosu problema iha ita-boot nia comunidade lokál, ita-boot prefere bolu polísia duké autoridade lokál sira hodi tulun rezolve problema ne'e? Porsentu 68.4 hatán 'definitivamente polísia'. Pergunta 24: Karik mosu problema boot liu iha ita-boot nia comunidade lokál, populasaun baibain bolu polísia? Porsentu 87.3 hatán 'definitivamente loos'.
71. Haree mós Svoboda & Davey 2013, 11; Wassel 2014, 8; Burgess 2012, 15.
72. Artigu 27: Organizaun Unidade Polísia Espesiál, Dekretu-Lei RDTL N° 9/2009 kona-ba Lei Orgánika Polísia Nasionál Timor-Leste nian (PNTL): Batalaun Orden Públika (BOP), Kompañia Protesaun Besik (CSP) no Kompañia Operasaun Espesiál (COE).
73. Reativasaun Forsa Tarefa (Task Force) PNTL Dili nian iha 2007 rezulta iha diminuisaun dramátika violénsia iha estrada iha semana rua nia laran, trázitu karreta no ema la'o-ain nian hahú fila-fali iha fulan ida nia laran. Unidade sira-ne'e simu mandatu atu uza forsa 'karik presiza' no hetan kítika maka'as hosi UNMIT, entretantu 'populasaun Dili konsidera inisiativa susesu' (Sentru ba Inovasaun Governasaun Internasionál 2009, 4). Lemay-Hébert (2009, 397) mós hakerek katak task force 'lalais liu koñesidu tanba ninia métodu kaer no interroga membru grupu-bandidu...hala'o papél hodi luta kontra krime relasiona ho grupu-bandidu iha kapitál, maski iha kustu violasaun sériu ba direitu umanu'.
74. Ida-ne'e sujere katak diskursu polítiku no mídia hala'o mós papél importante hodi mantein persesaun ida-ne'e kona-ba abordajen polisiamentu, promove lejitimidade no persesaun kompeténsia PNTL nian. Tinan ida molok levantamentu ida-ne'e hala'o, operasaun boot PNTL hala'o hasoru 'ninja' ne'ebé responsavel ba krime lubuk ida inklui oho, no intimidasaun sistemátika ne'ebé provoka tauk no pániku entre comunidade sira iha distritu parte Loromonu nian Covalima no Bobonaro, ninia efeitu to'o ba Dili (haree: <http://globalvoicesonline.org/2010/03/15/timor-police-ninja-operation/>; Myrntinen 2013, 474). Entretantu ikusmai deskobre katak operasaun ne'e loloos alvu 'Golpe' hosi CPD-RDTL no Bua Malus, Komandante PNTL ida hateten katak hala'o 'uzu podér ne'ebé esesivu ho objetivu atu restaura pás no estabilidade iha país tanba populasaun 'tanis ba asisténsia'. (Haree: 'Timor Police say new coup plot from CPD-RDTL and Bua Malus' and 'Dissident political parties accused of involvement in ninja crime in Timor-Leste'. Foin lalais ne'e, Rezolusaun Parlamentu Nasionál nian Hasoru Grupu Ilegal (Belun 2014a) PNTL simu basa-liman ba sira-nia esforsu ne'ebé hala'o operasaun ida-ne'e 'ho susesu' no restaura estabilidade iha nasaun tomak (Haree Fundasaun Mahein congratulates PNTL on their execution of the Parliamentary Resolution). Haree ba ezemplu rua ne'e, ida-ne'e la halo sentidu atu prezume katak diskursu ida-ne'e bele influencia ka define di'ak liu persesaun populasaun nian kona-ba kompeténsia polísia nian, no ho nune'e, oinsá sira bele hatán ba Pergunta Ruanulu-resin-lima.
75. Burgess sita respondente ida ne'ebé esplika difikuldade relasaun familiar en-termus polisiamentu, ne'ebé tau limitasan iha disponibilidade ajente balu nian hodi kaer ka lori kkriminozu ba justisa karik sira nu'udar membru família nian ida (Burgess 2012, 13).
76. Avaliasaun interna kona-ba rejime hato'o insidente kona-ba falsifikasaun rejistu ba benefisiáriu pakote rekuperasaun nian, iha-ne'ebé funsióriu MSS balu faan formuláriu, rezulta iha kazu duplikadu no hirus bainhira benefisiáriu sira deskobre katak ema balu uza tiha ona sira-nia número arkivu hodi reklama benefisiu (Democratic Republic of Timor-Leste 2009, 44).
77. Relatóriu 2009 Belun nian kona-ba redusaun tensaun comunidade nian liuhosi uma nota mós katak poténsial konfliktu hodi lori fila-fali IDP maka duplu; i) katak 'ema sira ne'ebé maka mai laho rezidénsia anteriór iha área bele lori kestaun no tensaun hale'u mudansa identidade nian no difikuldade hodi estabelese lasu sosiál', no daruak, tau presauñ bootliu iha merkadu traballu lokál, dezestabilizasaun padraun estabesidu kona-ba komérsiu no traballu' (Belun 2009, 7).
78. Burgess nota katak iha dezigualdade barak ho programa, ho barak maka lakon oportunidade no sira-seluk parese

simu ona tulun barak, ho envolvimentu nepotizmu (Burgess 2012, 8).

79. Respondente, Bemori: *"ema balu sente hirus tebes bainhira sira haree Estado tanba sira ladún hatán lalais ba nesidade sira ne'ebé maka sira presiza."*

80. Despeza total ba pakote rekuperasaun nian no kustu operasaun relasionadu sira (Rejime Subvensaun Rekuperasaun Bolsa) maka millaun USD 56.8. Programa ida-ne'e, jere hosi Ministériu Solidariedade Sosial (MSS), ho objetivu atu tulun IDP sira hodi fila-fali ka reasenta, fó kompensasaun bazeia ba iha estensaun destruisaun ka danu kauza ba sira-nia uma. Entretantu, iha 2010, hosi uma 6,800 ne'ebé maka verifika, 1,727 de'it maka simu pagamentu (Bishop 2012, 47).

81. Respondente, Comoro: *"Ema ladun kontente tanba sira [estadu] la rezolve problema ho desizaun di'ak...no iha ne'e iha impaktu ba futuru."*

82. Respondente, Bairro Pite: *"Ida ne'e la di'ak tanba sira-nia objetivu maka atu hetan de'it osan hosi ita-nia nasaun"*

Respondente, Bairro Pite: *"Ida-ne'e la di'ak tanba sira aproveita de'it vantajen hosi situasaun no ita-nia nasaun"*

83. Respondente, Becora: *"Ha'u sente kontente karik malae [ema estranjeiru sira] iha-ne'e tanba sira Netral. Sira sei hatente saida maka sala, no saida maka loos. Maibe karik Timoroan de'it...sira realmente la Netral"*

84. Respondente ida iha Becora espresa ninia preferénsia ba soldadu Austrália no Nova Zelândia nian tanba sira 'serbisu hamutuk ho forsa armada Timor nian', maibe fó vizaun ida negativa ba UNPOL tanba sira 'halo buat ruma sala maibe la hetan kastigu'. Nivel impunidade ida-ne'e haforsa hosi relatóriu seluk iha-ne'ebé diskute konfrontu entre ajente internasionál no nasionál ne'ebé la foti asaun ONU nian hasoru ema ne'ebé maka envolve. Komandante-Jerál foun PNTL nian, iha televizaun nasionál, krita publikamente no husu UNPOL hodi identifika no fó kastigu ba ema sira-ne'ebé maka envolve (CIGI 2009, 5).

85. 'Governu foun hatudu frustrasaun konsiderável ne'ebé haree inkapasidade atór internasionál hodi restaura normalidade ba ambiente seguransa Dili nian' (CIGI 2009, 4). Lemay-Hébert (2009, 397) hakerek mós kona-ba efikásia task force nian.

86. Guarda Nasionál Republikana (GNR) maka 'unidade estilu komandu forsa nian...Timoroan haree ho nivel repeitu ne'ebé maka hatauk (Burgess 2012, 11). Sira haree hanesan joven liu no forsa liu duké soldadu Austrália sira, iha ekipamentu kilat la oho nian ne'ebe barak, inklui gás no bala boraxa (Goldsmith 2009, 120, 125-126).

87. Unidade Polisia Formada GNR nian (FPU) maka fundamentál ba reestabelesimentu seguransa no orden iha Dili—iha fatin barak tanba sira-nia esperiénsia iha kontrolu rungu-ranga no manifestasaun—iha-ne'ebé 'taka-metin inépsia kontijente UNPOL nian sira-seluk' (Lemay-Hebert 2009, 396).

88. Pergunta 30: Ita-boot hanoin ida-ne'e di'ak bainhira iha ema hosi nasaun seluk envolve hodi fó seguransa iha Timor-Leste nia laran? Pergunta 28: Ita-boot hanoin katak UNPOL iha impkatu pozitivu ka negativu ba seguransa iha Dili? Pergunta 29: Ita-boot hanoin katak ISF iha impaktu pozitivu ka negativu ba seguransa iha Dili?

89. Caritas Austrália, Ajénsia Katólíka ba Dezenvolvimentu Esteriór nian (CAFOD), Servisu Asisténsia Katólíka (CRS), Mary MacKillop, Trocaire, no sira seluseluk tan.

90. Igreja mós fó hahán, roupa, kuidadu médiku báziku, no seguransa no apoiu ba feto-faluk, vítima violénsia física no seskuál, no oan-faluk (McGregor et al 2012, 1135).

91. Respondente, Comoro: *"La iha organizesaun seluk. Tanba ida-ne'e, hirak hosi ami ne'ebé dezloka bele de'it ba Igreja."*

92. Rekursu umanu konstitui opsau sira tuirmai iha levantamentu: família, lider lokál, polisia, lider relijiozu, kolega servisu, no amigu ka viziñu sira.

93. Levantamentu 2013 Fundasaun Ázia nian kona-ba persesaun polisia komunitária nian hato'o katak dezde 2008, televizaun sai tiha fonte prinsipál informasaun seguransa nian (porsentu 39.0), ultrapasa informasaun ne'ebé simu hosi amigu no família, iha-ne'ebé televizaun hetan taxa ne'ebé aas liu ba rezultadu sira hosi Dili duké distritu sira-seluk (Wassel & Rajalingam 2014, 27).

94. Haree Aneksu 1: Dadus Levantamentu ba taxa alfabetizasaun respondente nian.

95. Pergunta 8 'Ita-boot sente seguru iha comunidade iha-ne'ebé ita-boot hela ba agora?' porsentu 93.2. Pergunta 9 'Ita-boot sente seguru liu iha ita-boot nia comunidade lokál agora duké tinan 2 liubá?' porsentu 78.3. Pergunta 10 'Ita-boot sente seguru liu iha ita-boot nia comunidade lokál agora duke tinan 5 liubá?' porsentu 82.4. Pergunta 13 'Ita-boot sente seguru liu iha Dili agora duké tinan 5 liubá?' porsentu 82.6. Pergunta 14 'Ita-boot sente seguru liu iha Dili agora duké tinan 5 liubá?' porsentu 83.1.

96. Respondente, Comoro: *"Foin lalais ne'e ami haree ema balu tama prizaun, maibe sira-seluk la'e. Tanba ne'e ba ha'u, ha'u hanoin problema balu rezolve ona maibe balu la rezolve"*

97. Respondente, Bemori: *"Ha'u realmente la hanoin problema sira rezolve ona tanba povu ki'ik hotu-hotu sei reklama. Povu reklama katak sira-nia uma seidauk harii fila-fali. Liu hosi Ministériu Solidariedade, estadu haree ona uma sira maibe seidauk kontribui ba ema hotu. Sira kontribui de'it ba ema balu, no tanba ne'e ba ha'u, ha'u la hanoin problema hotu-hotu rezolve ona"*

98. Rejista insidente tolunulu-resin-haata relasiona ho eleisaun iha volta dahuluk Eleisaun Prezidensiál, barakliu kategoriza liuhosi tensaun inter-partidária, ho tuda fatuk, ameasa verbál, estragu sasán no baku-malu entre apoiante sira partidu nian. Belun 2012a, 1. Volta darauk eleisaun Prezidensiál haree insidente 47 relasiona ho eleisaun, hato'o rumór intimidasaun durante período kampaña eleitorál, provoka emosaun pública no konfliktu nune'e mós hamosu memória kona-ba trauma no instabilidade' (Belun 2012b, 1).

99. Respondente, Bairro Pite: *"Ha'u la hanoin katak sei iha problema [ho eleisaun sira] bainhira ita-nia lider sira hanoin dezenvolvimentu ita-nia rai"*

100. Respondente, Comoro: *"Ha'u hanoin katak karik sei iha problema bainhira lider hotu-hotu hakarak halo sira-nia desizaun rasik. Maibe karik sira tuur hamutuk hodi lori ita-nia rai ba pás entaun sei la akontese buat ruma"*

101. Sentimentu tauk kontinua relevante liuhosi momentu diferente ba inseguransa iha kapitál. Porezemplu, akontesimentu foinlalais no dinámika política iha Dili iha-ne'ebé, dezde tinan 2013 nia klaran aumenta vokalizasaun hosi Sr. Mauk Moruk no ninia grupu Conselho Revolução Maubere (CRM), husu ba Xanana Gusmao atu rezigna no disolve Parlamentu, rezulta hodi pasa Rezolusan Parlamentár No. 5/2014 (Belun 2014a). Debate iha televizaun entre Primeiru-Ministru Kay Rala Xanana Gusmao no Sr. Mauk Moruk (iha-ne'ebé Moruk, ikusmai la partisipa) hamosu nivel ansiedade públíku nian menus, iha-ne'ebé

Gusmao fó konsellu ba ema hotu-hotu atu 'kalma no hela iha uma, atu kuidadu no evita possibilidade tensaun ne'ebé mosu iha fatin públiku' (Belun 2013d, 1). Haree: 'L-7 husu Xanana no Mauk Moruk atu la provoka malu tanba ita lakohi atu buat seluk akontese hanesan krize 2006' ba ezemplu ne'ebé hanesan kona-ba oinsá iha diskursu públiku ida komún kona-ba hakarak atu mantein kalma no estabilidade nasional, no importánsia figura polítika hodi halo ida-ne'e. Hanesan argumenta hosi Pinto (2003, 9), kontestu istóriu Timor-Leste nian signifika katak diferensa polítika no debate naruk 'soran sentimentu ta'uk entre populasun' hosi 'ameasa hasoru seguransa nasional'.

ANEKSU 1: DADUS LEVANTAMENTU NIAN

Fatin iha-ne'ebé levantamentu hala'ó

Fatin	Frekuénsia	Porsentu	Persentajen Kumulativa
Comoro	168	20.7	20.7
Bairro Pite	160	19.7	40.4
Bemori	159	19.6	60.0
Becora	164	20.2	80.2
Lahane Oriental	161	19.8	100.0
Totál	812	100.0	

Orijen moris nian

Orijen	Frekuénsia	Porsentu	Persentajen Kumulativa
Dili	238	29.3	29.3
Manufahi	42	5.2	34.5
Ermera	64	7.9	42.4
Bobonaro	85	10.5	52.8
Liquica	17	2.1	54.9
Baucau	71	8.7	63.7
Lautem	30	3.7	67.4
Oecusse	29	3.6	70.9
Viqueque	66	8.1	79.1
Covalima	19	2.3	81.4
Ainaro	44	5.4	86.8
Aileu	57	7.0	93.8
Manatuto	42	5.2	99.0
Other country	8	1.0	100.0
Totál	812	100.0	

Jéneru

Jéneru	Frekuénsia	Porsentu	Persentajen Kumulativa
Feto	454	55.9	55.9
Mane	358	44.1	100.0
Totál	812	100.0	

Alfabetizasaun

Alfabetizasaun	Frekuénsia	Porsentu	Persentajen Kumulativa
Lae Ha'u la bele	68	8.4	8.4
Ha'u bele lee no hakerek uitoan	50	6.2	14.5
Ha'u hatene oinsá atu lee no hakerek	693	85.3	100.0
Totál	811	99.9	
Lakon	1	0.1	

Edukasaun

Nivel edukasaun	Frekuénsia	Porsentu	Persentajen Kumulativa
La eskola	70	8.6	8.6
Remata Eskola Primária	68	8.4	17.0
Remata Eskola Pre-Sekundária	150	18.5	35.5
Remata Eskola Sekundária	420	51.7	87.3
Remata Nivel Diploma	43	5.3	92.6
Gradusaun (S1)	56	6.9	99.5
Pozgraduasaun (S2 ka S3)	4	0.5	100.0
Totál	811	99.9	
Lakon	1	0.1	

Idade

Idade	Frekuénsia	Porsentu	Persentajen Kumulativa
17-19	133	16.4	16.4
20-29	373	45.9	62.3
30-39	139	17.1	79.4
40-49	68	8.4	87.8
50-59	61	7.5	95.3
60-69	21	2.6	97.9
70-79	7	0.9	98.8
80-89	1	0.1	98.9
90-100	4	0.5	99.4
La hatene	5	0.6	100.0
Totál	812	100.0	

ANEKSU 2: KESTIONÁRIU

1. ITA-BOOT MORIS IHA DISTRITU NO DISTRITU IDA NE'EBÉ?

- | | |
|-----------------------------------|---------------------------------------|
| <input type="checkbox"/> Dili | <input type="checkbox"/> Manufahi |
| <input type="checkbox"/> Ermera | <input type="checkbox"/> Bobonaro |
| <input type="checkbox"/> Liquica | <input type="checkbox"/> Baucau |
| <input type="checkbox"/> Lautem | <input type="checkbox"/> Oecusse |
| <input type="checkbox"/> Viqueque | <input type="checkbox"/> Covalima |
| <input type="checkbox"/> Ainaro | <input type="checkbox"/> Aileu |
| <input type="checkbox"/> Manatuto | <input type="checkbox"/> Nasaun seluk |

2. ITA-BOOT NIA SEXU?

- Feto Mane

3. OINSA ITA-BOOT NIA KOMPREENSAUN KONA-BA HAKERЕК NO LEE?

- La hatene hakerek no lee
 Hatene hakerek no lee uitoan de'it
 Hatene hakerek no lee

4. ITA-BOOT REMATA ESKOLA TO'O IHA NE'EBÉ?

- La eskola
 Remata primária
 Remata SMP
 Remata SMA
 Remata diploma (1,2,3)
 Universidade (S1)
 Universidade (S2 ka S3)

5. ITA-BOOT TINAN HIRA?

- | | |
|---------------------------------|-------------------------------------|
| <input type="checkbox"/> 18-19 | <input type="checkbox"/> 20-29 |
| <input type="checkbox"/> 30-39 | <input type="checkbox"/> 40-49 |
| <input type="checkbox"/> 50-59 | <input type="checkbox"/> 60-69 |
| <input type="checkbox"/> 70-79 | <input type="checkbox"/> 80-89 |
| <input type="checkbox"/> 90-200 | <input type="checkbox"/> Don't know |

6. IHA JERALMENTE, POVU IHA DILI RESPEITA LEI ESTADU. (Oinsá tuir ita-boot nia hanoin ho fraze ne'e?)

5	Konkorda liu
4	Konkorda
3	Netrál
2	La konkorda
1	La konkorda liu
0	La iha opiniaun

7. EMA TENKE TUIR LEI ESTADU MASKI NIA HANOIN LEI SIRA NE'E SALA. (Oinsá tuir ita-boot nia hanoin ho fraze ne'e?)

5	Konkorda liu
4	Konkorda
3	Netrál
2	La konkorda
1	La konkorda liu
0	La iha opiniaun

8. AGORA ITA-BOOT SENTE SEGURU IHA ITA-BOOT NIA BAIRRU KA LAE?

5	Sin, seguru
4	Karik seguru
3	Netrál
2	Karik la seguru
1	La seguru
0	La iha opiniaun

9. AGORA ITA-BOOT SENTE SEGURU LIU IHA ITA-BOOT NIA BAIRRU, DUKÉ TINAN RUA LIU BA?

5	Sin
4	Karik sin
3	Netrál
2	Karik lae
1	Lae
0	La iha opiniaun

10. AGORA ITA-BOOT SENTE SEGURU LIU IHA ITA-BOOT NIA BAIRRU, DUKÉ TINAN LIMA LIU BA?

5	Sin
4	Karik sin
3	Netrál
2	Karik lae
1	Lae
0	La iha opiniaun

11. TUIR ITA-BOOT NIA HANOIN MANE KA FETO MAK SENTE SEGURU LIU IHA ITA-BOOT NIA BAIRRU?

5	Mane
4	Karik mane
3	Hanesan ba feto no mane
2	Karik feto
1	Feto
0	La iha opiniaun

12. ITA-BOOT NIA BAIRRU LARAN IHA PÁS NO HAKMATEK KA LAE?

5	Sin, iha pás
4	Karik sin
3	Netrál
2	Karik lae
1	Lae, la iha pás
0	La iha opiniaun

13. AGORA ITA-BOOT SENTE SEGURU LIU IHA DILI LARAN DUKÉ TINAN **RUA** LIU BA?

5	Sin
4	Karik sin
3	Netrál
2	Karik lae
1	Lae
0	La iha opiniaun

14. AGORA ITA-BOOT SENTE SEGURU LIU IHA DILI LARAN DUKÉ TINAN **LIMA** LIU BA?

5	Sin
4	Karik sin
3	Netrál
2	Karik lae
1	Lae
0	La iha opiniaun

15. TUIR ITA-BOOT NIA HANOIN KRIME AKONTESE BARAK LIU IHA DILI KA IHA FOHO?

5	Dili
4	Karik Dili
3	Netrál
2	Karik distritu
1	Distritu
0	La iha opiniaun

16. ITA-BOOT SENTE SEGURU LIU IHA DISTRITU SELUK DUKÉ IHA DILI LARAN KA LAE?

5	Dili
4	Karik Dili
3	Netrál
2	Karik distritu
1	Distritu
0	La iha opiniaun

17. ITA-BOOT SIMU INFORMASAUN KONA-BA SITUASAUN SEGURANSA IHA DILI HUSI NE'EBÉ?

- Rádio

- Familia
- Televizaun
- Lideransa lokál
- Polísia
- Jornál
- Lideransa Agama
- Ema ne'ebé servisu ho Ita-Boot
- Lideransa politika
- Kolega/viziñu (ne'ebé la'ós familia)
- Baibain la-hetan informasaun
- Seluk (hakerek iha ne'e): _____

18. SE IHA PROBLEMA RUMA MOSU IHA ITA-BOOT NIA BAIRRU, ITA-BOOT PREFERE BOLU POLÍSIA DUKÉ LIDERANSA LOKÁL ATU AJUDA REZOLVE?

(Lideransa lokál hanesan xefe suku, xefe aldeia, no lia nain)

5	Polísia
4	Karik Polísia
3	Netrál
2	Karik Lideransa Lokál
1	Lideransa Lokál
0	La iha opiniaun

19. BAINHIRA PRESIZA REZOLVA PROBLEMA IHA ITA-BOOT NIA BAIRRU LARAN BAIBAIN UZA LEI TRADISIONÁL BA AJUDA REZOLVE KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

20. SE KONFLITU MOSU IHA NE'E, ITA-BOOT SIRA BELE BUKA SOLUSAUN IHA ITA-BOOT NIA KOMUNIDADE LARAN KA LAE?

5	Sin
4	Probably yes
3	Netrál
2	Karik lae
1	Lae
0	La iha opiniaun

21. TUIR ITA-BOOT NIA HANOIN FETO IHA PAPÉL IMPORTANTE ATU REZOLVE PROBLEMA IHA ITA-BOOT NIA KOMUNIDADE KA LAE?

5	Sin, importante
4	Karik sin
3	Netrál
2	Karik lae

1	Lae, la importante
0	La iha opiniaun

22. DEZDE TEMPU KRIZE ITA-BOOT HANOIN KATAK ESTADU SIRA AJUDA HALO PÁS IHA BAIRRU NE'E KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

23. ITA-BOOT HANOIN KATAK ORGANIZAUN SELUK AJUDA KRIA PÁS IHA BAIRRU NE'E DESDE KRIZE KA LAE?
(organizaun seluk' hanesan ONG sira/ONU)

5	Sin
4	Karik sin
3	Netrál
2	Karik lae
1	Lae
0	La iha opiniaun

24. SE PROBLEMA BOOT MOSU IHA BAIRRU NE'E, BAIBAIN EMA BOLU POLÍCIA KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

25. SE EMA BOLU POLÍCIA , ITA-BOOT FIAR KATAK POLÍCIA SIRA REZOLVE PROBLEMA DI'AK LIU DUKÉ ULUK KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

26. IHA JERÁL, ITA-BOOT HANOIN BAIBAIN POLÍCIA SIRA REZOLVE PROBLEMA HO NEUTRALIDADE KA LAE?

5	Sin
4	Karik sin

3	Netrál
2	Karik lae
1	Lae
0	La iha opiniaun

27. IHA TINAN IDA NE'E NIA LARAN, ITA-BOOT KA ITA-BOOT NIA FAMILIA IHA ESPERIÉNSIA RUMA HANESAN SAI VITIMA TAN EMA HALO KRIME KA LAE?

- Sin (Haree iha kraik)
- Lae (Ba kedas perguntas 28)

SE SIM, ITA-BOOT SIRA KEIXA BA Polisia KA LAE?

- Sin
- Lae

28. TUIR ITA-BOOT NIA HANOIN UNPOL SIRA HALO IMPAKTU NEGATIVU KA POZITIVU KONA-BA SEGURANSA IHA DILI LARAN?

5	Pozitivu
4	Karik pozitivu
3	Netrál
2	Karik negativu
1	Negativu
0	La iha opiniaun

29. IHA JERÁL, ITA-BOOT HANOIN ISF SIRA HALO IMPAKTU NEGATIVU KA POZITIVU IHA DILI LARAN? ('ISF' hanesan 'Forsa Estabilizasaun Internasionál'. Ne'e forsa estranjeiru sira ne'ebé tama Timor-Leste dezde 2006)

5	Pozitivu
4	Karik pozitivu
3	Netrál
2	Karik negativu
1	Negativu
0	La iha opiniaun

30. TUIR ITA-BOOT NIA HANOIN DI'AK KA LAE EMA HUSI RAI LI'UR ENVOLVA AN KONA-BA SEGURANSA IHA TIMOR LARAN?

5	Di'ak
4	Karik di'ak
3	Netrál
2	Karik la di'ak
1	La di'ak
0	La iha opiniaun

31. TUIR ITA-BOOT NIA HANOIN PROBLEMA NE'EBÉ ULUK HALO KRIZE MOSU REZOLVE TIHA ONA KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

32. IHA JERÁL, ITA-BOOT HANOIN POVU SIRA KONTENTE HO ESTADU SIRA RESPONDE BA KRIZE KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

33. ITA-BOOT SENTE PROBLEMA SEI MOSU IHA ELEISAUNTINAN OIN MAI KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

34. ITA-BOOT HANOIN DILI ATU DEZENVOLVE HO PÁS DURANTE TINAN LIMA OIN MAI KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

35. ITA-BOOT HANOIN SITUASAUN HANESAN KRIZE 2006 ATU AKONTESE TAN IHA FUTURU KA LAE?

5	Sin
4	Karik sin
3	Netrál
2	Karik lae
1	Lae
0	La iha opiniaun

